

Aug 12 1976



Smithsonian
Institution
Libraries

Gift of

DR. DAN NICOLSON

D. Wilder

165
215001.075

JOANNIS BECKMANNI
BRITAN. REGIS A CONSILIIS AUL. PROFESSORIS
OECONOMIAE

LEXICON BOTANICUM,

EXHIBENS

ETYMOLOGIAM,


ORTHOGRAPHIAM ET PROSODIAM

NOMINUM BOTANICORUM.

GOTTINGAE

APUD JOANN. FRIDER. RÖWER.

1801.



QK
9.
B43
1801
SCOTTISH

C. H. P E R S O O N,

D O C T O R I M E D I C I N A E ,

M E R I T I S I N B O T A N I C A M


P R A E C E L L E N T I S S I M O ,

M O N U M E N T U M A M I C I T I A E

D. D. D.

J. B.





Non omnia herbarum nomina, ne
dum ea, quae recentiori demum tem-
pore oblata sunt, explicare studui,
sed illa potissimum, quae iam LIN-
NAEO vſitata et a PERSOON in *Systema*
vegetabilium recepta sunt,

Quae nomina herbae traxerunt a
viris doctis, qui de re herbaria bene
meriti sunt, ea fere praeterii, quippe
quae satis exposita sunt a viro vene-

rabili G. R. BÖHNERO, in *Commentatione botanico-litteraria de plantis in memoriam cultorum nominatis.* Lipsiae, 1799. 8.

Pauca tamen ex iis inserui, quorum ad explicationem conferre posse mihi videbar, quod non admodum pervulgatum sit.

Quibus verbis subscripsi nomen BORRICHII, ea huc transtuli ex OLAI BORRICHII *lingua pharmacopoeorum, sive de accurata vocabulorum in pharmaci polii usitatorum pronunciatione.* Hafniae, 1670. 4.

Nominum, quibus iam Graeci atque Latini usi sunt, etymologiam, horumque vim atque rationem, non valde

valde curavi, cum ea plerumque incerta sint, neque botanicos multum iuvare queant. Ratio denominandi a scriptoribus tradita non fere convenit in eas herbas, quas nos iisdem nominibus appellamus, cum raro admodum veteres eandem herbam dixerint, quam hodie eodem nomine vocamus, neque facile coniiciatur, de quanam herba iis sermo fuerit.

Quae a me omissa sunt nomina,
et quae posteri dabunt, sublegant alii,
si usus fuerit.

Ceterum

„ non me fallit fore aliquem, qui
„ bunc iocum nostrum acutis naribus, et
„ caperata fronte condemnet; negetque

„ me

„me omnia, quae hic pertinent, recte
„attigisse. Quem ego verum dicere fa-
„stebor; iuste, negabo. Quippe si bo-
„nus est, quae omisi, non oblita mibi,
„sed praeterita existimet. Debinc qua-
„liscunque est, cogitet secum, quam
„multa de his non reperisset, si ipse
„quaesisset. Sciat etiam me nec omni-
„bus eritis usum, et quibusdam oblatis
„abusum.”

AUSON. edit. Souchay pag. 335.

Scrib. G o t t i n g a e

d. 24. Jun. 1801.

ABEL-

ABELMOSCHUS (*Hibiscus*), i. M. Planta semi-nis odorati fragrantia moschum provocans, inter Aegyptios hodie satis nota, *Ab el mosch*, et simpliciter *mosch*, non *Bel mosch* (quod legitur in Bauh. *pin.* p. 317.). Semen autem aspiratione aducta *Hab el mosch*, gramen moschi ab Arabibus nuncupatur. Haec Prosp. Alpinus in *Aegypti hist. nat.* 2. p. 207. et 1. p. 191. De nomine inoschi conf. quae disputavimus in *Waarenkunde* 1. p. 266.

ABIES (*Pinus*), abietis. F. pen. corripit. De nomine et synonymis conf. C. Gesneri *opera botan.* 1. p. 43.

ABROMA. Nescio, num sit *ἄβρωμος*, οὐ, strepitum magnum edens, an sit oppositum *Theobromati*, i. e. cibo deorum, praefixo *α* privativo. Quod si primum est, nomen est generis feminini, secundus casus est *Abromae*, et pen. corripitur. Sed si nomen factum est ex *βρῶμα*, τος, cibus, nomen est neutrius generis, cuius pen. producenda, et genitivus est *abromatis*.

Λ

ABRO-

ABROTANUM (Artemisia), rectius *abrotonum*, nam Galeno *de simpl. med. fac.* lib. 6. dicitur ἀβρότονος. Pen. corripitur. Nam Horat. *epist. 2, I, 114*: *Navem agere ignarus navis timet, abrotonum aegro Non audet, nisi qui didicit, dare.* Sed Abrotonites apud Columel. 12, 35. penult. producit. Conf. C. Gesneri *opera botan.* I. p. 53.

ABRUS (Glycine). Semina corallini ruboris ex Arabia felici in Aegyptum deferuntur, ad cultum puellarum. Inde etiam nobis nomen indeclinabile. Prosp. Alpini *hist. nat. Aegypti* 2. p. 40. et ibi Vesling. p. 183.

ABSINTHIUM N. (Artemisia). Male scribitur Absynthium, est enim Graece ἄψινθιον.

ABSUS (Cassia). Hoc nomine, nobis quod indeclinabile, Aegyptii plantam vocant, de qua vid. Prosp. Alpin. *hist. nat. Aegypti* 2. p. 46. et ibid. Vesling. p. 191.

ABUTILON (Sida). Penultimam corripere solemus, vti in pestilens, vmbilicus, corylus. Nomen est arabicum, quod Avicenna botanicae intulit.

ACACIA (Mimosa). ἀκακία Diosc. I, 133. penultimam corripit; ita enim Vindicianus, quem tempore Theodosiani senioris Imper. vixisse constat, quem Burmannus in *poetis minor.* 2. p. 389. Marcellum vocat, v. 57: *Acacian propolimque, et adarcen, cnicon, acanthum.* Avicennae quidem vocatur *Akhakhia*, sed ab eo, in voce Graeca, non capienda leges. De hac planta

planta eiusque nomine multa disputavit Salma-
sius ad Solinum.

ACAENA, ae, ἄκανθα, spina, aculeus, etiam
virga pastoritia. At nulla huius nominis herba
reperitur in libris veterum.

ACAJOU (Anacard. occident.) nomen Ameri-
canum.

ACALYPHA. Latinis, Plinio aliisque dicitur Aca-
lephe, es. F. Pen. producenda. Nam graece
ἄκαλυφη quod ἄκαλος sit τῇ ἀφῇ, sive noxia
tactu, sicuti urtica. Aemil. Macer. 2, 2: Grae-
cus acalephen, nos urticam vocitamus. Sed apud
Gellium 4, 11. p. 287. in quibusdam libris le-
gitur ἄκαλύφη. Conf. Casaubon. animadu.
in lib. 3. Athen. et Radulphus Fornerius rerum
quotidian. 3, 30.

ACANTHUM (Onopordum), ἄκανθοι ab ἄκαν-
θᾳ, spina.

ACANTHUS, ἄκανθος, ab ἄκανθᾳ, spina. Plin.
24, 12. Virg. Georg. 2, 119: Et baccas sem-
per frondentis acanthi.

ACARNA (Cnicus) Theophrasto histor. lib. 6, 4.
planta est Cnico similis.

ACER, eris. N. penultima corripitur.

ACETABULUM (Peziza) pen. corripit.

ACETOSA (Rumex) a grato acore, sed vocabu-
lum novum, sine idonea auctoritate. Pen. pro-
duc. vt in morosus, bellicosus.

ACHILLEA, ae, pen. producitur. Virg. *aen.* 3,
326: *Stirpis Achilleae fastus, iuvenumque su-*
perbum. Achillea herba Plinio aliquoties lau-
data, eadem *Achilleos, οὐχίλλειος Βοτάνη.*
Plin. 25, s. sect. 19: *invenit et Achilles disci-*
pulus Chironis, qua vulneribus mederetur, quae
ob id achilleos vocatur. Conf. Fabricii *biblioth.*
graeca XIII. p. 27.

ACHRAS. F. *achradis.* pen. corripitur. Nam Co-
lumella 10, 14: *Achrados aut pruni lapidosis*
obruta pomis.

ACHYRANTHES ab *ἀχυρόν*, palea, acus, nomen
deductum dicitur in *philos. botan.* p. 177. Ita
Linnaeus nomen *Achyra cantha* contraxit, quod
obtulerat Dillenius horto *Elth.* 7. Inde no-
men triviale (Illecebrum) *achyrantha.*

ACIDOTON (Adelia). i. producitur; nam Graecis
ἄκιδωτος est cuspidatus, acuminatus in mo-
dum cuspidis.

ACINOS, i. M. in accusat. acinon. (Thymus).
Pen. corripitur. Ita Plinio vocatur herba odo-
rata ocimo similis. *Acinus* notat et baccas,
quibus constat uva, et baccarum nucleos in-
teriores seu semina, quae notio nostris botani-
cicis accepta est.

ACISANTHERA (Rhexia) producitur, ex *άκης,*
ίδος, cuspis ferrea, spiculum, et *αὐθηγός,*
floridus, vel potius ab anthera botanicorum.

ACMELLA (olim Verbesina, nunc Spilanthes).
Nomen Ahmella, Atcmella, Hacmella cum
planta

planta innotuit anno 1691 ex insula Ceylon.
Conf. Raii hist. plant. 3, 1, pag. 226.

ACONITUM producitur. Ovid. metam. I: *Lurida
terribiles miscent aconita novercae.*

ACORUS, i. M. saepius Acorum. N. ακόρος Dio-
scor. Penult. corripit, et sic etiam Vindicianus
vel Marcellus.

ACROSTICHUM pen. corripitur. ἀκρόσιχις et
ἀκρόσιχεν, est initium versus, ex ἀκρός, sum-
mus, et σίχος, versus.

ACTAEA, nomen plantae, de qua Plin. 27, 7.
conf. Linnaei flora Lappon. p. 175.

ADANSONIA. Arbor maxima proceritatis, quam
primus diligenter descripsit Adanson, cuius,
etsi inimici, nomen Linnaeus arbori dedit,
rogatus ab Iussieu, sed non sine suspicione fore,
ut posteri Adansoniam reducant ad genus nimis
affine Bombacis. Michael Adanson natus est
d. 7. April. 1727. Aquis Sextiis in Provincia
Galliae. Bene ille de botanica promeritus est,
sed multo plura promisit, quam praestitit.
Conf. Halleri bibl. botan. 2. p. 461.

ADENANTHERA, ae. producitur. αδήνη, αδένος,
glandula, quoniam habet glandulam in apice
exteriori antherarum.

ADHOTADA (Iusticia) nomen Zeylonicum.

ADIANTUM, sine H scribendum; est enim graece
αδιάντος, herba dicta ab α et διάντω, quoniam
folium eius aqua perfusum non madefiat,
sicco semper simile.

ADONIS, is et idis. *Adōnis*, nomen istius iuvenis, quem Venus in deliciis habuit, forma praeceilentem, in florem purpurei coloris conversum, de quo Ovid. *metam.* 10, 736. Ergo pen. producitur, et nomen est generis masculini. Itaque species male dicitur *Ad. apennina*, quae debet dici Adonis apenninus. Possunt autem eiusmodi cognomina probari illa orationis figura, quam grammatici veteres epexegesin, recentiores appositionem vocant. Licet enim in vocabulo adiectivo intelligere herbam seu plantam; quasi tu dicas: Adonis, quae herba dicitur vel est apennina. Atque hoc semel monuisse sufficiat. Plin. 21, 10. sect. 34. vocat aliquam herbam *Adonium*, quam ex Adonidis sanguine ortum traxisse poetas fabulari, auctor est.

ADOXA, *ἀδόξος*, inglorius, infamis, absurdus. Conf. *philos. bot.* p. 182. Ascribamus verba ex *horto Cliffort.* p. 153: “Elegimus hoc non men, cum sit planta quoad externa, quae praese fert nullam splendidam faciem, nullum ornamentum, nullamque gloriam, sed in partibus fructificationis discedit ab omni theoria et doctrina systematica a numero defumta, praesertim apud adoxos, qui proportione numeros expedire recusant.”

AEGILOPS, *aegilopis*. F. *αἰγιλοψ*, nomen arboris glandiferae apud Plin. 16, 6. Penultima in nominativo et casibus obliquis corripitur.

AEGI-

AEGINETIA. Hoc nomen a Paulo Aegineta, scriptore saeculi septimi, indiderat Linnaeus peculiari generi, quod postea reduxit ad illud, quod nunc Orobanche dicitur. Neque Paulus de botanica ita meritus est, ut hocce honore dignus videri posset. Ceterum aegineta est incola insulae Aeginae, qualis fuit Paulus, neque potuit inde planta bene dici Aeginetia. *Aes aegineticum* praedicatur a Plinio. De Paulo conf. Halleri *bibl. med. præf.* I. p. 311. et Hamberger *züberlässige Nachrichten.* 3. p. 510.

AEGIPHILA. Ex αἴξ, αἴγος, capra. Herba capris amica s. grata. Pen. corripitur. Nomen recens.

AEGOPODIUM. Graecis dicitur αἴγοπόδης, capri-pes, ex αἴξ, caper, et πόδης, pes; sed ita nulla iis planta dicta est. "Traxit nomen ab „aliqua convenientia foliorum cum vngula vel „pede caprae." Lin. *hort. Cliffort.* p. 107.

AESCHYNOMEME, es. F. αἰσχυνομέμη i. e. erubescens. αἰσχύνη, pudor, verecundia. Hoc nomine Plinio 24, 17. vocatur planta, quod appropinquante manu folia contrahat. Pen. corripitur.

AESCULUS, i. F. pen. corripitur. Virg. *Georg.* 2, 291: *Aesculus in primis, quae quantum vertice ad auras.* Per ae, ex vſu vulgari et derivatione, quam Vossius ad fert; consentit Servius ad Virg. l. d. Alii malunt *Esculus* per e simplex, etymon, vt aiunt, sequuti. Nam quem ad modum *Fagus* αἴπο τοῦ Φάγειν,

edere, ita ex eorum sententia Esculus ab esca,
quod ex eius fructu prisci escam sumerent.
Vtrumque in codicibus emendate editis. Vi-
deant eruditiores, neque nostrum est ubique
tantas inquirere lites.

AETHIOPIS, idis. F. (Salvia) corrip. Herba ma-
gica Plinio.

AETHUSA producitur. Αἰθούσα interdum est par-
ticip. a verbo αἴθω, significans *splendens*; in-
terdum substantive ponitur significans σοὰν,
porticum. At nunquam αἰθούσα est mendica,
quod falso perhibetur in *philos. botan.* p. 186.
Cynapium habet folia adeo nitentia, ut inerito
dicatur splendens s. aethusa.

AGALLOCHUM (Excoecaria) penultimam corripit.
Graecum nomen est ἀγάλλοχον, de quo dispu-
tat Salmas. *de homon.* cap. 6. p. 7. et ad So-
linum p. 742.

AGARICUS male. Nam Latinis Agaricu[m]. N.
pen. corrip. Αγαρικὸν, ab Agaria, Sarmatiae
regione, dictus fungus Diosc. 3, 1. Vindicianus
vel Marcellus 55: *Agaricumque asarumque po-*
tens, aloen, aconitum.

AGAVE, es, ἀγαύη, admirabilis, praecipua, sc.
planta. Penultimam producimus. Sic enim
Homerus *odys.* 2, 209. et 5, 1. et 15, 229.
Theocrit. *idyl.* 25, 55. et 26, 1. Horat. *sat.*
2, 3: *Quid, caput abscissum demens cum portat*
Agave. Ita vocatur Cadimi et Hermione filia.

AGERATUM. Pen. corrip. *αγηράτος*, senectutis expers. Ex α et $\gamma\eta\gammaος$, senectus, quod herbae nomen legitur apud Plin. et Dioscor. Dicitur vero, quoniam flos colore diutissime servat.

AGNUS CASTUS (Vitex). Agnos est fruticis nomen, cuius foliis matronae Thesmophoriis Atheniensium castitatem custodientes, cubitus sibi sternebant. Plin. 24, 9. sect. 38. Inde nomen *αγνός* seu *αγύρος*, castus. Male recentiores duplicata voce *Agnum castum* dicunt.

AGRIMONIA, nomen plantae, quam Celsus 5, 27, 10. commendat.

AGROSTEMMA, N. nomen a Linnaeo confictum ex *αγέρος*, ager, et *σέμα*, corona. Ergo scribendum per *m* duplex. Casus genit. *Agrostematis*, penultimam corripit. Cum sit gen. neutrius, dicendum est Agrostem. coronarium, non, ut vulgo, coronaria.

AGROSTIS, is; in casu quarto agrostin. F. Nomen graminis, quo usus est Dioscor. 4, 30. et 31, 32, atque inter Latinos primus, quod nunc scio, Apuleius de *herbis* cap. 77; etsi sint, qui apud Columell. VI, 31, 2. pro *agrestis* legere malint *agrostis*, qua de coniectura disputavit Gesnerus ad h. l. Conf. Du Cange *glossar. graec.* p. 21.

AJACIS (Delphinium). Ajax, Ajacis, producitur. Haec delphinii species est hyacinthus veterum, cui Plin. 21, 11. p. 244. scribit inesse ita discurrentes venas, ut graecarum litterarum

A S figura

figura A, I, legatur inscripta. Conf. Bartholinus *de medicis poetis*, in praefat. p. 8.

AIRA, ae. αἰρα Graecis dicitur Lolium, quod e frumenti corruptione proveniens putabatur.

AIUGA, ae. F. penultimam corripiunt lexigraphi. Nomen legitur apud Plin. Apulej, et Scribon. Sed Vossius *etymol.* p. 15. corruptum putat ex Abiga, cuius penult. etiam corripitur.

AIZOON, i. N. Graecis ἀειζωον, ergo nomen quatuor syllabarum, cuius pen. producenda, αει, semper, et ζωη, vita. Quasi sempervivum. Plin. 25, 13. p. 384.

ALATERNUS, i. F. (Rhamnus). Apud Columel. 7, 6. nomen fruticis capris grati.

ALBUCA. Est planta, Plinio quae Albucum, i. N. dicitur, non *albuca*, ae. Pen. producitur, sicut in manduco, festuca.

ALCANNA (Lawsonia inermis), nomen arabicum, quod apud Avicennam dupli modo legitur et *alchanna* et *alcona*.

ALCEA, ae. ἀλκέα, ἀπὸ τῆς ἀλκῆς, ob insignem vim plantae, de qua Plin. 27, 4. Pen. corripitur, neque bene scribitur a quibusdam alcaeа.

ALCHEMILLA dicta, quia alchemistarum praeconiis celebrata sit. Bauh. pin. p. 319.

ALDROVANDA. Hoc nomen generi dedit Joseph. Monti in *Actis Bonon.* vol. 2. deductum ab Ulysse Aldrovando, viro summae eruditio-

ac diligentiae, qui natus Bononiae 1522, obiit ibidem 1605 aetate decrepitus, sed non pauper. Conf. *Memorie della vita di Ul. Aldrovandi*, — *col alcune lettere scelte d'uomini eruditi*. Bononiae 1774. 8. auctore Giov. Fantuzzi. Monti variis plantarum indices. Bononi. 1724. 4. et 1753. 4. Bayle *diction.* I. p. 150. Halleri *bibl. botan.* I. p. 402 et 435.

ALETRIS. F. nomen primum, ni fallor, legitur, in *amoen. acad.* 2. p. 11. vbi alethris per th. Sed *ἀλεθρίς*, *ἴδος*, est molitrix, molitoris vxor. Habet *Aletris farinosa* flores, farina qui conspersi videntur, vnde hoc genus nomen traxisse opinor. Corripitur.

ALHAGI (*Hedysarum*). nomen arabicum, quod Rauwolf *itiner.* I. p. 89. edit. Francof. 1582. 4. evulgavit,

ALISMA, *alismatis*. N. pen. corripitur. *Αλισμά* nomen herbae apud Diosc. et Plin. Falso itaque *Al. subulata* dicitur pro *subulatum*; nisi in adiectivo intelligatur *herba*.

ALKEKENGI (*Physalis*). Officinae, sicut Ruellius p. 612. Mauritanos sequutae *alcaquengi* vocant.

ALLIARIA (*Erysimum*) eo, quod folia digitis comminuta allium redolent. Nomen veteribus incognitum.

ALLIONIA, genus cui Loefling nomen imposuit Caroli Allione, profes. botan. Taurin de quo conf. Halleri *bibl. bot.* 2. p. 452.

ALLOPHYLUS. ἀλλόφυλος, alienigena, extraneus.

Penult. producitur, etsi Prudentius *hamartig.* 500, et Paullinus, contra naturam graecae vocis, accentum recentiorem secuti, corripuerint penultimam. Male igitur Allophyllus; nisi quis nomen ex ἄλλος et Φύλλου compositum esse contendat.

ALNUS, i. F.

ALOE, es. F. Αλόη. Plin. 27, 4.

ALOPECURUS, i. M. ἀλωπέκευρος. Herba apud Theophr. 7, 20. et Plin. 21, 17. non dissimilis vulpinae caudae. Αλώπηξ, vulpes, οὐρά, cauda. Penultima producenda.

ALPIGENA (Lonicera). More veterum dicenda fuisset *Alpina*. Nam alpigena recens fictum nomen est ad exemplum *indigenae*; atque eadem ratione corripitur, quem ad modum cuncta ex gigno cum nominibus composita, ut alienigenus, nubigena, omnigenus, cet.

ALPINAE plantae, quas enumeravit Lin. in *amoen. euillac. 4.* p. 415. Pen. produc.

ALPINIA, genus dictum in honorem Prosperi Alpini istiusque filii Alpini Alpinii, mortui 1638, professorum botan. Pisaniorum, de quibus conf. Horti Pisani historia in Pontederae *epistolis et dissert.* 1791. 4.

ALSINE, es. F. ἀλσίνη ab ἄλσος, nemus, lucus. Pen. produc. ex analogia, ita Neptunine Catul. 65. Nerine Virg. ecl. 7.

AL-

ALSTROEMERIA, planta admodum speciosa nominata in honorem Claudii Alstroemer, Sueci, qui eam primus misit praeceptor. Conf. amoen. acad. 6, p. 250.

ALTHAEA, ae. F. dicta ab ἀλθα f. ἀλθαινω, fano, medeor. Plinii aetate erat herba, quae a quibusdam a praestanti efficacia nominabatur Aristalthaea. Plin. 20, 21.

ALYPUM (Globularia), i. N. f. Alypia. ἀλυπος, doloris et tristitiae expers. Ex α et λύπη, tristitia. ἀλυπία, vacuitas doloris. Plin. 27, 4. Pen. corripitur ex analogia.

ALYSSUM, herba sic dicta, quae morsui canis rabidi mederi credebatur, λύσσαν enim Graeci rabiem vocant. Plin. 24, 11.

AMARACUS Lobelii (Origan. majorana) pen. corripit. Sic Virg. aen. I, 693: *Idaliae lucos, ubi mollis amaracus illum.*

AMARANTUS, graece ἀμάραντος, ἀπὸ τοῦ μὴ μαρανεσθαι, quod non marcescat, immarcescibilis. Perperam igitur scribitur per *th*, amaranthus. Conf. Vossii etymol. et Fr. Vavassor in *antibarb.* p. 480. Marcessit quidem flos, sed retinet colorem vivum siccatus.

AMARYLLIS, Tityri amica rustica apud Virg. ecl. I, 51. Amaryllidis penultimam corripit. *Farmosam resonare doces Amaryllida silvas.* De allegoria, quam quidam nomini inesse credunt, conf. Crenii *animadvers. philolog.* X. p. 158-160. Conf. Hort. Cliffort. p. 135.

AMBROSIA, planta apud Plinium, atque cibus deorum. Ovid. ex Ponto I, 10, 11: *Nectar et ambrosiam, latices epulasque deorum.*

AMELANCHIER (Mespilus). "Vix ullus locus „paulo asperior montanae Galloprovinciae est, „cui desit huius fruticis proventus. — Inter „folia crebra foetura baccae rotundae admo- „dum nigrae, magnitudine myrti, sapore „plane melleo, et pergrato plebeculae, quas „ideo vocat Amelanchos, quasi mellea."

Haec Lobelius in *adversar.* p. 441. Idem in *observation.* p. 608: Amelanchier Gallorum. Auelacques Lingua. Gottorum. — — Evidem his nihil iam addere queo, dico tamen, etiam in Normannia vinum admodum dulce ex posmis paratum vocari Améléon.

AMELLUS, i. M. Virg. *georg.* 4, 271: *Est etiam flos in pratis, cui nomen amello.*

AMETHYSTEA a floris colore nomen accepit in *philos. botan.* p. 169. At Latini dixerunt *ame-thystina*, penultima correpta.

AMMANNIA. Ammannus fuit nomen aliquot virorum, qui botanices scientia inclauerunt, sed ille, a quo planta nomen traxit, fuit Paulus Ammannus, profess. Lipsiensis 1633, de quo conf. Halleri *bibl. botan.* I. p. 518, cuius filium Johannem esse temere perhibet Linnaeus in *amoenitat. academ.* 5. p. 276, qui quidem ex alia stirpe natus est, quod recte monuit G. R. Böhmer.

AMMI.

AMMI. N. ἄμμι. Stephanus genitivum facit ἄμμο-
μεως, ammios, sed Plin. habet ammum, i.

AMOMUM, i. N. pen. produc. Graece ἄμωμον,
id est irreprehensibile, maculae expers. Virg.
eclog. 4, 25: *Occidet. Assyrium vulgo nascetur
amomum.*

AMORPHA, ae. ἀμορφος, formam non habens,
deformis. μορφη, forma; quia flori papilio-
naceo defunt carina et alae. Conf. Genera
plantar. p. 369. et hortus Cliffort. p. 353.

AMPELOPRASUM (Allium). pen. corripit, quo
nomine Dioscor. et Plinius vsi sunt. Ab ἄμπε-
λος, vitis, et πράσον, porrum, quod in vi-
netis nascatur.

AMYGDALUS, i. F. pen. corrip. Palladio ita vo-
catur arbor, cuius fructus est amygdalum. Sed
Columella etiam arborem vocat amygdalam.

AMYRIS, is. F. nomen arboris, cuius Hierony-
mum mentionem fecisse legimus; in libris an-
tiquioribus, ni fallor, non occurrit. Fuit
etiam nomen Sybaritae cuiusdam. Pen. corri-
pitur; sicut in satyra, zephyrus. Sunt com-
plures species huius generis balsamiferae, vnde
quis possit coniicere, nomen esse deductum a
μύρον, vnguentum, vel a μυρισ, ιδος, vas
vnguentarium; at obstat & privat. quod plan-
tae vnguentum negare videatur.

ANABASIS, is. F. pen. corripitur. ἀναβασις ab
ἀναβαινω, adscendo, quod planta Plin. 26, 13.
arbores scandat.

ANA.

ANACAMPSEROS, otis. M. (Sedum), ἀνακαμψέως, herba, cui a magis ea vis tribuitur, ut eius tactu redeant amores. Plin. 24, 17. Ex ἀνακάμπτω, reflecto, et ἔρως, amor. Pen. corripitur.

ANACARDIUM, i. N. ἀνακάρδιον. Ita a recentioribus medicis Graecis semina dicta sunt, quod cordis figuram coloremque aemulentur. Sic Paulus Aegin. in confectione δι' ἀνακαρδίων.

ANACYCLUS. ἀνακυκλώ, circumcingo. ἀνακύκλωσις, circumdatio. Pen. producitur. Nomen recens.

ANAGALLIS, lidis. F. pen. corripitur. ἀναγάλλης Dioscor. 2, 170. et Plinio.

ANAGYRIS, is. F. pen. corrip. ἀνάγυρις. Diosc. 3, 149.

ANANAS (Bromelia). Hoc nomine ex appellatione americana orto primus usus est Jean de Lery, sed *Nanas* iam apud Andre Thevet legitur. Conf. nostra *inventionum historia* I. p. 439.

ANANDRIA (Tussilago). Hoc nomen impositum est huic *Tussilaginis* speciei a Sigsbeckio, praefecto quondam horti botanici Petropolitani, quoniam ei stamina prorsus deesse arbitrabatur, quo exemplo totum systema sexuale, a quo quam maxime abhorrebat, evertere volebat. Linnaeus autem, acceptis seminibus, probavit in *amoen. academ.* I. p. 168, esse speciem *Tussilaginis*, atque habere omnino stamina. Ibi quo-

quoque rationem, cur nomen Sigesbeckii servaverit, ita docet: “Si qui Anandriam Sigesbeckii accipient pro distincto genere in suis historiis botanicis, obseruent hanc plantam ideo appellatam esse Anandriam, quia prius nominator stamina non animadverterit.”

ANASTATICA, ab ἀνάστασις, resurrectio, quoniam rosa Hierochontis s. ab Hiericho humectata reviviscere olim credebatur, qua de fabula conf. Bellonii *itinerar.* 2, 86. p. 143. Conf. *hortus Cliffort.* p. 328.

ANBLATUM (*Lathraea*). Vox hybrida e Germanico *Unblatt*; id est ἀφυλλος, foliis carens, ohne Blatt, seu potius *Unblatt*, ubi un sive an (quae syllaba producitur) pro α privativo Graecorum inservit. Sic dicimus: *Unwetter*, *Unwedder*; nec scio, num *Undorn* eodem modo formatum sit.

ANCHUSA, ae. penult. producitur. ἀγχουσα ab ἀγχω, constringo, coarcito. *Diosc.* 4, 65.

ANDRACHNE, es. F. ἀρδεάχνη. *Plin.* 13, 22. *Columel.* 10, 376.

ANDROGYNUS. i. (*Ruscus*) ἀνδρόγυνος, utrumque habens sexum, feminæ scilicet et masculi. Corripitur. *Auson. epigr.* 69, 12: *Vidit nubentem Plinius Androgynum.*

ANDROMEDA, ae. F. Cephei et Cassiopea poetis filia est, vxor Persei. Penultimam corripit. *Propertius* 3, 21, 29: *Non hic Andromedae resonant pro matre catenae.* Quare placuerit

haec appellatio Linnaeo, videsis *Floram Lappon.* p. 126.

ANDROPOGON. ἄνης, ἄνδρος, vir, πώγον, barba; ergo barba viri, et penultima producenda, sicut in Tragopogon, barbula hirci. Andropogonis pen. produc.

ANDROSACES, is. F. ἄνδροσάκες. pen. corrip. Diosc. 3, 133. Plin. 27, 4.

ANDROSAEMUM (Hypericum), ἄνδροσαμον. Plinio 27, 4. sect. 10. herba sic dicta est, quae trita sanguineo succo manat. Hinc nomen videtur, quasi tu viri sanguinem dicas. αἷμα, sanguis, ἄνης, ἄνδρος, vir.

ANDRYALA pen. corripit, sic Italus, Tantalus. ἄνης, ἄλη, erratio, error. Nomen plantae in Theophrasti hist. 7, 7. in numero olerum.

ANEMONE, es. F. penultima producenda. ἄνεμη, ἄνεμος, ventus. Adonidis crux in anemone florem mutatus est, quo allusit Ovid. metam. 10, 739.

ANETHUM. pen. produc. Virg. — — et florem iungit bene olentis anethi. ἄνηθον.

ANGELICA, ae. Nomen Plinii aevi in usu esse non potuit. Penult. corripit, auctoritate Coeli Sedulii, poetae Christiani saec. 5, qui isto adiectivo frequenter usus est.

ANGUINA. (Trichosanthes). Dicitur a fructus forma Michelio auctore. p. 12.

ANGU-

ANGURIA, ae. (*Cucumis*). Hoc nomen saepe occurrit apud Aetium, qui primus eo usus dicitur Ruellio, apud Achmetem, Simeoneim Sethi, Agapium Cretensem in *Geoponico*, sed nondum apud Dioscoridem, eisq; eius auctoritas in lexicis quibusdam adscripta sit. Graeci dixerunt ἄγγουριον, et pluraliter τὰ ἄγγουρεα. Conf. Du Cange *glossar. graec.* p. 9. Igitur rectius dicitur *Angurium*.

ANISUM, i. (*Pimpinella*) producitur. Sunt qui putent, dictum esse ex eo, quod folia habeat ἀνίσαι, id est inaequalia. Vossius mavult, quia ἀνίσαι, hoc est, remittit et laxat flatulentas tensiones.

ANNONA. Ex nomine americano *Anona*, fecit Lin. vocabulum latinum, cuius pen. producitur. *Philos. botan.* p. 163. *Hortus Cliffort.* p. 322.

ANSERINA (*Potentilla*) pen. produc. Adiectiva in *inus* exeuntia, deducta a nominibus rerum animatarum, producunt penultimam.

ANTEUPHORBIUM (*Cacalia*). Sic dictum, ait Bauhinus, a contrariis Euphorbio facultatibus, hoc enim adversus euphorbii acrimoniam, indigenis remedio esse fertur.

ANTHELMIA (*Spigelia*) pro Anthelmintica; dicta ab ἔλμιν, θόος, lumbicus, quoniam vermes intestinales expellit. Inde vocantur medicamenta anthelmintica.

ANTHEMIS, idis. F. corripitur. ἄνθεμις ab ἄνθος, flos. Plin. 22, 21.

ANTHERA, ἄνθηρα scil. Βοτάνη, herba florida, produc. Nosiratibus ita dicitur pars staminis polline grava, quod matura dimittit.

ANTHERICUM corripitur. Sed Latini dixerunt anthericus, M. ἄνθερικος, caulis asphodeli. Plin. 21, 17.

ANTHOCEROS, otis. M. pen. corripitur, sicut in monoceros. Nomen confictum a Michelio ex ἄνθος, flos, et κέρας, cornu, vt sit floris cornu. Sed Lin. *critica botan.* p. 131. maluit *Ceranthus* vocare, vt sit cornu flos. Anthocerotis et omnes casus obliqui producunt penultimam, sicut monocerotis. Martial. *epigr.* I, 4: *Et pueri nasum rhinocerotis habent.*

ANTHOLYZA penultimam producit. Lin. in *philos. bot.* p. 183. ab ἄνθος, flos, et λύσσα seu λύττα, rabies, derivat nomen, quapropter rectius scribitur Antholyssa. Falso putavit Planer in teutscher *Nomenclatur* p. 12. nomen idem esse, quod nobis *Steinblume*, quasi sit a λίθος, quod secus est.

ANTHORA (Aconitum) pen. corripitur. Nam Thora, Tora, Dora, Taura, Tura (ita variis in libris legitur) corruptum vocabulum videtur esse ex φθόρα a φθείω, corruptio, venenum, mors; quam ob causam rectius scribitur *phthora*. Anthora autem est nomen contractum ex Antithora seu Antiphthora, quia phthorae

phthorae alexipharmacum esse creditur. Eiusdem notionis iam Gesnero creditum est nomen *Doronicum*, quasi thorae antidotum, διὰ τὸ τὴν τόξον νικᾶν. Conf. Gesneri de aconito dissert. annexa *epistolis medicinal.* p. 12. R. et Bauh. *hist. plant.* 3, 2. p. 651. Lobelii *adversari.* p. 263.

ANTHOSPERMUM, nomen a Linnaeo conflatum ex ἄνθος, flos, et σπέρμα, semen. Occasionem ita denominandi dedit Pontedera, qui in *Epist.* videtur antheras putasse seminum rudimenta. Conf. Lin. *genera plant.* p. 552. *Hortus Cliffort.* p. 455.

ANTHOXANTHUS. nomen a Linnaeo infeliciter confictum ex ἄνθος, flos, et ξανθός, ruber, fulvus, vnde fecit Anthoxanthum generis neutrarius.

ANTHRISCUS, i. M. (*Tordylium* et *Scandix*). Plinio etiam anthriscum, i. N. Theophrasto, Hesychio et auctori *etymolog.* ἄνθρισκον.

ANTHYLLIS, idis. F. Nomen herbae, quo iam vsi sunt et Dioscor. et Plinius. Hic quidem eam distinguit ab Anthyllo seu Anthyllo.

ANTIDESMA, atis. N. pen. corripitur. Ex ἀντὶ et δέσμα, vinculum. Nomen a Burmanno factum, quasi sit antidotum adversus venenum serpentis cuiusdam.

ANTIRRHINUM, corripitur. Ex ἀντί et ῥίνη, nasus. Herba Dioscoridi ac Plinio ita dicta, quod semine sit vituli naribus simili.

APARINE, es. F. (Galium) producitur. ἀπαρίνη
apud Dioscor. ac Plinium.

APHACA (Lathyrus) corripitur. ἀφάκη, legu-
men Theophrasto, Dioscoridi Plinioque cele-
bratum.

APHANES, is. F. corripitur. ἀφάνης, ἕος, la-
tens; non apparens sc. herba. Nomen a Lin-
naeo inditum.

APHYLLANTHES, is. F. olim rectius Aphyllan-
thos, i. M. ex ᾱ privat et Φύλλον, folium,
et ἄνθος, flos. "Nomen fecerunt," inquit
Lobelius *adversar.* p. 190. "studiosi hierbarii
,, Monspelienses, non quia nulla folia emittat,
,, sed quod adeo sint exilia et iuncea, ut vix
,, dum emersa arescant et festucas praeferant,
,, paleasve, pallidiuseculo colore in imo cespito
,, e fibrosa iunci radice."

APHYTEIA, cui plantae cum nulla omnino fit
herba, dicta a Φυτεια, ᾱs, planta, et ᾱ pri-
vat. Conf. Lin. *amoenit. acad.* 8, p. 313.

APIOS, i. M. (Euphorbia et Glycine) ἀπίος
Theophrasto, Dioscor. Plinio.

APIUM, i. N. Nomen vetustum, cuius origo
nescitur; coniecturas obtulit Vossius *etymol.*

APLUDA, ae. pen. producenda. Apud Festum,
Gellium et Plinium legitur Appluda, sed non
pro herbae nomine. Plinius 18. sect. 23:
*Milii et panici et sesameae purgamenta appludam
vocant.*

APOCYNUM, i. pen. corripitur, Ex *κύων*, canis.
Frutex, qui canes ab ipsis comeditus necare traditur. Sed apud Latinos hoc nomen non repertur.

APYRINUM (Malum) corripitur. Mart. I3. 43:
Lecta suburbanis mittuntur apyrina ramis. Sed dicitur etiam *apyrenum*, penultima producia. Vtrumque est ab α et *πυρηνή*, nucleus. Nucleo carens.

AQUARTIA. De hoc nomine Jacquin in *Selectarum stirpium American. histor.* pag. I3: "Hunc fruticem nominavi in honorem amici, histriae naturali addictissimi, Benedicti Aquart, in patria insula Martinica primarias inter negotiationem agentis, quo in excursionibus botanicis saepe feliciterque usus fui socio, et cui plurimas ad histor. naturalem spectantes res pulcerimas nie debuisse, gratus recordabor semper."

AQUIFOLIUM (*Ilex*). Aquifolius, a, um, adiectivum est Latinis; sic *aquifolia arbor* apud Plinium; *aquifolii vestes* apud Catonem. Salmasius contendit esse aquifolia quasi acuifolia ab acuendo. Conf. Gesner ad auctor. R. R. Ergo debebimus dicere *Ilex aquifolia*.

AQUILEIA, ae. Nomen, quod cum planta, ante pauca saecula, innotuit. Dicta videtur quasi aquilina, ob florum mucrones aduncos, ut sunt aquilini vngues. Matthiolus, Lobelius aliquique *Aquilinam* nominarunt.

AQUILICIA. Rumphio vocabatur *frutex aquosus*, cui Linnaeus reddidit nomen ab aquilicio. Aquilicum vero dicitur, cum aqua pluvialis remediis quibusdam elicetur, Festo auctore.

ARABIS. F. corripitur. In casu secundo et Arabis et Arabidis, in quarto Arabida. Nomen neque Graecum, neque Latinum est, quod recte iam monuit Marcellus, neque apud Graecos legitur, nisi apud Dioscoridem, sed in quibusdam tantum codicibus vbi lib. 2. cap. 187. inscribitur περὶ ἀραβίδος seu περὶ ἀρά-
βης. At sine controversia quidquid ibi de arabi seu draba legitur, a Dioscoride non scriptum est, sed additum est ab alio. Conf. Matthiol. ad Dioscor. 2, 151. p. 430.

ARACHIS. Apud Theophrastum Arachidna est nomen plantae, quod Lin. contraxit in Arachis. Satius fuisset nominare plantam Arachum vel Aracum. Nam arachus et aracus sunt nomina diversarum plantarum apud Graecos ac Plinius, de quibus disputavit Bodaeus ad Theophrast. p. 919. Arachis corripitur, ut aracus. monachus.

ARALIA, ae. Origo nondum mihi innotuit. Nam aralia, ium, huc non pertinent. Ita olim dicebantur agri ad arationem idonei, quibus opponuntur runcalia. Vid. Du Cange.

ARBUTUS, i. F. medium corripit. Virg. ecl. 3, 82: *Dulce satis humor, depulsis arbutus haedis.* Fructus dicitur arbutum, i.

ARCHAN-

ARCHANGELICA. (Angelica). Adiective apud Hieronymum reperitur. Quasi praestantissima inter omnes angelicas.

ARCTIUM, i. Plin. arction et arcion. Dioscor. 4. cap. 106. ἄρκτιον, et cap. seq. ἄρκειον; sunt itaque nomina diversarum plantarum. Arcium (non arctium) vocabant quidam, Dioscoride auctore, προσωπίδα, aut προσώπιον, quasi plantam personatam. Plin. 25, 9: *Quidam arcion personatam vocant*; vbi tamen Harduinus non *arcion*, sed *echion* habet. Hinc Lin. nomen triviale accepit: *Arctium personata*. Conf. v. *Bardana*.

ARCTOPUS, odis. M. ab ἄρκτος, vrsus, et πόνος, pes. Pleraque composita ex πόνος sunt masculina, vti polypus, apus, tripus. Pen. corripitur, vt syllaba o in arctophylax, ἄρκτομον, caet. Lin. hort. Cliffort. p. 495: "Arctopum pedem „vrsi diximus a similitudine involucri cum „horridis ferarum vnguibus."

ARCTOSTAPHYLOS, i. (Vaccinium) ab ἄρκτος, vrsus, et σαφύλη, id est, uva; ergo uva ursi, quam nostrates etiam vocant Bärentraube.

ARCTOTIS, is. F. Ex ἄρκτος, vrsa, et οὖς, ωτὸς, auris. Ita commutavit Lin. nomen Vaillantii Arctotheca. Penultima producitur, vti in Myosotis, auricula muris.

ARCTURUS, i. M. (Verbascum) producitur, nomen herbae iam Plinio usitatum. ἄρκτος, vrsa, et οὐρά, cauda.

ARECA. Quod Arabibus vocatur Faufel, dicitur in Malabar areca, quod nomen Lusitani primi in Europam intulerunt. Conf. Garc. ab Horto hist. arom. 1, 25. Vulgo producitur, et scribitur quoque duplice c: *arecca*.

ARENARIA, sc. herba, adiective. Sed iam Latinis substantivē dictus est arenariūs, i, qui in arenam pugnandi caussa descendebat.

ARETHUSA, ae, producitur. Est nomen et urbium, et fontium et Nymphae in fontem versae.

ARGEMONE, es. F. producitur. ἀργεμώνη, dicta quod ἀργεμα oculorum et nebulas expurget. Diosc. 2, 208. Plin. 24, 19.

ARIA, ae. ἀρία, ας. (Crataegus). Arboris nomen Theophrasto.

ARIETINUM (Cicer) producitur.

ARISARUM (Arum) corripitur. ἀρισαρον Dio- scor.

ARISTIDA, producitur. Herbae nomen Plinio 27. sect. 63.

ARISTOLOCHIA. ἀρισολοχία Dioscor. 3, 4, quod existimetur optime puerperis, seu partus doloribus opitulari. Plin. 25, 8: *aristolochiae* nomen dedisse gravidae videntur, quoniam esset ἀριστη λοχουσαις. Penultimam producendam esse probat Borrichius auctoritate Nicandri, atque poetae apud Galen. I. de antidot.

ARMORACIA (Cochlearia). Apud veteres legitur etiam Armoracea per secundam vocalem.

ARNICA. Huius vociis originem nondum exploratam habeo. Quaedam lexica illam auctoritate Plinii firmant, qui nunquam arnicam nominavit. Primum legitur apud eos, qui materiam medicam exposuerunt. Fehr in *Miscell. nat. cur.* an. 1678 et 1679. obs. 2, vbi *Arnicae montanae* virtutes commendavit, opinatus est, nomen corruptum esse e *Ptarmica*; quod si verum videtur, debemus penult. corripere. Subit interdum cogitatio, num sit adiectivum ex ἄρνιον, agnello, ut sit planta agnina, sed cur ita sit vocanda nostra Arnica, equidem ignoro.

ARONIA (Crataegus) Dioscor. I, 169: μέσπιλον τὸ δένδρον, οὐ παρ' ἐντοις ἀρώνιος καλεῖται.

ARTEMISIA per T purum; non Arthemisia per th. Graece ἀρτεμίσια, quasi Dianina, ab Ἀρτεμισ, Diana, Regina Halicarnassi, uxori Mausoli, cui monumentum sepulcrale, inter miracula mundi connumeratum, constituit. Plin. 25, 7.

ARTOCARPUS, i. ab ἄρτερος, panis, et κάρπος, fructus, Brodbaum. Nomen, quod nuper increbuit, non bene femininum fecerunt botanici, cum κάρπος sit masculinum.

ARUM, i. Plin. 19, 5: est inter genera bulborum quod in Aegypto arou vorant.

ARUNCUS (*Spiraea*) i. Vocabatur olim barba caprae; quod nomen Lin. mutavit in aruncum, conf. *Hortus Cliffort.* p. 463. Lexicographi perhibent, Latinos barbam caprarum vocasse aruncum, sed temere. Conf. quae annotavimus ad Antigoni Carystii *historias mirabiles.* pag. 166.

ARUNDO, dinis. F. non harundo, quia aiunt ab ariditate dictam.

ASARINA (*Antirrhinum*) corripitur; est enim adjективum ex Arum formatum. Conf. Lobelii *adversar.* p. 262. Ita ex amygdalus fit amygdalinus, ex amaracus, amaracinus, in quibus pen. corripitur.

ASARUM, i. corripitur. Plin. 12, 13. Dioscor. I, 9. $\alpha\sigma\alpha\gammaον$.

ASCYRUM; i. corripitur. Plin. 27, 4. $\alpha\sigmaκυρον$. Tournef. *institut.* p. 256. perhibet, nomen esse ex $\sigmaκιγος$, asperitas, sed $\sigmaκιγος$ est cæmentum, gypsus.

ASPALATHUS, i. M. corripitur. $\alpha\sigmaπάλαθος$. Plin. 15, 7.

ASPARAGUS, i. M. corrip. Juven. II, 69: *Asparagi posito quos legit villica fuso.*

ASPERUGO, inis. F. penultima nominativi producitur, sed genitivi corripitur. Plin. 26, 10. Dicta a foliis asperioribus.

ASPERULA, ae. F. nomen ex medio aevo, a fructu aspero dictum. Corripitur, vt omne deminutivum in *ulus*, *ula*.

ASPHO-

ASPHODELUS, i. M. corripitur. ἀσφόδελος
Diosc.

ASPLENIUM. Sic botanici loquuntur, sed Graeci et Latini Asplenum, ἀσπληνον, herba ex qua fit medicina vitiis lienis, cuius pen. producenda est.

ASTER, asteris, asteri. M. pen. corripitur. ἀστήρ, ασέρος, stella. Plin. 27, 5: *aster* — — in cacumine capitula stellae modo radiata habet.

ASTRAGALUS, i. M. corripitur. ἀσράγαλος.
Plin. 26, 8.

ASTRANTIA. Nomen est neotericorum botanico-
rum, ex ἀσγεν et αντίος, aduersus, obvius.
Philos. bot. p. 183. Quod si verum est, debe-
bimus T ante I non vt C aut Z prənuntiare,
sed sicut in antiopa, politia et aliis Graecis.
Voluit fortasse is, qui nomen conflavit, di-
cere, herbam astro similem, sed tunc debuit
substantivum postponere. Sic Homer. *Iliad.* 1,
264. αντιθεος dicitur par deo, deo aequipa-
randus; αντιθεντι λοχον dixit poeta virginem
divina virtute praeditam.

ASTRONIUM. Jacquin *stirp. americ.* p. 127: a ca-
lycibus in stellas novem linearis diametri ex-
pansis, ceu sidera formantibus varia, ἀσγέ-
νον απὸ τοῦ ἀσρον; nominavi.

ATHAMANTA. Dioscor. 1, 3. ἀθαμάντικον.
Lin. *hort. Cliffort.* p. 93. Athamantam seu
Athamanticam vocant, tanquam ab Athamante
inven-

inventam; alii vero quoniam in Athamante, monte Phthiotidis in Thessalia, reperiatur.

ATHANASIA. Nomen Linnaeanum. αἰθανασία, immortalitas.

ATRACTYLIS, atractylidis. F. corripitur. ἀτρακτύλις, ἴδος, ab ἀτράκτος, colus, fusus, quia feminae colos inde confidere solebant, auctore Dioscor. 3, 107. Plin. 10. in fine.

ATRAGENE, es. F. Sed Theophrasto hist. 5, 10. p. 540. dicitur αἴθραγένη; ergo rectius dicimus Athragena, ae. Penultimam corripiendam censeo, sicut in ambigena, indigena, Diogenes. Cum botanici antiquiores athragenam Theophrasti Clematidis speciem putarunt, indidit Linnaeus illud nomen generi a Clematide quidem diverso, sed ei non absimili.

ATRAPHAXIS, is. F. Colum. 11, 3, 42: *olus atriplicis*, quod Graeci vocant αἴτρεαφαξυ. Hortus Cliffort. p. 138.

ATRIPLEX, atriplicis, penultima in quolibet casu corripitur. Colum. 10, 377: *Et gravis atriplici consurgit longa faselus.* Plinio est neutrum. 20, 20. S. 83: *atriplex et silvestre et sativum est.* Sed Macer 1, 24. dixit *atriplicem tritam cum nitro.* Ergo non temere botanici nostri vocem faciunt femininam. Colum. 11, 3, 42: *olus atriplicis*, quod Graeci vocant αἴτρεαφαξυ, quo de vocabulo Graeco conf. Vossii etymol. et Foesii oeconomico. Hipp. Festus auctor est, *Atriplexum* prius vocatum. Sic dictum

dictum aiunt, quod coonestum homines reddat atros. Vossius et alii censem corruptum esse vocabulum ex Graeco.

ATROPA, penult. corrip. Nomen a Linnaeo impositum generi, quod Turnefortio vocabatur *Belladonna*. Furiarum ultima dicta Atropa, perhibetur in *Philosoph. botan.* p. 171, sed erravit praeceptor venerandus. Nulla furia ita dicta est. Sed una e Parcis, natu maxima, non *Atropa*, sed *Atropos*, Ἄτροπος (Atropi) vocata est ab α et τρέπω, quod sit inexorabilis, nec ad cuiusquam preces vertatur. Putabatur filium incidere, seu finem vitae in potestate habere. Silius Ital. 4, 8, 18:

*His senium longaeque decus virtutis et alba
Atropos, et patrius lauros promisit Apollo.*
Confer. *Hortus Cliffort.* p. 57.

AUKUBA. Nomen Japonicum, quod per Kämpferum innotuit.

AVELLANA (Corylus) producitur.

AXYRIS. Etymologiam nondum expiscari me potuisse profiteor. Xýris, idis. F. corripitur; est iris, gladiolus. Num α privat. praefixit in ore suo Linnaeus? quod si factum est, etiam in ἄxýris penultimam corripere debemus.

AZALEA. ἀζάλειος s. οἰζάλεος, siccus, aridus. A solo natali nomen derivatum dicitur in *philos. botan.* p. 185. et in *Flora Lappon.* p. 57. Pen. anceps, cum graece sit ει atque ε simplex.

AZARO-

AZAROLUS (Crataegus). Italis *Azaro*, Gallis *Azerole*; nomen quod ex arabico Avicennae *Al zaror*, i. e. aviditatem ad cibum incitans, confictum creditur. Solemus illud producere.

AZEDARACH et Acidarachta (Melia), vox Ara-
bica, quam in Avicennae canone medic. edito
Venetiis 1608. fol. Azadarach scriptum video.

BACCHARIS, is, f. Baccar, aris, *Βάκχαρις*.
penultima correpta. Virg. ecl. 4, 19: *Erran-
tes hederas passim cum baccare tellus*. De herba
veterum conf. Foesii oeconom. Hippocr. p. 118.

BALLOTE, es. F. *Βαλλωτή*. producitur. Herba
iam a Dioscor. ac Plinio commemorata.

BALSAMINA, sc. herba (Impatiens et Momor-
dica). *Βαλσαμίνη*. Corripitur. Dicitur, in-
quit Bauhinus, quod ex pomis ipsius immatu-
ris oleo iniectis, insolatione oleum seu balsa-
mum, ut chirurgi vocant, ad vulnera conso-
lidanda praestantissimum conficiatur.

BALSAMITA, ae (Tanacetum et Chrysanthem.)
producitur, sicut derivatum quocunque in
itus ex aliis nominibus.

BALSAMUM (Toluifera). Non displicet, inquit
Borrichius, quod aiunt, sic ob praestantiam
vocari, quasi baal-schemen, i. e. princeps
sive dominus olei, de quo prolixius Vossius
in *etymol.* Latini quidem penult. corripuere,
Martial. 3. 63: *Balsama qui semper, cinnama-*
semper

semper olet. Nicander tamen Graeco versu heroico, tum in *Theriacis*, tum *Alexipharmatis*, penult. manifeste producit. Andromachus senior, Neronis archiater, carmine elegiaco pen. iam produxit, iam corripuit, ut apud Galenum videre est in libro *de Theriaca ad Pisonem*. Haec Borrichius.

BAMBUS, aliis Bambu (Arundo). Nomen per Lusitanos innotuit ex India orientali.

BARBARAEA (*Erysimum* et *Sisymbrium*), i. e. herba sanctae Barbarae, nostratibus St. Barbarafraut.

BARDANA. Nomen Dodonaeo usurpatum, sub quo in officinis radices, folia et semina Arctii Lappae veneunt. Dicta videri potest, ait Borrichius, a *bardo*, quae vox inter alia cantorem et poetam designat, ut in *Etymol.* demonstrat Vossius, et in *Lex. phil.* Martinius. Et certe cantores in comoediis lappae huius foliis faciem obvelabant, ne agnoscerentur spectatoribus, unde *personatam* dici constat, et Graecis προσώπιον. His natalibus si insistendum, pen. produceat, genitivo plurali, et analogia suadentibus; bardorum enim et bardarum flexus bardanam longam efflagitat, ut a quintus quintorum et quintarum facit quintanam. Ita a primus primana, a septimus septimana, a quartus quartana. Hactenus Borrichius. Conf. v. *Arctium*.

BAROMETZ (*Polypodium*). Bara in Tataria est agnus. Fabula de agno Scythico, quain pri-

mus evulgavit Kircherus, satis iam explosa est. Inde ingenium Linnaei nomen indidit herbae, cuius radix pilosa, seu lana vestita est, agnum quodammodo refert atque adeo, quando vulneratur, humore cruento, sanguini animalium simillimo, manat; quae omnia comprobavit Loureiro in *Flora Cochinchin.* pag. 675.

BASELLA. Nomen Malabaricum, quod, cum latiniā indolem habere videatur, servavit Lin. Conf. philos. bot. p. 155 et 166.

BASILICUM (Ocimum). Pen. corrip. vt cetera adiectiva Graeca in *ικός*, *γαματίκος*, *κυκλικός*, *κριτίκος*, sic *Βασιλικός*. Graeci recentiores ὄντων *Βασιλικὸν* appellavere, a *Βασιλεὺς*, dominus.

BATATAS. (Convolvulus). Hispanicum nomen, de quo conf. Clusii hist. 4, 51. p. LXXVII. Producitur.

BAUHINIA. A duobus fratribus Bauhinis huic generi indidit nomen Linnaeus, vt esset subsidium mnemonicum, cum totum genus habeat folia cordato-biloba.

BECCABUNGA (Veronica). Ex Germanico Bachbungen s. Beckbungen. Beck, cum e producto (sicut η Graecorum pronuntiamus), est idem quod Bach, rivulus. Bungen vero dicitur corpus inflatum, sigillatim tympanum; unde tympanites, morbus, nobis dicitur Bungensucht. Etiam Belgis ista herba vocatur: Waterpungen.

BEHEN (Cucubalus et Centaurea). Nomen arabicum Serapioni, de quo conf. Rauwolfii *itiner.*

BELLA DONNA (Atropa). Pulcram mulierem Itali hanc plantam nominarunt, quod ea vtuntur ad fucuin; auctore Tournefortio. Amaryllis vero idem cognomen obtinuit ob pulcritudinem florum.

BELLIDIASTRUM (Doronicum), quoniam bellidis species potest videri, nisi habeat pappum.

BELLIS, idis. F. iam Plinio 21, 8. dicta. Inde, ni fallor, nominatum est genus *Bellium*, quod ad Bellidis affinitatem proxime accedit. Belio pro Bellis legitur apud Apulej. *de herbis.*

BENZOIN (Laurus), vox peregrina est, eoque incertae nobis pronuntiationis, quam libet tam in pen. corripere, vt aloe, ob vocalem ante vocalem. Benzoinum s. belzoinum oleum pen. corripiet, ad naturam caeterorum adj. in ius ex inanimatis descendentium. BORRICHUS.

BERBERIS, is, im. F. media corripitur, vt in verberis, piperis, Tyberis. Nomen novum a Mauritanis acceptum occurrit in glossis iatricis graeco barbaris, Βερβέρης, et apud scholastem Nicolai Myrepsū. Vide eundem Myrepsum *de antidot.* cap. 24. 457. *de vnguentis* cap. 50. *de pastillis* cap. 65 et passim.

BETA, quoniam figuram litteræ graecæ β, dum semine turget, referre videtur. Colum. 10, 251: *Nomine tum Graio, cœu littera proxima primæ,*

primae, Deprimitur folio viridis, pede candida beta.

BETONICA. pen. corr. Q. Serenus 46: *Betonicam ex duro prodest assumere Baccho.* Dicitur et Vettonica, a Vettionibus Hispaniae populis, qui invenerunt. Plin. 25, 8 et 9.

BETULA. corrip. vt caetera diminutiva in *ula*, *assula*, *bucula*, *sportula*. Dicitur vel quasi *πετάλη*, folium; vel a batuendo i. e. caedendo, vel a Celtica voce Bedu. v. Voss. *etymol.* Plin. 16, 18 et 27.

BETULUS (*Carpinus*) corripitur. Plinio 37, 9. p. 785. est cerauniae lapidis species. Botanici vero, quibus in fingendis noininibus quidlibet audendi, aequa poetis et pictoribus, potestas, ex Betula non dubitarunt confidere adiectivum, quasi betulus, a, um.

BIDENS, entis, quasi planta semine bidentato. Nomen primus imposuit Caesalpinus *de plantis lib. 12. cap. 17.*

BIGARELLA (*Cerasus*), ex Gallico *bigarreau* “— fruit qui a été ainsi appellé, à cause „qu'il est bigarré de rouge, de blanc et de „noir.” *Diction. de Trevoux.*

BISCUTELLA, dicta a Linnaeo ob fructum quasi scuto duplici praeditum. *Phil. bot. p. 166.*

BISERRULA dicta a fructu biserrato.

BISTORTA, a radice bis vel ter intorta. Nomen novum.

BIXA, nomen americanum. Conf. Waarenfunde I. p. 205.

BLATTARIA, ae (Verbascum). *Abiecta*, inquit Plin. 25, 9, *blattas in se contrahit, ideoque Romae blattariam vocarunt.*

BLECHNUM. Plinio 27, 9. est blechnon filicis genus.

BLITUM, factum putatur a Graeco βλατός, quod stupidum significat, vel a βλάντον, reiiciendum. Plin. 20, 22: *blitum iners videtur, ac sine sapore aut acrimonia nulla. Vnde convicium feminis apud Menandrum faciunt mariti.*

BOLETUS, i. producitur. Juvenal. 5, 147: *Boletus domino, sed qualem Claudio edit.*

BOMBAX, acis. produc. factum e veterum Bombyx, ycis, quod etiam producitur, et ex Oriente est. Conf. Salmas. ad Solin. p. 209. et Vossii *etymol.* atque etiam, si operaे premium videtur, Waarenfunde I. p. 42. At bombycinum corripitur.

BORAGO, ginis. Pruduc. Est nomen medii aevi, de quo disputavimus in *Histor. inventionum* 5. p. 114. ubi primum, qui eo usus sit, putavi Nicolaum Myrepsum, scriptorem saeculi 13. aut 14, qui plantam vocavit πουράκιον. Jam vero nomen reperi in libello *de compositione medicamentorum*, cuius auctor creditur Joannes Aegidius, qui saeculo duodecimo vixit, etsi sint, qui eum ad saeculum septimum referant. Videsis Leyseri *hist. poet. med. aevi* p. 500 et

p. 516. vers. 303: *Antophylus, borago, humus, lignum pretiosum.*

BORASSUS. Dioscoridi 1, 151. est *Βούρασσος* vel *Βόρασσος* fructus palmae arboris.

BOTRYS, botryos, botryn F. *Βότρευς, υος.*

Fortasse eadem; quae botrus, i. Nomen accipit a semine, quod racematum ramulis adnascatur, sive quod plura eius semina caolibus sic conferta pendeant, ut racemi in uva referrant imaginem. Conf. Bodaeus ad Theophr. p. 827. Ruellius p. 558.

BOVISTA (Lycoperdum), vocabulum e nostra lingua in latinam traductum. Scribitur *Bovist*, olim *Pfost*. *Fist* f. *Fyst* est siatus ventris, crepitus; *fysten*, pedere. Vid. Richey *idioticon Hamburg.* p. 57. sed de syllaba priori dubitatur. Sunt qui scribant *Bubensist*. Gallis: *vesse de loup*. *Vessir* f. *vesser* Gallorum convenit cum Germanico verbo obsoleto *Physen*, i. e. stridere, sibilare. vid. Maalers *Deutschsprach.*

BRAREIUM. Sic novum herbae nomen scripsit Linnaeus auctor, sed haud dubie cogitavit illud victoriae præmium in ludis Gymnicis, atque idcirco scribendum est brabeum vel brabium, pen. producta, cum Graecis sit *Βράβειον*. Conf. *hortus Cliffort.* p. 63, ubi herba vocatur *Florae brabejum*, voluit scribere brabeum.

BRASSICA, ae. corripitur.

BRA-

BRATHYS. Plin. 24. sect. 61. p. 342. *herba sa-*
bina; ait, *brathy appellata a Graecis.* Dioscor.
1, 104. *Bēdīus.*

BRIGNOLA (Prunus) producere solemus. *Diction.*
de Trevoux: "Brignole, espece de prune excel-
, lente qu'on seche, et qu'on envoie à Paris
, de la ville de Brignoles en Provence."

BRIZA, ae. *Bēlīza.* Frumenti genus, de quo
multus est Galenus. Conf. Bauhini *theatr.*
p. 415. Latinis nomen non fuit usitatum.

BRÖMUS, i. M. *Bēwūos.* Plinio Bromos, i.

BROWALLIA. Joannes Browallius primum ma-
gister Upsaliensis; postea episcopus Aboensis.
Quid in caussa fuerit, cur huic plantae Lin-
naeus istius viri nomen indiderit, id ipse mihi
ita commemoravit. Solebat Browallius eum,
quo cum colloquebatur, quasi ab initio ac limis
oculis adspicere, atque in habitu huius plantae
nescio quid simile animadvertere sibi videbatur
Linnaeus. In iuventute fuit Browallius bene-
moratus atque modestus, sed postquam episco-
patu fuit ornatus, magis magisque factus est
superbus, et tandem in disputatione de maris
incremento vel decremento ita se gessit, ut
fere stupidus esse videretur. Hasce commuta-
tiones animi etiam tres species huius generis
habitu suo exprimere videbantur Linnaeo, quas
etiam cognominibus indicare voluit, cum
vnam *demissam*, alteram *elatam* atque tertiam
alienatam dixerit. Condoneinus praceptoris
has facetias, quas ad artem memoriae refere-
bat.

bat. Scilicet hoc illud est, quod praecipit Quintilianus XI, 2. p. 556, ut memoriam ab aliquo simili transferamus ad id, quod continendum est.

BRYUM. Plinio bryon.

BRYONIA. Graecis Βρυωνία, a voce Βρύω, germino, pullulo, quod abunde pullulet.

BRYOPTERIS (Lycopodium) Compositum videtur ex Βρύον, muscus, et πτέρης, ἥδος, filix. Ita existimo, quia Plukenetio dicitur: muscus filicinus seu bryopteris. Ideo pen. corripienda.

BUBON, onis. M. producitur. Βουβών, ὄνος, inguen. Philos. bot. p. 181. Plinio herba quaedam dicta est bubonium.

BUCERAS, correpte (Bucida). Βουκέρας, lexicographis vocatur foenum graecum. Plin. 24, 19. Buceratis corripitur.

BUCIDA s. bucaeda, ae. utrumque producendum. Dicitur qui caeditur loris bubulis.

BUFONIA. Sauvage mittebat Linnaeo variis officiis sibi dudum obstricto flores huius plantae, quam ipse Buffoniam appellaverat, rogans, ne nomen abrogaret. Sed Buffon, obtrectator laudum Linnaei, et iniustus systematis aestimator, botanicis studiis ne imbutus quidem erat, quod satis comprobatum est a Malesherbes in *Observations sur l'histoire naturelle de Buffon*, cuius libri praestantissimi notitiam dedimus in *Physikalisch: ökonomischer Bibliothek* XXI. p. 284. Quapropter cum Linnaeus nolebat ad-
versa-

versarium botanicis inserere, et nihilo secius precibus Sauvagesii satisfacere cogebatur, ut Gallorum evitaret invidiam, haud sine aliqua malitia, non Buffoniam, sed Bufoniam scribebat plantae nomen, tanquam F simplex per errorem irrepsisset; sed volebat hoc modo posteris praebere ansam existimandi, nomen traxisse illud genus a bufone, animali foedo et turgido. Haec a me relata ab ipso praeceptore accepi.

BUGLOSSUM f. *buglossus*, Βούγλωσσος, buglossus, boum linguae similis. Plin. 25, 8. Diodor. 4, 128. Conf. Vossii *etymol.*

BUGULA corrip. Tournef. p. 209. auctor est, ita appellari a voce gallica *Bugle*. Evidem existimaverim, *bugle* Gallorum factum esse a latino, cum lingua Gallica nihil habeat, unde possit hoc *bugle* derivari. Ne Martinius quidem ausus est, coniicere vocis originem, monuit tantum, vocari etiam *buglum*.

BULBINE, es. F. Pen. produc. A Plinio 20, 9. sect. 41. accepit Linnaeus nomen, imposuitque herbarum generi, quod postea reduxit ad Antherici genus. Conf. *Hortus Cliffort.* p. 123.

BULBOCASTANUM (*Bunium*). Βολβοκαστανόν, cuius Trallianus lib. 7. cap. 2. meminit, a radicis figura et sapore castaneas exprimente nomen habet. Bauh. *pin.* p. 162. Corripitur.

BULBOCODIUM. In *philos. bot.* p. 182. perhibetur nomen factum ex Βολβὸς, bulbus, et κώδιον,

Iana. Sed κώδιον est pellis, vellus. Κώδιον legitur apud Theophr. et Codiaminon Plinio 21, 11. est herba, cuius flos est codion.

BUNIAS, buniadis. F. corrip. Plin. 20, 4. Dioscor. 2, 103: Βούνιας et Βούνιον, ex Βουνὸς, collis, tumulus, acervus. Conf. *hortus Cliffort.* p. 340.

BUNIUM, i. Plin. 20, 4. duas napi species facit, quarum altera bunion, altera bunias vocatur. Illud nomen Lin. inde recepit, conf. *Hort. Cliffort.* p. 92.

BUPHTHALMUM, ex vocibus Graecis Βοῦς, bos, et ὄφθαλμὸς, oculus; quasi diceres oculum bovillum. Flores enim, ait Dioscor. 2, 156. habet melinos, oculorum similitudine, unde et herba nomen traxit.

BUPLEURUM, Βούπλευρον Hippocrati et Nicandro in *Theriacis*. A. vocibus Graecis Βοῦς, bos, et πλεύρον, costa; quod boves ea commissa ruipi existimarent; unde bupleuron a bupresti apud Plin. 22, 22. non differre videtur, et ipsum nomen, inquit Plin. indicio est boum certe venenum esse, quod dissilire degustata factentur. Alii tamen volunt Plinii buprestim infectum esse, non plantam. TOURNEF. p. 310.

BUTOMUS, i. corrip. Hesych. Βούτομον φυτὸν Βουσὶ διδόμενον τροφὴν οἶον χόρτος, i. herba, quae alimentum dat bobus tanquam gramen. Hinc nomen Ruellio auctore accepit. Eius mentio sit quoque in *Gepon.* 2, 6, 28.

BUXUS,

BUXUS, i. F. Graece πυξὸς et πυξὼν pro arbore
et ligno. Conf. Martinii *lex.* et Vossi *etymol.*

BYSSUS, i. Βύσσος.

CACALIA, ae. nomen herbae Dioscoridi et Pli-
nio. Conf. Kleinia.

CACHRYS, yos. plur. cachryes. F. pen. corripi-
tur. Plinio 16, 8. sunt oblonga panicularum
modo nucamenta, quae squamatim compacta
propendent e ramis. Sic lexicographi.

CACTUS, i. F. κάκτος, herba ex carduorum ge-
nere, teste Plinio 21, 16. sect. 57. Conf.
Vossi *etymol.*

CALAMAGROSTIS, is. F. (Agrostis et Arundo),
legitur apud Dioscor. 4, 31. p. 255. sed apud
Latinos veteres non reperitur.

CALAMINTHA, ae. a vocibus Graecis καλὸς,
pulcer, et μῆνθη, mentha, quasi pulcra men-
tha; nidore enim suo, vt docet Aristophanes,
serpentes, vel accensa, vel substrata, vt ait
Dioscor. 3, 43. fugare solet.

CALAMUS, i. M. corripitur. Virg. *eclog.* 5, 2:
Tu calamos inflare leves, ego dicere versus.

CALCITRAPA (Centaurea). Ruellius 3, 84.
p. 587: "vulgus chaucetrepam vel calcatrepat
, vocat, quod cacumen veluti muricibus, quas
, vulgus appellat calcatrepas, muniat, et spina-
, rum aculeis insigniter armetur; cet." Est igitur
e Gal-

e Gallico *chauſſe-trapes*, i. e. murex ferreus, *Fusangeli*. Italis herba dicta calcatreppo, calcatreppolo, calcatrippa. Penultimam producendam censeo.

CALENDULA, ae, herba singulis calendis florescens. Sic lexicographi, sed sine auctoritate idonea. Pen. corripitur.

CALLA, ae, herbae nomen Plinio 27, 8. sect. 36. vbi Hard. legit Calsa.

CALLICARPA, ex καλὸς, pulcer, et κερπὸς, fructus. Sed ideo rectius dicatur callicarpus, uti Heliocarpus, Conocarpus. Καλλικερπος Graecis est: pulcros aut bonos fructus habens.

CALLIGONON, Plinio 27, 12. genus est poligoni, quod ita appellari ait a multitudine seminis aut densitate fruticis. At facile haec nominis ratio haud intelligitur, cum γόνυ, γένατος, sit genu, internodium; quare Harduinus p. 436. callipogon, καλλιπόγων, habens pulchram barbam, legendum censet. Penultiima in Calligonon corripienda, sed in Callipogon producenda.

CALLITRICHE, es. Plinio quidem 26, 8. callitrichon, i. N. herba est, quod capillum nutrit et pulchrum reddat. Τρίχη, τρίχος, capillus.

CALLOPHYLLOS, i. duplii L, est pulcris foliis praedita herba. Habet enim *Cal. calaba* folia pulcerrime transversim striata.

CALO-

CALODENDRUM. Nomen recens. καλός, pulcer.

CALYCANTHUS a κάλυξ, calyx, et ἄνθος, flos, ob foliola calycis, quae petala esse videantur, cum flos petalis careat.

CAMARA (Lantana). Cum Pluken. librum præ manibus non habeam, nescio, num sit nomen ex America, an e Graeco καμάρα, ασ, camera, tectum, vel tectum habens. Certe quidem pen. corripienda.

CAMOCLADIA. Verbi originem nondum inquisivi. Num ex κάμαξ, ακος, palus, an e Camacum, quod Plinio cinnainm est, et e κλάδος, ramus?

CAMPHORA, ae. corripitur. Graeci recentiores appellant καμφοράν. Gummi-resina Dioscoridi incognita, cuius prima mentio est apud Aëtium et Simeon. Sethi p. m. 59, quibus vocatur καφουρά e nomine Arabico. Conf. Martinii *lexic. philol.* et Salmas. *de homonymis.*

CAMPHOROSMA, ae. οσμή, odor. Herba odore camphorae praedita. Male quidam secundum casum faciunt Camphorosmatis.

CANELA, i. e. cinnamomum. Media producitur et plerumque scribitur *canella*, quasi cannula, cannella, h. e. συρίγγιον. Nam canna est fistula. Conf. Salmas. ad Solin. p. 283. Apud Myrepsum legitur κανέλα. Vide hanc vocem in Du Cange *gloss. graecit.* et in *gloss. latino.* At *Dictionnaire de Trevoux*: “Ce mot, canelle, peut venir du Latin *canna*, parce-
„qu'on

„qu'on nous apporte la cannelle en forme de canne. Mais le plus sur est de tirer ce mot de l'Hebreu *cane*, qui signifie la même chose que *calamus aromaticus* parmi les Latins.”

CANNABIS, is. F. corripitur. Ablativus est *cannabe* apud Pers. 5, 146: *Tibi torta cannabe fulto Coena sit in transstro.* Sed Plin. 19, 2. habet funes e cannabi. Accusativus *cannabim* est Varroni de R. R. 1, 23, 6.

CANTABRICA (Convolvulus). Herba a Cantabris reperta. Plin. 25, 8. Pen. corrip. Sic Horat. ep. I, 18, 55: *Militiam puer et Cantabrica bella tulisti.*

CANTHARELLUS (Agaricus). Quodsi diminut. est, i. e. *parvus cantharus*, rectius dicitur *cantharulus*, quod legitur apud Arnobium. *Cantharus*, i. M. corripitur.

CAPPARIS, is. F. corripitur. Accusat. *capparin*. Martial. 3, 77: *Capparin et putri cepas alece natantes.* Conf. Waarenkunde 1. p. 110.

CAPSICUM. Actuario καψικὸν, a κάπτω, mordeo, quod semen comedum mordeat, immo adurat.

CARAMBOLA (Avarrhoa) vox Indica corripiatur.

CARDAMINE, es. Dioscor. 2. 156. p. 142: καρδαμίη. Apul. de herbis 20: *cardamina, quasi herba ad cardamum accedens.* Pen. corripitur, quam tamen Borrichius producit. *Cardamon*, καρδαμόν, corrip. sed *cardamomum*, καρδαμόν penult. producit.

CAR-

CARDIACA, ae. Corrip. Herba morbo cardiacæ opposita ex *καρδίᾳ*, cor. Cardiacus, a, um, adiective.

CARDIOSPERMUM a *καρδίᾳ*, cor, et σπέρμα, semen. Rectius quidam botanici saeculi 16. vocarunt cardispermum sine o, quod supervacaneum est.

CAREX, icis. F. correpte. Virg. *Georg.* 3, 231: *Frontibus hirsutis et carice pastus acuta.*

CARICA, ae. Patronymicum primo ficus optimae; deinde pro omni ficu præsertim arida dici coepit. Corrip. Ovid. *metam.* 8, 674: *Hic nux, hic mixta est rugosis carica palmis.*

CARLINA, producitur, quasi carolina, quod cre-
dant, ait Bauhin. *pin.* 388, hanc herbam Ca-
rolo M. ab angelo demonstratam fuisse, tan-
quam certissimum remedium ad pestem ab
exercitu propulsandam.

CAROTA (Daucus) producitur. Gallis carotte.
Quo de vocabulo disputavimus in *Histor. inven-
tionum* 5. p. 137.

CAROXYLON. Nomen a Thunberg. introductum,
Num a *κάρος*, sapor?

CARPESIUM, *καρπήσιον*, aromatis genus apud
Galenum, de quo conf. Salmas. ad Solinum.

CARPINUS, i. M. corripitur. Plinio arbor 18, 11.
Colum. 5, 7.

CARTHAMUS, rectius sine aspiratione Cartamus.
Nam nomen mutuatum est ab Arabibus seu
Mauri.

Mauritanis, quibus *kartom*, *kartam*, *kortom* dicitur; et si sint, qui temere dicant vocari $\alpha\pi\theta\tau\circ\kappa\alpha\vartheta\alpha\iota\epsilon\sigma\iota\nu$, quod est purgare. Medium corripere solemus, ut in *thalamus*, *bal-samum*; quamquam nomina in *amus* ex Barba-
ris producantur, sicut *Adamus*, *Abrahamus*, sed haec sunt nomina propria.

CARYOPHYLLUS per duplex y; in Graeco enim est $\tau\circ\kappa\alpha\rho\mu\circ\varphi\upsilon\lambda\lambda\circ\eta\circ$, ex $\kappa\alpha\rho\mu\eta\circ$ et $\varphi\upsilon\lambda\lambda\circ\eta\circ$, q. d. nucis folium. Sed veteres dixerunt caryophyllum. N. *Dianthus caryoph.* veteribus ignotus fuisse videtur, quod recte censem Ruel-
lius ac Dodon. Nec enim, si scissent, veri-
simile est, fuisse neglecturos, cum facile inter
flores primas teneat post rosam.

CARYOTA, ae. F. $\kappa\alpha\rho\mu\omega\tau\circ\varphi\circ\iota\iota\circ\zeta$, dactylus,
fructus palmae. Producitur. Mart. 13, 27:
Aurea porrigitur Jani caryota calendis.

CASSIA et *Casia*, vtrumque. Conf. omnino Vof-
fi etymol.

CASSINE. Nescio, an sit nomen *cassina*, quod in medio aevo idem erat, quod *casula*, *tugu-
rium*, vnde Ital. *cassina*, Galli *cassine* in usu
est. Vid. Du Cange. A plerisque producitur,
sicut *aparine*, *nerine*, *adrastante*.

CASSYTHA. Vox dubiae originis; Graecis recen-
tioribus $\kappa\alpha\sigma\sigma\circ\vartheta\alpha$, quae et *cassytha* et *cascuta*
et *cassuta*, atque adeo *cuscuta* scribitur, penul-
tima vtique correpta. Ruellius p. 445: "Pli-
nius in calce decimi sexti voluminis herbae
,,memi-

,,meminit, quae vt viscum in aliena stirpe
,,vivit. Haec in Syria vocatur cassytas, non
,,tantum arboribus, sed spinis convolvens sese.
,,Eandem esse, vel certe proximam, fidei fa-
,,ciunt cum recentiores Graeci, tum medici
,,factionis Arabicæ principes, qui quadam vni-
,,linguae germanitate *cassutham*, vnde *cuscuthæ*
,,vocabulum neoterici videntur declinasse, no-
,,minant, herbam fruticibus, herbis et arbori-
,,bus adhaerentem; cetera." — Sed Harduin.
apud Plin. 16. sect. 92. p. 41. habet *cadytas*,
et sic etiam Theophr. 2. *de cauiss* 23. p. 259.
κασύτας. Attamen edit. Plinii anni 1507.
p. 119. b. habet cassetias et cassycas. Hesy-
chius: *κασύτας*, συριακὸν Βοτάνιον. Gesner.
in Fabri lexic. auctoritate Matthioli *κασσύταν*
Plinio falso tribuit.

CATANANCE, es, en. Plin. 27, 8. sine h scribi-
tur. Dioscoridi 4, 134. *κατανάγκη*.

CAUCALIS, idis. F. vtrumque corripitur. Plin.
20, 22. Dioscor. *καυκαλίς*.

CEANOTHUS, i. F. producitur. *κεάνωθος*.

CECROPIA fuit arx Athenis et dicitur pro Attica
regione, sed cur hoc nomen huic generi her-
barum inditum sit, ignoro.

CEDRELA. Num ex *cedrelate*, es. F. contraxit
Linnaeus nomen? Plukenetio dicitur arbor Ce-
drus Barbadensium. Plin. 24, 5: *cedrus magna*,
quam cedrelaten vocant. *κεδρελάτη*. In cedre-
late

late penultima et antepenultima corripiuntur;
ergo etiam Cedrelam corripiendam censeo.

CELASTRUS, i. κηλάσγος Theophrasto hist. I, 6.
arbor dicitur.

CELTIS, i. Plinio 13, 17. arbor Africæ.

CENCHRUS; i. M. Dioscoridi 2, 119. milii
genus.

CENTAUREA, penult. producenda, κενταυρεῖα.
Poëtae amant e in penultima; aliis plerumque
dicitur centauria, centaurion, centaurium, pen.
semper producta. Virg. georg. 4, 270: *Cecro-*
piumque thymum, et grave olenia centaurea.
Ergo etiam nomina trivialia: *Centaurea cen-*
taurium ac Gentiana centaurium pen. producunt.
Nomen est a Centauro Chirone, Plin. 25, 4.
sect. 14 et 6. sect. 30 et 31, quod etymon
approbat Palaephatus. Quod cum ita sit,
falso creditum est olim, plantam habere no-
men a centum aureis, vnde nostrisibus hodie-
que dicitur Tausendgulden Kraut.

CENTUNCULUS, nomen iam Plinio 24. sect. 88.
p. 348. usitatum.

CEPA, ae. F. (Allium) et cepe f. caepe. N. in-
declinabile. Olus dictum, quod capitis simili-
tudinem habeat, vel quod in caput crescat.
Vid. Vossii *etym.* p. 88.

CEPHALANTHUS, nomen a Linnaeo ex ἄνθος et
κεφαλή, caput, compositum, vt sit flos capi-
tatus. *Hort. Cliffort.* p. 138.

CERA-

CERASTIUM. κέρας, cornu. A capsula nomen accepit id genus, quae duo cornua habet. Iam vero nomen non omnibus speciebus convenit, postquam quaedam innotuerunt, quae capsulam ferunt globosam.

CERATOCARPUS ex κάρπος, fructus, et κέρας, cornu, ob figuram semenis. Nomen novum.

CERATONIA ex κεράτιον, siliqua et corniculum. Columellae *ceratum*, sed Aeginetae κερατώνια, quasi siliqua cornuta.

CERATOPHYLLUM. Φύλλον, folium; κέρας, cornu.

CERBERA, corripitur. Nomen arboris venenatae, teste Lin. in *philos. bot.* p. 170. deductum est a cerbero, cane infernali, quasi sit feminineum, sicuti *asina*, aut quasi *cerberus*, a, um, sit adiectivum, pro quo Latini dixerunt *cerberus*, a, um.

CERCIS, nomen arboris populo affinis apud Theophrast. *hist.* 3, 4. De etymo disputavit ibi Boadeus p. 219. κέρκις, ἴδος; est radius textorius s. pecten.

CEREALE (Secale), quod ad Cererem pertinet. Per e in vulgatis libris, quam hodie scripturam fere sequimur. Numimi aculapides et meliores codices habent *ceralia*.

CERINTHE, es. Latinis *Cerinthia*, herba apibus grata. Nomen ex κηρός, cera, et ἄνθος, flos, quod ad ceram conficiendam conferat. Sed *cerinthus*, i. M. Plinio XI, 7. est apum cibus,

de quo actum est a nobis ad Aristot. *auscultat.*
mirabiles cap. 15. p. 41.

CEROPEGIUM. *κηροπήγιον*, candelabrum, ubi cerei figuntur. Nescio, quis primus in botanicam linguam introduxerit.

CERRIS (Quercus). Apud Plin. 24, 4. et Pallad. 1, 9. legitur Cerrus, species arboris glandiferae.

CERVIANA (Pharnaceum). Minuartius, medicinae doctor in Hispania, descriptis hanc plantam in una pagina separatis edita, tanquam ipse primus esset inventor, vocavitque eam Cervianam ab archiatro regis, qui tunc florebat. Hanc Minuartii descriptionem, cuius neque in Halleri, neque in Dryandri *catalogo bibl. Banks* mentio facta est, misit Loefling Linnaeo. Haller suspicabatur esse speciem Ortegiae; at iuvenis quidam botanicus, Burghard, inveniebat plantam eandem Rostochiae, mittebatque semina Linnaeo, qui tunc cognoscebat, esse speciem Pharnacei; nihil minus Cervianum nomen reliquit Linnaeus speciei.

CESTRUM. Derivatur in *phil. bot.* p. 181. a *κέσρα*, malleus, male quidem; est enim cestrum Plinii, *κέσρον*, instrumentum acutum, quo cavatur ebura.

CETERACH (Asplenium). Salmas. ad Solin. p. 913. a. censet, factum esse ex *πτέρυξ*, *πτέρυγα*, quod Djoscoridi est synonymum Aspleni.

nii. Mihi quidem non verisimile videtur.
Videant eruditiores.

CHAEROPHYLLUM. Χαῖρω, gaudeo, Φύλλον, folium; quasi planta foliis gaudens. Columella 10, 110. habet chaerophyllum per o et l simplex; sed lib. 11, 3: chaerephyllum per e et l duplex.

CHAMAECISTUS (Rhododendron), i. e. cistus humilis. Nam nomina composita ex χάμαι seu χαμαίζε seu χαμαέδις, quod significat *humi*, ab humili statura herbarum dicuntur.

CHAMAECYPRISSUS (Santolina), humilis cypri-
fissus iam Plinio dicta.

CHAMAEDRYS, yos. corripitur. (Veronica et Teucrium). Plin. 24, 15. i. e. quercus humili, quod habeat folia, quae sunt τὴ σχίστη δέρνι ὄμοια.

CHAMELAEA (Tragia). Graecis χαμαιλαία, a similitudine foliorum oleae. Ergo etiam in penultima habet ae, et sic quoque apud Plinium.

CHAMAEMOLY (Allium), i. e. moly humile.

CHAMAEPEUCE (Serratula) Plin. 24, 15. est herba, quae folia habet laricis foliis similia. πεύκη itaque Plinio est larix.

CHAMAEPITYS (Teucrium), yos. F. corripitur per omnes casus. πίτυς, yos, pinus. Hu-
milis pinus iam veteribus dicta,

CHAMAERORS, opis. E. corripitur. Χαμαιρόψ,
Χαμαιλέοψ et Χαμαλέψ, *Quercus humilis*,
veteribus synonyma esse videntur.

CHAMAEZYCE, es. F. (Euphorbia). σύκη, *ficus*
humilis Plin. 24, 15. producit penultimam.

CHAMOMILLA (Anthemis), rectius chamaemelum,
μήλον, pomum, quasi pomum humile.
Nonnullae chamaemeli species, inquit Tour-
nefort, redolent pomum. Chamaemelum Pli-
nii, Χαμαιμήλον, penultimam producit. At-
tamen *chamomilla* iam Macer. I, 15. habet,
quo nomine postea *Tragus*, *Lonicerus* aliique
vsi sunt.

CHARA, ae. Ita Caesari de B. C. 3, 48. dicitur
genus radicis, de qua voce conf. Vossius ad
h. l. Conf. quoque Plin. 19, 8.

CHARACIAS, ae. (Euphorbia). M. Χαρακίας.
Plinio 26, 8. sect. 39. et 14. sect. 87. est ge-
nus tithymali. *Amoen. acad.* 3. p. 102.

CHEIRANTHUS. ἄνθος, flos, Χειρίς, Χειρός, ma-
nus. *Philos. bot.* p. 177.

CHEIRI (Cheiranthus). Indeclinabile. Videtur
prima antecedentis nominis syllaba esse, quasi
sit ex Χειρίς, sed vox est arabica, auctore C.
Gesnero in *Hortis German.* p. 264. a.

CHELIDONIUM et chelidonia Plin. ex Χελιδών,
hirundo, quasi dicatur hirundinis herba. Cre-
ditur chelidoniae nomen sibi vindicasse, vt ait
Dioscorides, quod primo statim hirundinum
adventu erumpat, earundemque discessu mar-
cescat.

cescat. Sunt qui tradiderint, si quis ex hirundinum pullis excaecatus fuerit, matres admota herba illius caecitati mederi, adeoque visum restituere. Haec Tournefort. p. 231. Conf. si tanti videtur, quae disputavimus de hoc argumento ad Antigoni Carystii *histarias mirabil.* cap. 78. p. 126. et ad Marbodi librum *de gemmis* p. 160. Denique liceat, oblata occasione, comprobare chelidoniam a veteribus contra caliginem oculorum laudatam, esse eandem herbam, quae hodie chelidonium vocatur. Etenim Galenus *de simplicibus medicamentis*, auctor est, habere illam succum quasi croceum. Vid. edit. Gesneri inter spurios p. m. 82. A.

CHELONE, es. producitur. *χελώνη*, testudo. Nomen apud veteres desideratur, sed *chelonium*. Apulejo herba dicta est, et *chelonia*, ae, est lapis, vel gemma, de qua Plin. 37, 10.

CHENOPODIUM, πούς, pes. *χῆν*, anser. Pes anserinus. Nomen recens. Plinio herba quaedam vocata est *chenopus*, odis; utrumque corripit penultimam.

CHIOCOCCA ex *χιών*, nix, et *κόκκος*, granum, quia fructus huius plantae colore niveo est.

CHIONANTHUS. *χιών*, nix, quia solum, albis petalis caducis, quasi floccis nivis obtectum videatur. Auctor nominis est Royen. Conf. *hortus Cliffort.* p. 17.

CHIRONIA. Ob magnam similitudinem, quam quaedam species habent cum *Centaurea*, no-

men hoc genus accepit a Centauro Chirone,
de quo conf. Fabricii *bibliotheca Graeca* XIII.
p. 112.

CHLOROXYLON, corripitur. $\chiλωρός$, virens,
 $\xiλον$, lignum. Nomen recens.

CHONDRILLA, a voce $\chiόνδρος$, grumus, quasi
planta, in qua grumi concrescant. Circa enim
ipsos ramulos, vt ait Dioscorides 2, 161.
gummi reperitur mastiches simile, fabae magni-
tudine, quod quidem cum myrrha tritum et
in linteo olivae instar appositum menses trahit.

TOURNEF.

CHRYSANTHEMUM corripitur. $\chiρύστος$, aurum;
quasi dicas flos aureus. Nomen iam vsque a
Plinii tempore usitatum.

CHRYSOBALANUS, i. F. corripitur. $\chiρυσοβάλαν-$
 $\nuς$, glans aurea, Theophrasto est e genere
palmarum.

CHRYSOCOMA, corripitur. Chrosocomus, i. e.
auricomus, Goldhaar. $\chiρυσοκόμης$ est epithet
ton Bacchi. Plinio ac Dioscoridi herba dicta
est chrysocome, es.

CHRYSOGONUM. Dioscoridi 4, 56. $\chiρυσόγονος$,
aureus partus, auro nata sc. herba a γονή, foe-
tus, soboles. Corripitur.

CHRYSOPHYLLUM, i. e. aureum folium; quia fo-
lia subtus sunt tomentosa, sed nitida.

CHRYSOSPLENIUM. $\sigmaπλὴν$, ηνὸς, splen, lien.
Sine auctoritate veterum.

CICER,

CICER, eris. N. corripitur. Horat. *de arte poet.*

249. Nec, si quid fricti ciceris probat et nucis emtor.

CICERA (*Lathyrus*), ae. corrip. Latinis eadem esse videtur, quae cicercula vocatur; id quidem est, quasi minutum cicer.

CICHORIUM f. cichoreum et cichorea, ae. κιχώριον, Theophrasto etiam κιχώρην, Nicandro κιχορεα, aliis κιχόριον, etiam κιχόρεον. Atque id sequutus Horatius versu isto Alcmanio *od. I, 3116. me cichorea, levesque malvae.* Scilicet ει Graecorum abit in e longum. Sed ex κιχώριον fit cichorium, penultima correpta. De etymo vid. Vossii *etymol.*, cuius sententia valde verisimilis non est, cum nomen potius Aegyptiacum esse videatur. Namque intybum, inquit Plin. 20, 1. in Aegypto cichorium vocant.

CICLA (*Beta*). Theophr. atque Plin. 19, 8. p. 175. vnum genus betae vocarunt Siculum f. betam Siculam, ex quo adiectivo fecit senior aetas Ciclam.

CICUTA, producitur. Ovid. *de A. A. 3, 465:*
Et dare mista viro tritis aconita cicutis.

CINNAMOMUM (*Laurus*), producitur. κιννάμωμον. De cinnamono veterum videsis quae a nobis disputata sunt ad Antigoni Carystii *hist. mirab.* pag. 83.

CISSAMPELOS, i. F. vulgo quidem scribitur simplici S, sed duplici scribendum est, quippe

D S com.

compositum ex ἄμπελος, vitis, et κισσος, hedera. Sic etiam Cissanthemum, cissophyllum. Penultima corripitur. In appendice Dioscoridis 4, 139, seu in *nothis* p. 464, η ἐλξην, helxine, dicitur vocari a quibusdam κισσάμπελος, a quibusdam κισσάνθεμον. Nominis ratio haec esse videtur, quoniam, ut Dioscorides tradit, in vineis praecipue crescit, et folia habet hederae similia, nec non hederae in modum ramulis longis complectitur quodcumque contigerit adminiculum. Dioscor. 4, 39, p. m. 258.

CISSUS, i. M. κισσος. Plin. 16, 34.

CISTUS, i. M. s. cistum, N. Bene per th scribitur, nam Galenus, Aetius, Hesychius, Plinius habent κισθος, cisthos. Quam scripturam par Σ esse veriorem, patet e serie alphabeticā, quam sequuntur Hesychius, Galenus, Aetius et Paul. Aegineta; omnes enim ponunt ante κισσος. Ideoque et compositum υποκισθις scribendum per Σ, ac hypocisthis per th.

CITHAREXYLUM. E ligno huius arboris parantur in Jamaica instrumenta musica, inde nomen traxit. Dicitur etiam ab Anglis *the fiddle-wood*.

CLATHRUS, i. M. Sed apud auctores latinos tantum pluraliter reperitur: clathri et clathra. Sunt iis ligna reticulato textu, quibus aliquid munimus sepimusve ut fenestras. A Graecis dicitur κλειθρον, quasi clausura, ab eo, quod est κλειω, claudio. Hodie clathrus vocatur fungus

fungus corpore reticulari, fenestrato. Michel.
p. 214.

CLAVARIA ob formam clavae dictus fungus. Latinis vero *clavarius* non a clava, sed a clavo derivatur, diciturque ita, qui calceos clavis figit, vel qui clavos parat.

CLEMATIS, idis; utrumque corrip, κληματίς. Nomen antiquum. *Clematitis* producit penultimam, quem ad modum cuncta derivata in ites. *Clematitidis* autem corripit.

CLEOME, es, in *philos. bot.* p. 182. derivatur a κλειω, claudio, quasi clausa. Ideoque corripiatur, sicut etiam o in Cleomedes, κληομήδης. Nomen accepit Linnaeus a L. Anguillara, qui illud reperit in libro Octav. Horat. quem equidem Theodorum Priscianum, medicum saeculi quarti, esse existimo.

CLEONIA, ae. κλειωνία, in *nothis* Dioscor. p. 442. et Theophr. *hist.* 7, 4. ad genus helenii refertur.

CLERODENDRUM in *phil. bot.* 176. a δέρδεον, arbor, et κλῆρος, fortuna, derivatur, quasi arbor fortunata, et ita ab Indis vocatur. At κλῆρος non est fortuna s. τύχη, sed sors s. nota, quae in vas coniicitur ad sortiendum. Fortunatus Graecis est εὐτυχῆς. Sed utcumque se habent ista, vocabulum est recens conflatum a Burmanno.

CLETHRA, ac. κλήθρα, κλήθρος, alnus. Arbor ita appellata ob foliorum formam, quae ad alni folia proxime accedunt.

CLIBADIUM. κλιβάδιον vel κλιβώδιον Dioscor. 4, 34. herba, quae et ἐλξίνη dicitur.

CLINOPODIUM, quasi lectipes, ex vocibus Graecis κλίνη, lectus, et πόντος, pes; floribus nempe (corbiculato suo ambitu), ut ait Dioscor. 3, 119. lecti pedum speciem praebentibus, ex intervallis Marrubii modo dispositis.

CLITORIA dicta ob figuram corollae. Iam Pluk. ac Burm. flos clitorius, et Breynio flos clitoridis dictus est. Clitoris correpte pronuntianda, qui ignorat, quid sit, eum ablegamus ad librum Reign. de Graaf *de organis generationi inservientibus*, in oper. p. 94. Fons clitorius in Ovid. *metam.* 15, 322. fuit prope urbem Arcadiae, quae Clitoris appellabatur.

CLYMENUUM (Lathyrus). Plinio clymenus herba est, a rege Clymeno ita appellata. κλύμενος. Pen. corripitur.

CLYPEOLA. Corripitur. A clypeo s. scuto recens dicta herba ob figuram fructus. Antiquioribus herba dicebatur Thlaspi clypeatum, s. Leucloium clypeatum, s. Lunaria peltata. Conf. *hortus Cliffort.* p. 329. Eadem de caussa, genus, quod in systemate *Clypeolae* proximum est, dicitur *peltaria*, quae genera, ipso Linnaeo iudice, ad unicum genus cominode possent reduci.

CNEORUM, κνέωρον. Plin. 21, frutex coronarius.
Producitur.

CNICUS, i. nomen herbae iam Columellae et
Plinio.

COCCLUS (Menispermum) diminutivum vocis
coccus. Italis *coccole di Levante*. κόκκαλος
vero est veteribus strobilus atque nux pinea.
Corripit pen.

COCHLEARIA, quia folia cochlearis instar quan-
doque sint excavata. Vox veteribus incognita.

Cocos idem videtur quod coccus. Garcias qui-
dem in *aromat. hist.* I, 26. p. 189: nuci nos
Lusitani nomen Coquo indidimus, ob tria illa
foraminum vestigia, quibus cercopitheci, aut
alterius similis animalis caput repraesentat.

COCCOLOBA. Brownio Coccolobis. Corripitur,
si a λοβὸς, siliqua, derivatur.

CODIA. Originem vocis novae aucupari nondum
licuit. Κώδιον. Theophr. *hist.* 4. est herba a
corii similitudine dicta. κώδιον enim pellem f.
corium significat.

COIX, icis, M. κοῖξ, μοσ, Theophrasto palmae
genus.

COLCHICUM, corript. Plurimum apud Colchos
nascitur, Dioscoride auctore 4, 84; inde
nomen.

COLOCASIA et colocasium (Arum) apud Dioscor.
ac Plinium. An forte vox Aegyptiaca? Conf.
Vossii *etym.* et Salmas. ad Solin.

COLO-

COLOCYNTHIS, idis. (Cucurbita). Pen. genitivi corripitur. De vocis origine disputavit Martin. in *lexic. phil.*

COLURNA (Corylus). Colurnus, a, um, vel ex corno, vel ex corylo factum dicitur Latinis.

COLUTEA, corrip. arbor Theophrasti; alia est *colytea*.

COMARUM, Plinio comaron, penultimam corripit:

CONFERRVA, ae. F. Plin. 27, 8: *peculiaris est Alpinis fluminibus conferva, appellata a confer- ruminando. — — Curatum eo scio omnibus fere ossibus confractis. cetera.*

CONIUM, conion, κώνιον, ideoque pen. producenda. Herba perniciossima, Latini quam cicutam appellant πάγα τὸ κωνῖν, quod est circumagi aut circumvertere, quod epota vertiginem inducat. Vid. Foes. *oeconom.* Hippocr. p. 369.

CONNARUS, Κόνναρος, arbor ab Athenaeo comémorata, de qua conf. Clusii *histor.* 1, 19. p. 27. Penultimam corripiendam censeo, ut in barbarus, tartarus ac syllaba secunda in cataracta.

CONNIVENS (e. gr. corolla Trollii europaei.) producitur. Sil. Italicus 7, 462: *Connivens oculis, ibat lucoque ferebat;* ubi tamen recentiores legunt *Condiscens*.

CONOCARPUS et **Conocarpodendrum** à κώνος, co-nus, κάρπος, fructus, ni fallor, dicuntur.

CON-

CONSOLIDA (Delphinium) sc. herba. Adiectivum consolidus; a, um, a verbo consolidare apud Arnobium, non apud antiquiores, reperitur. Herba est eadem, quae Graecis atque Latinis est Symphytum, de qua Plin. 17, 6. p. 425: *vulneribus sanandis tanta præstantia est, ut carnes quoque, dum coquuntur, conglutinet ad-dita, unde et Graeci nomen imposuerent.*

CONVALLARIA. Ne innovationem nimiam introducamus, levi mutatione Convallariam dicimus aliorum lilyum convallium. Ita Lin. *flora Lappon.* p. 80.

CONVOLVOLUS Plinio est herba à convolvendo dicta, quod plurimae species se convolvant. Corripitur et scribitur recte per o, non u.

CONYZA, -ae. producitur. Nomen Dioscoridi ac Plinio usitatum.

COPROSMA. Genus novum traxit nomen à κόπρος, stercus, fimus. Est enim herba foetidissima.

CORCHORUS, i. M. κόρχορος, corripitur. Plin. 25, 13.

CORDIA. Dicta fuit arboris familia fructu cordiformi, semineque biloculari, vt cor, ab egregio plantarum descriptore Valerio Cordo. Haec Lin. *hort. Cliffort.* p. 63.

COREOPSIS, quia semina faciem cimicis gerant. Lin. *hort. Cliffort.* p. 420. κόρησις, εως, cimex. εψις, εως, adspectus.

CORIAN.

CORIANDRUM Plin. Graecis κόριον et κορίανον, dictum putant, quod folia ac caules cimices redoleant. κόρης, cimex.

CORIARIA. Plin. 24, II: frutex coriarius, cuius aridis foliis, ut malicorio, coria perficiuntur.

CORIS, is. F. Plinio 26, 8.

CORISPERMUM. κόρης, cimex; σπέρμα, semen.

CORNUCOPIA. Cum defloruit incrassatur versus calycem petiolus, incurvatur, cornuque refert frumento repletum, vnde nulla planta aptior dicatur cornu copiae, quam hoc singulare gramen. Haec Lin. in *horto Cliffort.* p. 490. Primus, qui hoc nomen imposuit, fuit Scheuchzerus. Dicitur *cornucopia*, ae. F. et *cornu copiae* potius divisis vocibus, qua de ratione scribendi abunde disputavit Crenius in *animadvers.* 14. p. 24 - 27. et 16. p. 280. Graecis est cornu ab Amaltheae capra sumtum.

CORNUTIA. Consecrata est memoriae Iacobi Cornuti, cuius industriae debetur *Enchiridium Parisiense*, cui debet orbis pluriimas raras Canadenses plantas bene depictas. Lin. *hort. Cliffort.* p. 319.

CORONILLA, diminutivum a corona, quod aurea aetate nemo dixit. Traxit vero planta hoc nomen a corymbo coronato.

CORONOPUS, odis. M. (Plantago et Cochlearia). Quilibet casus corripitur. κορωνόποντος, quasi tu cornicis pedem dicas. Plin. 22, 19. et 21, 16.

CORRI-

CORRIGIOLA, ae. corrip. Nomen recens, quod quidam lexicographi auctoritate Plinii temere probare volunt; a pedum ligatione dictum (*philos. bot.* p. 166.), quod convenire videtur in *Polygonum aviculare*, quod botanici antiquiores corrigiolam vocabant.

CORYLUS, i. F. cotripit penultimam. Virg. *eclog.* 1, 14: *Hic inter densas corulos modo namque gemellos.* Scribitur et corilus et corulus. Nil refert. Conf. Heyne ad Virgilii l. 1.

CORYMBIUM. *Corymbus* est racemus s. globus flororum, est etiam in ornamentis capitis muliebris, atque hac notione legitur etiam *corymbium* in quibusdam Petronii editionibus. Ita vero herba appellata videtur, quia e foliorum alis superioribus racemi compositi oriantur, qui oinnes fastigiati in corymbum flores ferunt. Plinius est herba quaedam vocata *corymbia*, ae, ferulae genus.

CORYNOCARPUS. Nomen recens. Num a κορύνη, clava?

CORYPHA, ae. κορυφή, vertex capitis, cacumen, fastigium. Foes. *oecon.* *Hippocr.* p. 350. *Philos. bot.* p. 183. Penultima corripitur, ut in *Coryphe*, es, quo nomine appellatur Oceani filia, mater Minervae.

COTINUS, i. M. corripitur. Plin. 16, 18.

COTONASTER, i, um. (*Mespilus*); nomen novum.

COTULA, ae. Corripit penultimam. Latinis est vasculum quoddam, et mensura Graeca, nec vero herba. Martinius in *lexico philol.* putat, nomen herbae esse e Germanico *Kuhdille*, quod Belgis est *Koedill*. Evidem nescio, an haec sententia vera sit, cum nulla nostrae cotulae sit similitudo cum anetho.

COTYLEDON, onis. Vterque casus producitur, nam Graecis est κοτυληδών. Plin. 25, 13. Tournefort. p. 90: Cotyledonis specierum radix ut plurimum tuberosa, folia crassa acetabuli forma; unde cotyledon a κοτύλη, quae cavitatem significat. In his tamen nequaquam sita est huius generis nota; nam inter species aliae sunt foliis planis, aliae radice fibrosa. Hactenus Tournefort.

CRACCA (Vicia) Plinio 18, 16. est genus leguminis degenerantis.

CRAMBE, es. F. Graecis κράμβη dicta, quasi κρεάμβη, quod oculis sit inimica. Scholasticus Aristophanis in *Equitibus*: παρὰ τοῖς Αττικοῖς κρέαμβη, διὸ τὸ τοῦ κόρας βλαπτήν, apud Atticos Coramble dicitur, quod oculorum pupulas laedat. Columellae etiam Coramble dicitur: *Nunc veniat quamvis oculis inimica coramble.* Licet J. Ruellius locum hunc de flore coronario intelligat, quem Graeci κρέμβιον vocant, et *corymbe* monet legendum; sed meliores codices et ratio veterem lectio nem adstruunt. Conf. Nonnii *diaetet.* p. 46. et Martinii *lexic. phil.*

CRANIOLARIA, a figura fructus nomen novum traxit herba. *Philos. bot.* p. 168.

CRASSULA. Nomen noviter factum. Nam nec adiectivum crassulus, a, um, reperitur apud scriptores antiquos. Herba ita dicta est, quae crasso pinguique folio praedita est. Corripit penultimam. Conf. Dillenii *hortus Elthamensis*. p. 115.

CRATAEGUS, i. Plinio 26, 10. est crataegis, is, in. F. et 16, 30. crataegum, semen quoddam, et 27, 8. p. 428. crataeogonon f. crataegonon. Namque in hisce nominibus libri manuscripti magnopere variant. Crataegus autem apud Latinos veteres non invenio, licet Graeci dicant κραταιγος et κραταιγη.

CRATEVA nomen traxit ab herbario seu medico, saepe Dioscoridi ac Plinio laudato. Vixit vero Crateias f. Cratevas tempore Hippocratis. Conf. Fabricii *biblioth. graeca* XIII. p. 129. Penult. produc.

CREPIS, idis. F. corripitur. Plin. 21, 16.

CRESSA. Latinis est foemininum a masculino cres, i. e. cretensis. Nusquam laetior provenit herba, quam in Cretae littoribus salsis.

CRINUM f. crinon Plin. 21, 5.

CRITHMUM. Dioscoridi 2, 157. κριθμον, sed in libris Latinis desideratur id nomen.

CROCODILUM (*Centaurea*), nomen iam Plinio 27, 8. usitatum.

CROTALARIA a figura leguminaum Hermanno dicta est planta, quae caudam serpentis Crotali referunt, quod vibrata sonum dant, seminibus non omnino affixis. *Philos. bot.* p. 168. Crotalum (pen. correpta) est crepitaculum, quo utebantur mulieres Syrae, quae Ambubajae dicebantur.

CROTON, onis. producitur. *κρότων*. Theophr.

CRUCIANELLA. Crucifera et crucialis dicebatur Dodon. Lobelio, Bauhino aliisque a foliorum in crucis formam situ, quod nomen Lin. immutavit.

CRUCITA; ex Hispanico Cruzeta esse videtur; saltem cruzeta a Loeflingio p. 203. (236.) dicebatur.

CRUPIÑA (Centaurea), e nomine Germanico Kruipen, Belgis *Kruipen*, i. e. repere, quia semen manu contractum se subducit ac prorepit. Conf. Bauh. *hist. plant.* 3. p. 24. et Lobelii *observat.* p. 116. Sed Tabernaemont. *Kräuterbuch* 1. p. 503. negat, se scire nominis originem. Repit vero semen adeo, vt, quod casu vestis manicae adhaerescit, paulatim sub inducio totum corpus perrepat. Ceterum liceat annotare bonam iconem huius herbae reperiri in Garidel: *hist. des. plantes qui naissent aux environs d'Aix* tab. 52, vbi *Jacea* dicitur p. 243. Ab Hallero descripta est 3. p. 183. nomine *Serratulae*.

CUBEBA (Piper?). Indis cubab, Avicennae Kebaba, pen. corrip. quia Actuario et aliis Graecis recentioribus appellatur κούπεπερ, κόμπεπερ, κόμβεβαρ et κόμβεβα. BORRICHUS.

CUCBALUS. Apud Plinium legitur cucbalum s. cacbalum. N. Penultimam corripit.

CUCUMIS s. cucumber, eris. M. In genitivo etiam cucumis, in dativo cucumi, in accusat. cucumim, in ablativo cucumi et cucumere, in genit. plural. cucumerum. Pen. corripitur, ut quoque in Cucurbita. Propert. 4, 2: *Caeruleus cucumis, tumidoque cucurbita ventre.*

CUMINUM, producitur. Pers. sat. 5: *Rugosum piper, et pallentis grana cumini.*

CUNILA. Coluīnella 9, 4. Lexicographi fere omnes corripiunt medium. At Nicander theriac. 626. eam prodaxit: Κέρκογον ἡμύσεντα, πανάκτειόν τε κονίλην.

CUNONIA. Joh. Christian. Cuno, mercator Amstelodamensis, hortum habuit rarissimis herbis instructum, quem ipse carmine germanico descripsit. Ibi Bünterus, postea profess. botan. Gottingensis, primus Antholyzam cunoniae vidi, quam descripsit vocavitque Cunoniam. At cum ista planta in systemate Linnaeano proprium genus non constitutat, et ad antholyzas pertineat, vocavit Linnaeus istam plantam decandram Cunoniam. Quod enim huic iam olim imposuerat nomen Burmannus a professore quodam Ultraiectensi, illud ferre non

poterat Linnaeus, cum hic non fuerit botanicus. Dicta vero erat a Burinanno *Oosterdykia*. Conf. Halleri *bibl. bot.* 2. p. 406. et Dryander *catal. bibl. Banks* 3. p. 192.

CURCAS (*Iatropha*), nomen Americanum.

CURCUMA. Vox recentior officinarum; nomen ab inaequalitate radicis, lupatis equorum simili, quae olim hodieque nodis ferreis olivarum instar sibi cohaerentibus distinguuntur, κούρκουμα nuncupatis, ut probe in Theophrasio suo observavit Bodaeus a Stapel, et ante eum Pollux 1, 2. Vnde Hesychio: ἐν κηρῳ, ἐν κούρκουμῳ; et Achin. c. 271. Penultima ergo producitur, quia est a Graeco κούρκουμον. Haec BORRICHIIUS.

CUSCUTA. Evidem cum lexicographis voce in corripiendam censeo. Conf. v. *Cassytha*. Attamen adscribam ea, quae hac de re disputavit Borrichius, cui vox producenda videtur. Cuscuta, inquit, vox officinarum, Graecis recentioribus κασσύθᾳ, quae καδύτᾳ Theoph. *de causis* 2, 3. existimatur, et cadytas Plinii 16, 44. Kusjouths Avicennae vocatur, haud dubie a κασσύθᾳ Graecorum. Quia ergo cuscuta levi detorsione a kusjouths, et κασσύθᾳ nascitur, et κασσύθᾳ pen. producit, sequitur idem cuscute fatum esse. Opportune vero κασσύθᾳ appellatur a κασσύῳ, consuo, quod vélut filis intortis plantarum aliarum folia consuat iungatque. Hactenus BORRICHIIUS.

CYANUS

CYANUS (Centaurea), pen. corrip. Ovid. *trist.* 1, 9, 34: *Transcat instabiles strenua Cyaneas.*

CYCAS. Plinio 13, 4: *cycas, ae, palmae genus.*

CYCLAMEN. Plinio, Scribonio, Apuleio aliisque dicitur herba Cyclaminus, vbi pen. producitur; sed cum antepenultimam corripuerunt poetae, etiam Cyclamen corripere, fas est. Poeta apud Athaen. lib. 15: *Καὶ γεραὸν πώγωνα, καὶ εὐτραπέας κυκλαμίνου.* i. e. ut nec senilem barbam, nec speciosum cyclaminum. Tournefortio auctore dicitur cyclamen a *κύκλος*, circulus, propter radices et folia orbiculata specierum huius generis; quo enim tempore flore et fructu carent, dignosci solent foliis subrotundis vel angulatis. Earum radices ut plurimum tuberosae.

Cyminum (Cuminum) producitur. Idem quod cuminum, vnde sal cyminatus Pallad. 12, 22.

CYNANCHUM. In libris veterum non reperi; sed cynanche, es. F. est morbus faicum, a canibus dictus, quos infestat. *κύων*, canis. *σχύλω*, strangulo.

CYNAPIUM (Aethusa), nomen recens, apium canum, a Tabernaemont. et a nostratis Hundspetersiliu dicitur.

CYNARA, rectius cinara. Corrip. Colum. 10, 235: *Hispida ponatur cinara, quae dulcis Iacho.*

CYNOGLOSSUM, *κυνόγλωσσον* Dioscor. *κύων*, canis, *γλῶσσα*, lingua, a foliorum forma.

Plin. 25, 8: *cynoglossos caninas imitans linguas.*

CYNOMETRA, ae. produc. κύων, canis, μήτρα, vulvā, quam legumen lunatum, compressum et carnosum referre visum est.

CYNOMORIUM, μόριον, penis. Plin. 22, 25. a canini genitalis similitudine. Michel. gen. p. 17.

CYNOPHALLOPHORA (Capparis), penem caninum ferens, quoniam a Caribaeis herba vocatur penis caninus. Phalophorus, Φαλλόφορος, phallum ferens, in festo Bacchi, de quo conf. Cael. Rhodig. antiq. lett. 6, 17. Penultima corripitur.

CYNOPS, opis (Plantago) corrip. Plin. 21, 17.

CYNOSBATUS. pen. corrip. i. e. rubus caninus. Βάτος, rubus.

CYNOSURUS, produc. sicut cynosura, κυνοσοῦρα, ας, canis cauda, sidus boreale, vrsa minor.

CYPERUS, i. M. et F. κύπερον. Media producitur. Sic Petronius 127, 9: *Emicuere rosae, violaeque et molle cyperon.* At Marcellus, auctor saeculi quinti, secundam brevem extulit:

Cyprum ladanum sagapenumque et tragacanthum,

Scammoniam, cyperon, malabathron et ammoniacum.

Duo

Duo sunt nomina apud veteres similia, quae facile confunduntur: cyperus et cyprus. Cyperus s. cyprius, est junci vel graminis genus; sed cyprus, i. M. vocatur veteribus, quae nostratis dicitur *Laeponia inermis*, de qua conf. *Waarenkunde 2. St. 3.*

CYPRIPEDIUM, a calcis similitudine antiquioribus botanicis herba iam dicta est calceolus marianus s. Mariae, pro qua substituta est a Linnaeo Venus, diva potens Cypri. Sed posterior voci pars, sineulla auctoritate, de pede extorta est, neque quemquam novi, qui pedium s. podium dixerit pro calceolo. Conf. *flora Lappon.* p. 248.

CYTINUS. Plinio 23, 6. est flos mali punici, dictus a tumore, qui κύτος dicitur Graecis. Media corripitur.

CYTISUS, i. M. Média corripitur. Virg. ecl. 1, 79: *floreūtem cytisum, et salices carpetis amaras.* Apud Varronem neutrius generis legitur: *cytisum pecori amicum.* Apud Columell. 9, 4. etiam feminini generis: *cytisus est duplex, una sativa, altera sua sponte.*

DACTYLIS, idis, F. utrumque corripitur. δάκτυλος, digitus. Plin. 14, 3. p. 711. dixit vites dactylides digitali gracilitate.

DACTYLUS, i. M. corrip. Colum. 3, 2, 1. vocat adiective vites quasdam dactylos, vel quod

graciles sint, vel quod grana habeant dactylis similia. Fructus palmae iam veteribus vocabantur dactyli.

DAIS. Nomen novum. Nescio, an sit Graecorum *dæis*, *idos*, taeda.

DAMASCENA (Prunus). Λ Syriæ Damasco cognominata dicitur Plinio 15, 13. sect. 12. Δαμασκηνὸς; producitur.

DAMASONIUM (Alisma), δαμασκώνιον. Plin. 25, 10. p. 379. idem quod alisma.

DANDELION (Tragopog.). Evidem suspicor, Linnaeum hoc nomen efformasse ex Gallorum *dent de Lion*, i. e. leontodon.

DAPHNE, es. F. Olim hoc genus vocabatur Laureola, cui Lin. imposuit nomen Pinei filiae, Phoebo adamatae, atque in Laurum conver- sae. *Hort. Cliffort.* p. 147.

DATURA. Sic vocari Lusutanis herbam, Turcis vero Datula, refert. Chr. a Costa. Linnaeus autem *philos. botan.* p. 49. nomini barbaro affinxit originem Latinam, quasi sit a *dando*, quod detur inertibus et effoetis a scortis. At dantur quideam semina, ab impudicis mulierculis, maritis, sed alio consilio, quod refert Chr. a Costa in *histor. aromat.* 3, 53. p. 288. et p. 238.

DECUMARIA, dicta, quoniam habet decem petala, quod unum in Dodecandra exēm- plum est.

DELIMA,

DELIMA, Arnobio idem quod lima esse videtur, atque inde huic generi nomen inditum esse, auctor est ipse Linnaeus *philos. botan.* p. 182. Quod cum ita sit, penultimam producere fas est.

DELPHINIUM. Dioscor. 3, 84. p. 207. auctor est, nomen esse deductum a foliis, quae delphini- rum effigiem prae se ferant. Sed Tournef. deducit illud a forma floris, nondum explicati, qui delphinum, qualis a pictoribus pingi solet, quodammodo referat. Conf. v. *Ajacis*.

DENTARIA. Dentariae herbae solus Apulej. *de herbis* mentionem iniecit. Quae hodie ita ap- bellatur, nomen habet a radicis forma et co- lore, quae candidissima, ex pluribus squamis, quasi dentibus, componitur.

DIALIUM. Apuleio *de herbis* c. 49. eadem herba, quae heliotropium.

DIANTHERA, producitur. δῖς, bis; ἀνθέα; quippe quae geminas antheras in singulo fila- mento gerit. Rectius fortasse *Disanthera*.

DIANTHUS, quasi flos Jovis seu flos deorum di- citur hoc genus, ab eximio florum in quibus- dam speciebus odore et colore, quod nomen etiam antiquum synonymum est. Haec in *Flora Lappon.* p. 133. Ζεύς, genit. δίος, Jupi- ter. δίος, α, ου, a Jove oriundus, divus. Sed διανθης, εος, Theophrasio *hist.* I, 21. est duplicem florem habens; etsi mirum, inquit Ste-

Stephanus, ni pro hac significatione scripturus fuerit potius διαπενθῆσ.

DIAPENIA. Nullus ex auctoribus botanicis, quibus cum ego versatus sum, originem nominis edocuit, et si multi id Saniculae, quae a sanandis vulneribus dicta est, tribuerint. Lin. *phil. bot.* p. 175. perhibet, nomen erronea lectione veterum ortum esse e διαπενθῆσ, sed neque haec vox Graecis fuit in usu, quibus tamen διαπενθέω est lugeo. Mihi quidem verisimile est, factum esse omnino e πένθος, luctus, ac voluisse auctorem ea voce significare herbam contra luctum valentem; quem ad modum ιηπενθῆσ est luctu carens.

DICTAMNUS, i. F. δίκταμνον et δίκταμψον et δίκταμον. Τοῦ δίκταμνου Dioscor. 3, 37. mentione. Videtur vox ἀπὸ τοῦ τίκτειν deduci, eo quod Dioscor. et Theophr. ὁξυτόνον ἐστι, cum non modo pōtum, sed appositum quoque partus defunctos eiiciat. Haec Bauh. *pin.* p. 222.

DIGITALIS, produc. Nomen recens deductum a similitudine floris cum digitali, quo mulieres inter consuendum digitos munire solent.

DIODIA. A solo natali esse nomen perhibet Lin. *phil. botan.* p. 186. quia διόδιος sit subviatica. At hanc vocem lexica ignorant; neque scio, qua auctoritate possit probari. ὁδὸς, via, διόδος, εὐ, via, quae per aliquem locum fert.

DIOSMA.

DIOSMA. Diosmam dixi genus, ait Lin., a sua-
veolentissimo ac refocillanti odore totius plan-
tae, presertim pericarpiorum. Ζεύς, δίος, Jup-
piter et ὄσμη, odor. *Hort. Cliffort.* p. 72.
Phil. bot. p. 180. Alioquin putaverim, esse
διόσμος Theophrasti, quae est vis illa, quae
odorem sensum ad odoratum transmittit.

DIOSPYROS, i. M. corripit penultimam; id est
Jovis triticum. Nomen Dioscoridi ac Plinio
usitatum.

DIPSACUS, i. M. corripitur. Αἴρψαντος, sitio,
dicta est herba, quod in concavo foliorum cau-
leum amplectantium sinu ros et aqua pluvia sub-
sistunt. *Conf. Plin.* 27, 9. sect. 47. Inde
herba etiam vulgo dicitur lavacrum s. labruin
Veneris, cuve de Venus, bain de notre Dame.
Q. Serenus 1008: *Aut Veneris labrum quae
dicitur herba, bibetur.* *Plin.* 30, 3.

DIRCA. Δίρην, Lyci regis Thebarum vxor, alli-
gata tauro indomito, atque eo modo extincta
a privignis. Potest fieri, ut funes, qui e cor-
tice arboris parantur in America (Kalm *itiner.* 3,
p. 114.), istos funes, quibus Dirca alligata est,
in memoriam revocaverint. Fortasse autem alia
cognominandi ratio subest, at exploratum ha-
beo, Linnaeum eiusmodi subsidia mnemonica
non admodum adspersatum esse.

DISTICHON (Hordeum), media correpta; duo-
bus constans ordinibus. Στίχος, ordo.

DODECATHEON, i. N. Herba Plinii aetate sic dicta a duodecim diis. Sunt autem *οἱ δώδεκα θεοὶ*, Jupiter, Juno, Apollo, Mars, Venus, Ceres, Neptunus, Mercur., Vulcanus, Minerva, Diana et Vesta. Sed Dodecatheon Linnaei habet plerumque duodecim flores pulcherrimos, qui tanquam XII. dii in throno sedent. Angli hocce genus vocaverant nomine celeberrimi Mead, quem, cum non fuerit botanicus, isto honore privavit Linnaeus, relinquens speciei nomen viri eruditissimi.

DOLICHOS, i. M. corripitur. Plinio leguminis genus.

DONAX. M. (Arundo) donacis. Penultimam producendam censeo, uti Ajacis, thoracis; et si sint, qui corripiant, uti abacis, climacis, styracis. Plinio est calamus.

DORIA (Senecio). Quae herba olim virga aurea dicebatur, a Narboneisibus dicta est *dorea*, ex Gallico *dorée*, quasi deaurata, quod nomen tandem a botanicis acceptum est. Narbonensem Doream, inquit Bauh. *hist. plant.* 2. p. 1064. quasi auream, perperam Dorianam vocant; neutiquam Doriae duci triremum, quasi exoticae huius repertae laudem vere asserunt herbarii quidam.

DORONICUM, vox ab Arabibus petita, quibus *doronigi* vel *dorungi* appellatur. Nos penult. corripiemus, ut santonicum, lingonicum, betonica.

Do-

DORYCNIUM (Convolv. et Lotus) δορύκνιον; nomen vetustum.

DRABA, δράβη, iam Graecis nomen herbae.

DRACOCEPHALUM, δράκων, ουτός, draco. κεφαλή, caput. Sine auctoritate veterum.

DRACONTIUM, Dioscoridi a maculis purpureis, quae in caule visuntur, ita ut anguem plane, ut Dioscor. loquitur, referat. Theophr. hist. 7, II.

DRACUNCULUS, corrip. (Artemisia et Arum), iam Plinio herbae nomen.

DROSERA, δροσερὸς, ἀ, ὄν, roscidus, rorulentus. Est herbae vocabulum antiquissimum, quod generi, Ros solis dicto, impono, cum plantae huius folia semper sint rorida, et nomen Ros solis retineri nequeat. Haec Lin. in *Flora Lappon.* p. 77.

DRYAS, adis. Latini pluraliter tantum Dryades, um. Per omnes casus corripitur. ἀπὸ τῆς δρῦος, a queru dicebantur silvarum deae. Linnaeus nomen adoptavit, quod folia quodam modo formam foliorum quercus exhibeant. *Flora Lappon.* p. 173.

DRYOPTERIS, idis. Vtrumque corripitur. Plinio filicis nomen. δρῦς, quercus; πτερίς, filix.

DRYPIS, idis. corripitur. δρυπής, ἴδος, Theophrasto est frutex pro foliis spinas habens.

DUDAIM (Cucumis). De hoc vocabulo Hebraico disputant hierobotanici ad Gen. 30, 14. et
Cant.

Cant. 7, 13. דִּבְרָאִים est nomen plurale, ὁξύτονον, seu habens ultimam syllabam auctam.

DULCAMARA (Solanum) producitur. Fictum nomen e Graecorum γλυκύπικρος, dulcedineam amarori permixtam habens. A Plauto connectitur *dulce-amarum*. Q. Serenus composuit versu 151 et 733. *dulcacidum* ex dulci et acidum.

DURACINA (Cerasus) pen. corrip. duros habens et firmos acinos. Vuarum praesertim epitheton. Potest autem deduci simpliciter a durus, scilicet duricie, quasi sit cerasum durioris carnis. Conf. Voss. *de vitiis sermonis* 1, 7. p. 72.

EBENUS, penult. corrip. Virg. *georg.* 2, 116: *Fert ebenum, solis est thurea virga Sabaeis.*

EBULUS (Sambucus) corrip. Virg. *ecl.* 10: *Sanguineis ebuli baccis, minioque rubentem.*

ECASTAPHYLLUM (Hedysarum). ἔκαστος, singuli. Φύλλον, folium. Quam vero rationem cognominandi habuerit Brown, ignoro. Certe non debuit sine adspiratione efferre nomen.

ECBOLIUM (Iusticia). ἐκβόλιον, q. d. electorium, i. e. electrix medicina, abigens in utero enectos infantes.

ECHINOPHORA, pen. corrip. ἐχινοφόρα, echinum ferens. Plinio nomen conchae, quod herbae datum est fructu echinato.

ECHINOPS.

ECHINOPS. producitur, fictum ex ἔχινος, echinus, et ὄψις, facies. Diversum nomen est Plinio echinopus, quod corripitur. ἔχινόπους, οδος, spinae genus aculeis horrens.

ECHINUS, i. (Statice), producitur. ἔχινος, ou.

ECHITES, ae. Plinio autem echites, M. est lapis, sed echite, es. F. herba. Vtrumque producitur.

ECHIUM. ἔχιον, ab ἔχισ, vipera, quod contra viperarum ictus valeat; alii volunt, quod florescat capitulis viperae similibus; et sic Dioscorides, quod semina κεφαλῆς ἔχιος ὄμοια, capiti viperino similia habeat.

ELAEAGNUS. F. ἐλαιάγνος ex ἐλαιία, oliva, et ἄγνος, vitex. Nomen Theophrasto hist. 4, II. p. 453. Conf. Agnus.

ELAEOCARPUS. ἐλαιός, olea. κάρπος, fructus. Sine auctoritate.

ELAIS. Videtur esse nomen Graecum olivae seu oleae arboris, ἐλαῖς, idos.

ELATE, es. corripitur. ἐλάτη, abies. Sed Plinio est involucrum fructus palmae.

ELATERIUM, ἐλατήριον, quidquid ventrem deorsum purgat. Pen. corripitur, nam Graecis scribitur sine diphthongo.

ELATINE, es. F. ἐλατίνη, herba Dioscoridi Plinioque. Corripit penultimam.

ELEPHANTOPUS, odis. ἐλεφαντόπους, πόνος, pes, ἐλέφας, elephas, ideoque pes elephantis, F. sed

sed Graecis etiam eburneos pedes habens. Corripit penultimam. Elephantopi nomen impo-
suit Vaillant, imitatus *Ana-Schovadi* Malabarorum, quod vestigium pedis elephantis expli-
cant *Horti Malabarici* auctores, et de foliis in-
ferioribus dictum autumat Vaillant, quae exi-
stimentur in speciem pedis elephantis disponi
in *Ana-Schovádi*, quam cum hac planta ean-
dem putat. Haec Dillenius in *horto Eltha-
menſi* p. 127.

ELUTERIA (*Clutia*). In *Horto Cliffort.* p. 486.
per th Elutheria. Fortassis fictum ex ἐλευ-
θέριος, servator, liberator, de qua voce conf.
Perizónii index in Aeliani *var. històr.*

ELYMUS, i. M. corripitur. Dioscoridi ἐλυ-
μος, cu.

EMBLICA (*Phyllanthus*), ἐμπλιτζα, recentiori-
bus Graecis est genus inyrobalani, de qua voce
conf. Salmas. ad Solin. p. 335. et Du Cange
glossar. Graecitatis. Penit corripitur, ut alia
in —icus, aromaticus, criticus.

EMBOTHRIUM. Nomen novum, cuius originem
aucupari nequeo, nisi sit ex Graeco ἐμβοθρός,
quod denotat locum in foueam depresso, vel
eum qui in fouea est.

EMERUS (*Coronilla*). Vnde hoc nomen accep-
erit Caesalpinus, ignoro, neque perquirere
volo, quandoquidem is complura nomina ob-
tulit, quae alibi non occurunt. Neque plan-
tae, quas recensuit, facile agnoscuntur, cum
syno-

synonyma non addiderit. Plerumque corripitur, vt heineris, idis, ἡμερις, quae arbor Plinio est glandifera.

EMPETRUM, ἐμπετρον Plin. ac Diose. Solemus corripere, neque hoc male propter mutam cum liquida, vt aiunt Grammatici.

ENDIVIA (Cichorium). Nomen recens ex corrupto Intybo. Ruellius p. 375: "Intybi nomen iam Galeni memoria venerat in Graeciam, qui cichorium Romano sermone dici intybolachanum, id est intybaceum olus memorat. Testatur itidem Paulus Aegin., qui frequenter latina intubi appellatione est usus, quae tandem per interpretes ad nos interpolata rediit, remanente Graecorum pronunciatu, qui suo more pro intubo solent indicium proferre. Hinc mutata principe littera endiviae vocabulum profluxisse cognoscitur, retento etiam priore significatu." — Corripitur ob vocalem ante vocalem.

EPACRIS. Num ex Graeco ἐπακρος, in acutum desinens?

EPHEDRA, ae. ἐφέδρα. Plin. 26, 7. et ephedron 26, 13. Vtrumque corripitur.

EPHEMERUM (Lysimachia), ἐφημερον Dioscor. 4, 83. Veteribus fuit species colchici, dicta inde, quia adeo sit perniciosa, vt sumta una die interficiat.

EPIDENDRUM. Nomen novum e δέρδεον, arbor, et ἐπι, ad, quia sit herba parasitica,

EPIGAEA. Nomen novum, ἐπίγαιος, humi re-
pens. γαῖα, terra.

EPILOBIUM; i. e. ἵον ἐπὶ λόβου, viola supra sili-
qua, nomen a Gesnero confictum.

EPIMEDIUM. Plinio 19, 5. p. 169: epimenidium.
Dioscor. ἐπιμήδιον.

EPIPHYLLANTHUS conf. Phyllanthus.

EQUISETUM penultimam producit, id est: seta
equina. Nam ita ipse Plin. 26, 13: equisetum
— — est pilus terrae (i. e. veluti pilus terrae,
cum pilos habere pro foliis videatur), equinae
setae similis. Graecis olim hippuris, quod no-
men nunc singularem plantam designat.

ERAGROSTIS, nomen recentiori aevo factum ex
agrostis et ἥξ, ἥξος, ver; vti erigeron, eran-
themum.

ERANTHEMUM, corrip. herba veteribus sic ap-
pellata, quod vere floreat. ἥξενθεμον. Male
ab ἥξ, terra, deducitur in Phil. botan. p. 177.

ERICA, ae. f. erice, es. f. erix, ericis. F. in
omnibus pen. producitur. ἥξεικη.

ERIGERON, ontis. corrip. ἥξιγέρων; ουτος, quod
nomen Graeci, Plinio auctore, herbae dede-
runt, quia vere canescit. ἥξι vel ἔαξι γέρων.
Sic eadem Latinis senecio.

ERINUS, i. M. producitur. f. erineos, i. ἥξηνος,
ἥξινος. Plinio eadem arbor, quae caprificus.
Vnde et vrbs in Doride, a caprifico dicta est
Erineum, vt auctor est Strabo.

ERIO-

ERIOCEPHALUM, corripitur; fictum ex ἔριον, lana, κεφαλὴ, caput, quasi caput lanatum.

ERIOCAULON, i. recens fictum ex ἔριον, lana, et καυλὸς, caulis. Caulis lanatus.

ERIPHORUM, melius eriphorus. Corripitur. Plin. 19, 2. Laniger. A pappo seminum deductum nomen. Lin. *flora Lappon.* p. 18.

ERISITHALES (Cnicus). Plinio 26, 13. p. 412: erysithales per y. Corripitur.

ERITHALES, is. F. corrip. ab ἐρι, valde, et θάλλω, vireo. Ita Gesnerus in lexico Fabri. At verius Stephanus: ἡριθαλὲς, ἕος. τὸ, dictum ab ἦρ, ver, quod vere floreat, ut Plinius scribit.

ERUCA (Brassicā). Producitur. Ovid. 2. rem. am. *Nec minus erucas aptum est vitare salaces.* Ab erodendo dicta propter saporem acerrimum.

ERVILIA, ae, (Ervum) iam veteribus genus leguminis.

ERYNGIUM, ἥρυγγιον. De hac planta, cuius nomen Plinium in errorem induxit, videsis quae disputavimus ad Antigoni Carystii *istor. mirabiles* cap. 115. p. 166.

ERYSIMUM, corripitur, a Graeco ἑρύω, conservo, salvum praesto, propter eximias qualitates, quas huic herbae tribuerunt antiqui. Verbum Graecum in lexico Hederici ac Ernesti omissum est, sed non desideratur in *Thesauro Stephaniano.*

ERYSIBHE (Mucor). Haud dubie Linnaeus voluit scribere *erysibe*, ex Graeco ἐρυσίβη, ης, rubigo, de quo herbarum morbo egerunt Theophr., Plin. cet. *Erysibe*, es. corrip.

ERYTHRINA ab ἐρυθρὸς, ruber. *Erythrinus*, ἐρυθρινὸς, Graecis Latinisque est piscis. Penult. producitur Ovidio *hal.* 104: *Caeruleaque rubens erythrinus in vnda.*

ERYTHRONIUM ab ἐρυθρὸς, ruber. Diöscoridi satyrii genus, quod Plinio 2. p. 405. etiam dictum est *erythraicon*, ἐρυθραικὸν et ἐρυθρόνιον.

ERYTHROXYLON, sicutum ex ἐρυθρὸς, ruber, et ξύλον, lignum. Corripitur syllaba *xy* in omnibus derivatis a ξύλον.

ESCULUS (*Quercus*) prorsus idem nomen, quod *aesculus*, et si Linnaeus nomen genericum per ae, et triviale *e* simplici scripserit.

ESULA (*Euphorbium*) vel *Ezula*, penult. producit, quia non tantum in lexico veteri legitur: ἔζουλα τὸ ὄξυπορον, id est, tithymalli species, sed Myrepſ. *antidot.* 30 et 180: ἔζουλα ή χαμαίπιτυς. Sed Bodaeus a Stapel in Theophr. ita: *Esulae* nomen a πιτυούσῃ luxatum videtur, duabus enim syllabis sublatis, remanet οὐσα, cuius diminutivum *usula*, et vocali prima mutata *esula*. Idem creditum Casp. Bauhino in *Pinace*. At huic opinioni et *praesens* repugnat, et quantitas τοῦ σου in *usula*, quae brevis futura esset, si fuisset dimi-
nuti-

nutivum, ut videmus in pustula, pusula, item in vstulo ab uro, sic in regula, bacula, sporula, Albula cet. cum in lexico veteri et Myrepso evidenter producatur. Hactenus BORICHIUS. Martinius quidem vocein ex hebraica lingua derivare temere conatus est.

EVOLVULUS. Cum species huius generis Convolvolis adeo similes sint, ut Linnaeo ipsi primum convolvoli esse viderentur, (Amoen. acad. 4. p. 306. n. 121, 122), nec tamen recte ad convolvoli genus referri possint, voluit Linnaeus similitudinem nomine indicare, vocavitque hasce herbas Evolvulos, praefixo e, tanquam hoc Latinis idem sit, quod Graecis & privativum. Boerhavius, nisi memoria me fallit, unam convolvuli speciem, quae minus volubilis est, appellabat: *convolvulum non convolvulum*, quae denominandi ratio hodie explosa est.

EUONYMUS, i. corripit, εὐώνυμος, i. e. arbor fausti nominis. εὐ, bene, feliciter. ονυμα, nomen. Ironice sumptum, ait Tournef., quod animalibus nocere existimetur, Conf. Plin.

EUPATORIUM s. eupatoria, herba a Ponti rege, Eupatore nominata. Plin. 25, 6. Eupator, corripitur, sed Eupatoris habet penultimam productam.

EUPHORBIA, arboris nomen apud veteres, quam rex Juba inventor appellavit medici sui nomine. Plin. 25, 7. Fabricii *biblioth. græca* XIII. p. 157.

EXACON. Plin. 15, 6. p. 369: *Galli exacon vocant, quoniam omnia mala medicamenta potum e corpore exigat per alvum.* Quibus verbis adscripsit Harduinus haec: “Celticae vocis originationem e Graeco fonte qui repetunt, „ἀπὸ τοῦ ἀνεῖσθαι, a medendo hoc vocabulum effictum volunt.” Evidem syllabam mediam producendam censeo, cum vocabula in *acum* et *acus* a Barbaris deducta producuntur, vti Dordracum, Cameracum, Garlacus.

EXCOECARIA. Arbor Rumphio dicta excoecans, inde Lin. effinxit illud nomen, veteribus ignotum, quibus excaecator dicebatur is, qui excaecat oculos orbatque sensu. Denique ut scribatur per *ae*, non *oe*, praecipiunt magistri, Conf. Cellarii *orthogr.* p. 80.

FABAGO, inis. F. (*Zygophyllum*). Media nominativi producitur; sed vox auctoritate caret. Dicebatur haec herba recentioribus *Capparis leguminosa*, quod adiectivum quidam mutarunt in *Fabagineum*; Latinis fuit adiectivum *fabaginus*, a, um. Nam Catoni est *acus fabaginum*, vbi pen. corripienda est.

FAGARA, nomen ex Avicennae libro allatum a Clusio ad Garc. *hist. arom.* 1, 23. p. 185. Corripitur, sicut *barbara*, *tartarus*, cet.

FAGOPYRUM (*Polygonum*) corripitur; tanquam Latine dicas *fagotriticum*, πυρgos, *triticum*. Junius

Junius in *Nomencl.* Fagopyrum, inquit, pabuli genus, quod a similitudine, quam cum fagina glande habet, vernacula lingua vocant Boekweit, quasi faginum frumentum. — Historiam huius frumenti Saracenici exposui in *Hist. inventionum* 2. pag. 533. et 4. p. 310.

FAGUS; i. F. Φηγὸς a Φάγειν, quod eius fructus esui est.

FALCARIA (Sium), a falce deductum nomen, ut puto, quoniam folia falci vel serrae similia sint. *Falcataria* autem vnde sit, non novi.

FARFARA (Tussilago). Matthiol. ad Dioscor. 3, 109: "Tussilago Hetruscis vulgo dicitur farfara et farfarella, nomine a Romanis fortasse deducto. Hanc enim ab iis farfariam vocatum fuisse, testantur nomina Dioscoridi falso adscripta. Officinae hos vel illos sequutae eam farfaram appellant." — Plures de origine vocis sententias collegit Martinius. Nomen certe dubiae scripturae, sed corripi debet, cum de Farfaro, fluvio in Sabinis, Ovid, *metam.* 14, 330: *Namque tulit praeceps, et amoenaे Farfarus umbrae.*

FERRARIA, herbae nomen Apuleio *de herbis.*

FERULA, frutex Plinio 13, 22. Corrip. Virg. *ecl.* 10, 25: *Florentes ferulas et grandia lilia quassans.*

FERULAGO (Ferula) producitur, sed ferulaginis corript. F. Cael. Aurel. *Thapsia, quam nos ferulaginem dicimus.*

FESTUCA, ae. producitur. Plin. 18, 17.

FICARIA (Ranunculus). Nostratisbus Feigwurzel,
quod in linguam latinam translatum puto,

FICUS. F. secundae ac quartae declinationis. Conf.
Crenii *animadvers. philolog.* 10. p. 25.

FILAGO, producitur. Nomen fictum e lanugine,
qua herba obducta est. Sic e *filum* derivata
sunt: filare, filatus, filatum. Filago autem
auctoritate caret.

FILIPENDULA corrip. dicta ita a recentioribus
propter radices tuberosas, e filo quasi pen-
dentes.

FILIX, icis, pen. corripit. Virg. *georg.* 2: *Et*
filicem curvis invisam pascit aratris.

FONTINALIS f. fontalis dicebatur Bauhino *hist.*
plant. 3, 2. p. 769. species quaedam potamo-
geonis, inde primus Dillenius *hist. masc.*
p. 254. nomen traduxit ad hoc genus musco-
rum.

FRAGARIA, ae. Latinis: *fraga, orum*, atque
Apuleio etiam in singulari fragum, inde re-
centiores effecerunt fragariam.

FRANGULA (Rhamnus) corrip. nomen recens e
frango, quasi lignum fragile.

FRAXINUS, i. corripitur. Ovid. *met.* 10: *Et*
coryli fragiles, et fraxinus utilis armis. Virg.
ecl. 7, 65: *Fraxinus in silvis pulcherrima, pinus*
in hortis.

FRITILLARIA. Qui primus hanc plantam Clusio misit, pharmacopoeus Aurelianensis, *Noël Capperon*, hoc nomen indidit, quod eius areolae versicolores fritillum quodammodo aemulentur; vulgo *Lilium variegatum* ante dicebatur. Dodonaeus *meleagridem* appellare maluit, quoniam eius folia variis coloribus picta sunt, uti plumae meleagridis avis, quam vulgus gallinam, seu perdicem barbaricam aut Guineae vocare solet. Haec Clusius *planta rar.* p. 154. conf. *Histor. invention.* 3. p. 300. At fritillus non est tabula illa areolis variegata, quam vocant nostrates *Schachbrett*, Galli *échiquier*, sed est vasculum poculo simile, quo coniecti tali mittuntur in alveolum.

FRUTICANS (*Iasminum*), medium corripit. Silius Ital. 9, 205: *Rura magis, centum Cereris fruticantis culmis.*

FUMARIA. Plin. 25, 13. fumi instar lacrimas proliens.

GALACTIA (*Clitoria*), nomen a Browne factum puto e γάλα, γάλακτος, lac, quia herba lactescens fit. Eodem modo e γάλα in usu fuerunt iam veteribus galactites, galactopota, galaxia.

GALANGA, ae. nomen ex Arabia petitum, quod Graecis recentioribus, Paulo Aegin. et Aetio, scribi-

scribitur γαλάγγας et γαλάγης. Conf. Salmasius *de homonymis* cap. 117. p. 211.

GALANTHUS, nomen novum e γάλα, lac, et ἄνθος, flos.

GALAX; etiam hoc nomen e γάλα, lac, formatum esse, auctor est Ruellius p. 642. Sic inde iam veteres habuerunt γαλαξίας κύκλος, circulus lacteus in coelo, γαλαξίας λίθος, lapis genus.

GALBANUM (Bubon). Dioscoridi et Galeno χαλβάνη. Penult. corripit. Lucan. 9. *Hic ebulum stridet, peregrinaque galbana sudant.* Galbaneti vocem quidam frequentant, rectius facturi, si galbanatum dicerent. Nam Martial. 3, 82. versu Jamb. sen. *Iacet occupato galbanatus in lecto.* Haec BORRICH. Conf. Vossii *etymol.* p. 230. Martinji *lex. philol.*

GALE (Myrica), nomen e Germanico factum perhibetur in *Crit. botan.* p. 49. et in *Flora Lapp.* p. 298. Num ex Gagel, quod nostris tibus et Belgis in usu est?

GALEGA, vox recentiorum, incertae originis; dicta tamen videtur, quasi γάλα ἕγων, id est, lac promovens, atque ita penultimam producet. BORRICHIUS.

GALEOBDOLON (Galeopsis), γαλεόβδολον, corripit. Dioscor. et Plin.

GALEOPSIS, idis. corrip. quasi καλή ὄψις. Plinio 27, 9. eadem planta, quae galeobdolon. Tournef. galeopsis, inquit, nomen habet a γαλῆ,

γάλη, felis, quia eius flores felis faciem representare existimarent, qua de origine equidem dubito.

GALIUM. simplici L scribendum videtur, eum sit a γάλα, lac. Nihilo secius apud Dioscor. 4, 96. p. 282. duplici L scriptum legitur, et si ipse eandem originem comprobet. ἀνόμαται απὸ τοῦ γάλα πηγνύειν αὐτὶ πιτύας αὐτῷ. i. e. vocatur ita, quod lac cogat et coagulet, coaguli vice. Conf. Galén. *de simplic. med.* libro 6. p. 91.

GENIPA nomen Americanum esse existimo. Marcograph. *Brasil.* scribitur Janipha. Apud Thevetum occurrit nomen Genipat. Conf. Tournef. p. 658. et Bauh. *pin.* p. 434.

GENISTA. Ruell. p. 71, 166 et 649: genistam Latini veteres vocant, quia fortasse genu modo flexilis ad nexus sit, et ligandis ideo vitibus idonea; vel quia genibus medeatur dolentibus. — Sunt, qui a *geno* derivent, quod sponte genatur, i. e. signatur.

GENTIANA, ab inventore Gentio Illyriorum rege, ut tradunt Dioscor. 3, 3. et Plin. 25, 7. γεντιανή. Pen. produc. ut a Rhenus Rhenanus, a Roma Romanus, a Thebis Thebanus, primanus, paganus. BORRICH.

GERANIUM à γέρανος, grus. Herba ita dicta a similitudine gruis capitum in summitate. Plin. 26, 11. Dioſc. 3, 131.

GERA-

GERASCHANTHUS (Cordia). Etiam hoc nomen ex γεράος et ἄνθος, extortum videtur.

GEROPOGON, onis. Producuntur omnes casus. Antiquioribus botanicis, Gesnero aliisque, vocabatur Gerontopogon, quod nomen Linnaeus sua sponte contraxit. γερῶν, οὐτος et γεράος, οὐ, senex. πώγων, ωνος, barba. Ruellius pag. 452: Gerontopogon i. e. senilis barba. A Nicandro geraos pogon, hoc est, barba senis appellata, folio hirci barbulae, tenuiore longiorique, caule parvo, super quem calyx longus et barbula, quae summo vertice senum more incana funditur, inde presbyteri barba vulgo dicitur. Hactenus Ruellius.

GETHYLLIS, idis. F. Gethyon, i. Plin. 19, 6 et 7. est ceparum genus, idem quod γηθυλλίς, ίδος.

GEUM, i. nomen Plinianum.

GIGARTINUS (Fucus). Penult. corripitur. Temere a complutibus dicitur gigantinus, e. gr. ab Oedero, Gunnero; sed Linnaeo dicta est ista species *gigartina* a nomine Graeco γίγαντος, quod Latinis est *vihaceum*. Nam utrumque significat non solum acinos expressos, seu grana acinorum, sed totam quoque vuarum expressarum massam. Videsis quae docuit Niclas ad *Geponic.* VI, 11, 3. p 451. Linnaeus quidem ita fucum appellavit ob similitudinem fructificationis globosae, instar acinorum, vel semenis Brassicae minoris. Male

ESPER

ESPER icon. *fucorum* pag. 17. perhibuit nomen
graecum esse γιγαστρων.

GINGIDIUM, nomen iam usque a Plinio tempore
usitatum.

GINORA. In memoriam C. Ginori a Jacquin dicta
Ginoria, quod nomen Linnaeus contraxit.
Conf. Jacquin *hist. stirp. Americ.* p. 249. aut
edit. splendidissimae p. 73. Böhmer p. 102.

GITHAGO, inis (Agrostemma), factum ex gith s.
git, quod indeclinabile legitur apud Plinium
et Scribon. Nominativus producitur, uti plan-
tago; genitivus corripitur.

GLAUCIUM (Chelidonium), Plin. Dioscoridi
γλαύκιον, herba, quae vulnerata praebet suc-
cum luteum.

GLAUX, aucis. Plin. Graecis γλαῦξ.

GLECOMA. Glechoma, inquit Lin. in *horto Cliff.*
p. 307, a γλήκων Dioscoridis confectum, an-
tiquum, hoc in genere fixum posui vocatum.
At erravit vir praestantissimus, nam Graecis di-
citur γλήχων, ωνος, unde Plinio glechon, onis.
Quem ob causam recte scribitur per ch, et
pen. producitur.

GLINUS. At Plinius 2. p. 13. glinon, i. γλεῖνον.

LOBULARIA dicta a figura floris. Phil. bot.
p. 162. Latini quidem vocarunt globosum id,
quod in formam globi seu sphaerae forma-
tuim est.

GLORIOSA. Lin. *hort. Cliff.* p. 121. Methonicae nomen reiicio, eiusque loco synonymon Gloriosa recipio, cum flores prae reliquis omnibus gloriam splendoris et pulcritudinis ferant; dein longe aptius datur hoc epitheton huic plantae, quam yuccae gloriose dicta. Haec Linnaeus. Scilicet Burman. *Zeyl.* 158. vocaverat herbam *Methonicam glriosam*.

GLUTA. In medio relinquam hoc nomen, quod non ita pridem irrepit. Ante aliquot saecula gluten, quod hodie ichthyocolla dicitur, dicebatur gluta.

GLYCINE, es. A γλυκύς, dulcis, Linnaeo dicta. Producitur, ut Nerine, aparine, et quae sunt his similia.

GLYCYRRHIZA, ae. i. e. radix dulcis. Nomen Dioscoridi, Plinio ac medicis usitatum producitur; etsi sint lexicographi, qui corripiant. Vtor auctoritate Theocriti 25, 210: Εὔρων, σὺν πυκινῆσιν ὀλοσχερὲς ἔσπασα γίγης. Inventam una cum densis radicibus evulsi integrum. Sic etiam Homer. *Iliad.* 9, 538. Nolo tamen reprehendere eos, qui corripiunt. Certum est enim, vocalem ancipitem plerumque syllabam corripere, potissimum sequente ζ.

GNAPHALIUM iam Plinio dictum a γναφάλον, tomentum, herba lanuginosis foliis mollibusque praedita. Conf. Galen. *de simplic. medic. facultat.* lib. 6. p. 92.

GNETIUM. Colum. 7, 8, 1. ad lac cogendum commendat semina gneti vel cneci; nam codices variant, neque alibi hoc nomen, quod scio, offenditur.

GNIDIA. Gnidus s. Cnidus fuit Cariæ vrbs, Veneri dicata, inde Venus Gnidia dicta. A Plinio commemoratur gnidium granum, a Dioscoride cnidium oleum. At quid fuerit in caufsa, cur inde haec planta cognominata sit, non novi. Daphnes vero species vocatur Gnidium, quia semina istius fruticis putabantur olim esse grana gnidia veterum.

GOMPHRENA. Ut novum nomen exprobratur Linnaeo a Burmanno in *Thesauro Zeylan.*, sed eo iam Dalechampius ac Bauhinus vſi sunt; apud Plinium autem non occurrit, cuius auctoritate illud probare voluit Lin. in *horto Cliffort.* p. 87. A γόμφος, clavus derivatur in *philos. bot.* p. 181, qua voce gompho vſus est etiam Statius *silv.* 4, 3, 48. Bauh. *hist.* 2. p. 970. auctor est, nomen scribi etiam Cremphena atque Comphenæ. Nescio, an rectius Gomphena. Solemus penultimam producere, vti in catena, Antenor, Galenus. Saltem e simplici, non diphthongo eam scribere debemus.

GOSSYPIUM. *Frutex*, inquit Plinius 19, 1. quem aliqui *gossypium* vocant, *plures xylon*. Haec quidem vox omnino Graeca est, sed gossypium exotica, fortasse Aegyptia. Conf. Vossii *etymol.*

GRANADILLA (*Passiflora*) a voce Hispana *Gra-*
nada, seu mali *Punicae* fructū, ad quem gra-
nadillae fructum accedere existimarunt. Haec
recte Tournefortius. Hispani rebus in Ame-
rica repertis nomina indiderunt a rebus Hispani-
is, quarum ad similitudinem illae accedere
videbantur; distinxerunt vero res Americanas
deminutivis nōminibus, tanquam eas suo fastu
contemnerent. Hoc modo ipse Columbus in-
sulam, ad quam primus navem appellebat,
nominavit *Hispaniolam*; eodem modo facta
sunt nomina: *sassaparilla*, *cochenilla*, *platina*
atque sexcenta alia, quo de argūmento disse-
ruimus in *histor. inventionum* 3. p. 28. et 4.
p. 282.

GRANATUM (*Punica*). Nomen est a granorum
rubentium et succulentorum, quae gremio
complectitur in alii, multitudine. Columella
12, 41: *mala dulcia granata*, *quae Punica vo-*
cantur. Ut appareat, natales eius non prodiisse
e regione Hispaniae *Granata*, sed potius Gra-
natam, vel a malis *granatis*, vel *grannis* tincto-
rum, copiose istic locorum nascentibus nōmen
meruisse. Penult. producit, quasi esset a
grano, *granavi*, *granatus*. Haec BORRICHIIUS.

GRATIOLA, planta veteribus forsitan incognita;
officinae gratiolam vocavere, quasi parvam
Dei gratiam, propter singulares virtutes, ἀνθετική
et καρπωτή purgandi. Penult. corripit, vt cetera
deminutiva, *laureola*, *areola*, *bracteola*. BOR-
RICH.

GRIAS,

GRIAS, adis. corript. F. herba, quam describit
Apulej. *de herbis* cap. 50.

GROSSULARIA (Ribes), nomen veteribus inauditi-
tum, qui e grossus, i.e. ficus, fecere deminu-
tivum *grossulus*, quo usus est Columella.

GUAJACUM, Indis Guaacan et Guajacan, quo-
modo autem iisdein pronuncietur, non admo-
dum liquet. Quia tamen latina terminacione
donarunt officinae, Latinorum more, ut alia
in *acum* et *aca* desinentia producemus. Ita far-
racum Juvenali penult. prodcuit. Imitantur
pronunciationem hanc Tornacum, Durlachum,
Andernachum, vrbes. Neque aliter exprimi-
tur cloaca Juvenali, lingulaca Plauto, pasti-
naca Macro, et Marcello portulaca. BORRICH.

GYNANDRIA. Vnum habeo, quod de hoc no-
mine, cuius originem ac notionem norunt
botanici ad vnum omnes, adferre queo, neque
hoc magni momenti est. Nimirum Linnæus
neque primus fuit, qui composuerit, neque
primus qui eo usus sit. Forte accidit, ut dum
alia scrutarer, idem nomen reperiem in libro,
qui inscribitur: *Mundus alter et idem. Ultraj.*
1643. 12. Ibi lib. 2. cap. 7. p. 111. terra
Amazonia perhibetur vocari quoque Gynandria,
quod nomen in interpretatione Germanica,
edita Francof. ad M. 1708. 8. redditum est
das Siemännerland. Cum huius libri men-
tionem iniecimus, liceat eos, qui plura de eo
scire volunt, ablegare ad Crenii *animadu. phi-*
lol. 8. p. 55. Biblioth. Stollianam 15. p. 597.

Bayle *diction.* art. *Hall.* not. G. Naudaei *bibliogr. polit.* p. m. 32. Paschiuim *de modis tradendi moralia* p. 216. Fabricii *bibliogr. antiqua* XIV: §. 16. p. 729. Auctor Fabricio et Paschio dicitur *Albericus Gentilis*, Baylio *Jos. Hall*, sed Crenio *Jonas Proost*. Evidem suspicor, auctorem nostrae nationis fuisse, si quidem complura nomina mutuatus est a nostris. Hanc digressionem aequi bonique faciant lectores, rogo, qua taedium, quod nominum perpetua explicatio affert, levare volui.

GYP SOPHILA. Nomen veteribus indictum, denotat herbam, amantem solum, cui magna pars gypsi immixta est.

HAEMANTHUS. Nomen recentiori aevo fictum ex αἷμα, sanguis, et ἄνθος, flos, ob floris colorem sanguineum. Haemanthi vocein, inquit Dillenius in *horto Eltham.* p. 167. quā primum usus Hermannus in horto Lugd. non tam de solo perianthio, quod vulgari speciei bifoliae insigniter coloratum est, quam ipso potius flore posthac interpretandam esse, haec planta (*H. puniceus*) suadet. Id enim in hac specie nec sanguineo, nec alio insigni colore distinguitur, sed herbaceo ignobiliore gaudet.

HAEMATOXYLUM. αἷμα, sanguis, ξύλον, lignum, quo decocto utuntur infectores, qui lignum Campechianum vocant.

HALI.

HALICACABUS (*Cardiospermum*). Plinio etiam halicacabum. N. ἀλικάκαβος Dioscoridi. Penult. corripit.

HALIMUS, i. M. (*Atriplex*) penultima correpta. Plin. ac Diøscor. I, 120. p. 62. ἄλιμος.

HAMAMELIS, idis. ἀμαμηλίς, ἴδος, dicitur Graecis genus quoddam pyri, mespili aut ficus, ex eo, quod cum malo floreat. ἄμα, simul. μηλίς, ἴδος, malus arbor. Conf. Stephani index in *thesaur. gr. ling.* p. 368. Penult. producenda propter ή.

HARMALA (*Peganum*). Pen. corripitur. Graecis ἄρμαλα et Apulejo *de herbis*, cap. 69. est ruta silvestris, quae aliis dicitur πήγανον ἄγριον. Quae herba hodie duplicata voce appellatur *Peganum harmala*, ea ad affinitatem rutae proxime accedit. Conf. quae annotavimus ad Antigoni Carystii *histor. mirab.* cap. 41. p. 69.

HEDERA. Media corripitur. Propert. I, 2, 10:
Et veniant hederae sponte sua melius. Sine adspiratione scribi debere, praecepit Junius Philargyrius in Virgil. *eclog.* 3. quem refellunt majorum gentium magistri. Terentianus Maurus, in *Tractatu de syllabis*, vbi de littera H:
Vna nam spiramen addit omnibus vocalibus,
Hasta quando, et Hedera dicis, Hister, Hospes
atque *Humus.*

Rationem reddit Jo. Jovianus Pontanus L. I.
de aspirat. scilicet ut differret *hedera* a quibusdam temporibus verbi *Edo* (vnde denominata volunt) *ederam*, *ederas*, *ederis*; quod se-

G 3 quitur

quitur G. J. Vossius in *Etymol.* Conf. Broukhuīs ad Propertii l. c.

HEDYCARIA. Nomen novum, cuius ratio mihi non liquet. ἡδύς, suavis, iucundus. ἡδύκαρπος, suaves fructus habens.

HEDYOTIS, is. ex ἡδύς, suavis, et οὐσ, ωτὸς s. ωτίς, auris. penult. igitur producenda. Haec planta est, qua usus est quondam adversus surditatem, Marlovius, medicus, qui medicamenta specifica, in India orientali quae didicerat, in Europa ita iactavit, ut bene inde ditesceret. Celabat autem sedulo plantam, quam Auriculariam vocabat, quod nomen legitur in Dale. *pharmat.* p. 160. Tandem Linnaeus in scriptis P. Hermanni, qui diu in insula Ceilonia fuerat, reperit, esse hanc plantam, quae nunc Hedyotis dicitur, medicamentum specificum contra surditatem, atque hoc modo agnovit Lin. auriculariam Marlovii, cui inde imposuit nomen *hedyotis*. Conf. *amoen. acad.* I. p. 117. *mater. med.* ed. Schreberi p. 49.

HEDYPNOIS, idis. in accusat. hedypnoida. (Hysferis). Corripit penult. Plinio et Graecis erat intybus silvestris.

HEDYSARUM, ἡδύσαργον. Marcel. apud Dioscor. a suavitate odoris sic nominatum censet. Apud Latinos non occurrit.

HELENIUM Plinio 21, 10. e lacrimis Helenae dicitur natum. Dioscor. I, 27, 28. ἑλένιον. Corri-

Corripitur. At conf. Böhmer *de plantis in honor. nominatis* p. 113.

HELIANTHUS et Helianthemum, quod pen. corripit. ἥλιος, sol. ἀνθεμός, flos. Lin. *critica botan.* p. 97. “Quis adspiciet helianthum, florem solis, florentem, cuius magni flores aurei vndique radios emittunt, ex disco orbiculato, quin admiretur speciosissimum florem ex solis figura; ex qua admiratione mox menti occurrit nomen, ut et ex nomine solo viso, admirata floris idea.” Hactenus Lin. — Plin. 24, 17. p. 352: *Helianthes* — — qua cum adipe decotta perungunt corpus, ut fiat adspectu iucundum. Ideo eandem heliocallidem nominant.

HELICTERES. Novum nomen ex ἑλίξ, volumen, convolutum, vel potius ex ἑλικτής, ἦγος, armilla, quae cuncta derivantur ab ἑλίσσω, volvo. Ideo fortasse rectius fuisset nomen helicter, eris. Certe penult. producenda propter vocalem η.

HELIOCARPUS s. fructus solaris. “Quis viderit, unquam fructum plantae subrotundum, margine longitudinaliter cincto radiis radiatis, cui non succurrat idea solis, ex conceptu pictorum; haec idea combinata semel cum nomine *Heliocarpus*, ita coniungitur, ut planta, vel nomen, occurrat nunquam, quia et alterius occurrat idea.” Ita Lin. *critica botan.* p. 97.

HELIOPHILA. Novum nomen ex ἥλιος, sol; φίλος, amicus; quasi solem amans. Pen. corripitur, sicut Theophilus.

HELIOTROPIUM. ἥλιος, sol; τρέπω, verto. ἥλιοτρόπιον. Varro R. R. I, 46: Nec minus admirandum, quod fit in floribus, quos vocant heliotropia ab eo, quod ad solis ortum mane spectant, et eius iter ita sequuntur ad occasum, ut ad eum semper spectent. Plin. 2, 41: Miratur hoc, qui non observet quotidiano experimento herbam unam, quae vocatur heliotropium, abeuntem solem intueri semper, omnibusque horis cum eo verti, vel nubilo obumbrante. Conf. 22, 21. et 18, 27. At magna est frequentia florum, qui solem sequuntur, quo pertinent in primis reseda et flores semiflosculos. Conf. Familles des plantes par Adanson I. p. 55. Lin. critica botan. p. 173. Dodonaeus pempt. 70. auctor est, nomen esse ab eo, quod heliotropium solstitio floreat, quo tempore sol longissime ab aequinoctiali circulo digressus ad ipsum rursus conversionem facit.

HELIX, icis. F. corripitur. Plinio est species hederae.

HELLEBORUS, i. Corripitur. Virg. georg. 3, 451: Helleborosque graves, nigrumque bitumen.

HELVELLA. Latinis plurale tantum helvella, arum. F. Generale est vocabulum minutiorum herbarum s. oluscularum.

HEMEROCALLIS, is. F. ημέλλος, eos, pulcritudo. ημέρα, dies. Flos unico die vigens, iam Dioscoridi ac Plinio dicta.

HEMIMERIS. F. ημιμερίς, ex ημι, i. e. ημισυ, dimidium, et μερίς, pars; semipars. Penult. corrip.

HEMIONITIS, idis. F. ημιονῖτις, ἴδος, mularis, adiective ab ημιονος, mulus, sed etiam absolute, vel sub audito nomine πόωτη, vel etiam Βοτάνη, herba, quae Galeno ac Dioscoridi eadem est, quae Asplenium. Pen. producitur. Dicitur quoque hemionium.

HEPATICA (Anemone) a medicis medii aevi dicta est ex eo, quod contra morbos hepaticos valere iis credebatur. Lichenis autem species idem nomen traxit, auctore Ruellio p. 603. quod iocinerum fibris similia conspiciatur. Eam esse Marchantiam polymorph. opinor.

HERACLEUM, etiam heracleos, heraclea, heraclia, sunt veteribus herbarum nomina, quae ab Hercule dicta sunt, quae omnia producunt pen. cum Graece ἡράκλειος. Potest accidisse, ut quaedam herbae nomen acceperint ab urbe aliqua Heraclea; nam aliquot civitates vocabantur Heracleae, quasi Herculi sacrae, vel quae referrent origines suas ad Herculem. Heracleoticus, a, um. i. e. Heraclea oriundus. Ita heracleotica nux, atque Plinio 25, 4. origanum heracleoticum, i. e. Ponticum, ab urbe Ponti, Heraclea, vbi, ex opinione medicorum, origanum maiore pollebat effectu.

Quae cum ita sint, recentioribus demum venit in mentem, nomen Heracleum referre ad Heraclidem, patrem Hippocratis.

HERMAS, nescio, vnde sit nomen tractum. Graecis ἡρμᾶς, ἄδος, est scopulus occultus in mari.

HERMODACTYLUS, pen. corripit. Radices digitorum similitudinem referunt, adiectis etiam vnguibus. Ex quo plantae nomen est inditum. *Hermodactylus* Mercurii digitum significat. Planta veteribus fuit ignota. Evagrius in *histor. eccl.* cap. 24. p. 463. meminit medicamentis ex hermodactylo confecti. Conf. ad eum locum Valesii annotat. pag. 127.

HERNIARIA. Nomen recentiorum medicorum a sanandis herniis.

HESPERIS, idis. Vbique pen. corripit. Herba apud Plinium 21, 7. nomine invento, quod noctu illa magis oleat.

HEXASTICHUM (Hordeum), pen. corrip. ἔξασιχος, senis constans ordinibus. σίχος, ordo. Colum. 2, 9.

HIBISCUS et ibiscus, i. M. veteribus erat herba radicis laudatissimae, de genere silvestrium malvarum.

HIERACIUM, ab ἱέραξ, accipiter. Plin. 20, 7. p. 197. hieraciam, inquit, vocant, quoniam accipitres scalpendo eam, succoque oculos tingendo, obscuritatem, cum sensere, discutiant.

tiant. Conf. Ael. hist. anim. 2, 43. et Apulej. de herbis. Hieracium Plinio est collyrium.

HIPPOCASTANUM (Aesculus) pen. corrip. Est castanea equina, Rosskastaneen. Latini vero dicunt *castanea*, aē, non *castanum*, *castana*, et si Graeci τὸ κάσανον. Virg. eclog. 2, 52: *Castaneasque nuces, mea quas Amaryllis amabat.* Turcae patria lingua vocant etiam castaneam equinam, quoniam fructus tussientibus et anhelosis equis plurimum auxilii afferre credunt. Conf. quae de pulcra hac arbore disputavimus in *Historia inventionum* I. p. 498.

HIPPOCREPIS, idis, ἵππος, equus, οὐρανός, idos, solea, foccus. Ideo producenda penultima nominativi, quam reliqui casus corripiunt. Adscribamus quae de hoc nomine Lin. critica bot. p. 97. “Quis viderit soleam ferream equorum, qui non a primo intuitu fructum fermentis plantae non exclamabit admirabilem istam similitudinem fructus cum solea equina. „Quis vñquam admirabitur nominis rationem, „qui vñquam viderit plantam. Eiusmodi nomina dextram plantae porrigit, et dextram plantae nomini porrigit. Talia optimam omnium statuo, si cum speciebus generis omnibus convenient.” — Denique nihil refert de novitate nominum: *solea equina* et *hippocrepis*, monere, cum soleae equorum ferreae recentioris inventionis sint. Videsis nostram *histor. inventionum* 3. p. 122.

HIPPOMANE. Dicenda fuisset arbor venenata *hippomanes*. N. indeclinabile. ἵππομανες ab ἵππος, equus, μανία, insania, furor. Pen. corripitur, teste Virg. georg. 3, 281: *Hippomanes*, quod saepe malae legere novercae. Nomen est etiam aliis rebus commune, de quibus disputatum est a nobis ad Antigoni Carystii *historias mirabiles* cap. 24. p. 39. De planta hippomanes dicta, locus classicus est Theocriti *idyl.* 2, 48.

HIPPOMARATHRUM (Seseli) pen. corripit. μάραθρον, marathrum, foeniculum, ἵππος, equus; quasi foeniculum equinum. Plin.

HIPPOPHAE. Plin. 21, 15. et 22, 12: hippophae s. hippophyes, is. F. frutex, quo fullo-nes vtuntur ad interpolandas veste, de quo, sicut de nomine, quod vario modo scribitur, diligenter egit Foes. in *oeconomia Hippocratis* p. 286. Nomen est quatuor syllabarum, et penultimae, quae corripitur, superscribantur puncta diaereseos.

HIPPURIS, idis. F. ἵππονησ, ἵππος, equus, οὐρα, cauda. Veteribus eadem herba, quae equisetum.

HIRTELLA. Hort. Cliffort. p. 17: hirtellam dixi plantam ob rainorum tenellorum hirsutiem. — Quod edocuit praceptor hanc cognominandi rationem, fecit plane bene; alioquin eam vix quisquam potuisset coniectura adsequi.

HOLCUS, i. M. ὄλκος. Plin. 27, 10.

HOLO-

HOLOSCHOENUS, i. M. ὅλόσχοινος, iuncis genus Plinio 21, 18. ὅλος, totus, σχοῖνος, iuncus. Ita ὅλόχευσος, totus ex auro factus.

HOLOSTEUM, ὅλόσεον, herba sine duritia, per antiphrasin sic dicta, cum ὅλόσεον proprie sit, quod ex solido osse constat. Dioscor. 3, II. Plin. 27, 10.

HORMINUM, i. ὄρμινον. pen. producitur, auctoritate Nicandri. ὄρμη, impetus, appetitus, cupiditas. Namque herba Dioscor. 3, 145. δοκεῖ συνουσίαν πάρορμον, i.e. videtur Venem exstimalare.

HOTTONIA. Nomen indidit Boerhavius in *Horto Lugdun.* ab antecessore suo Petro Hottone, rogans magnopere omnes botanicos, ut servarent illud. Noluit itaque Linnaeus non accipere hoc nomen, et si Hottonis in botanicam merita desideraret. Neque ille quidquam scriptum reliquit, praeter quam orationem de re herbaria. Conf. Böhmer *de plantis in honorem nominatis* p. 119.

HUMULUS. Neque hoc nomen, neque *lupulus*, reperitur in libris veterum, neque certo constat, an herba iis cognita fuerit. Certe usum ad cerevisiam perficiendam recentior aetas excoxitavit. Quocirca nec originem istorum nominiū statuere licet. Qui vero coniecturas desiderat, legat, quae allatae sunt a Du Cange, a Krünitz in *Encyclopæd.* 25. p. 71. et a J. F. Tresenreuter in *wirthschaftlicher und rechtlicher Abhandlung vom Hopfen.* 1759. 4.

Penul-

Penultimam corripimus, si quidem diminutivum esse videtur. Constitui, si Deo placet, anquirere omnia, quae ad historiam huius plantae pertinent, ut eam historiae nostrae inventionum possem inferere.

HURA, nomen barbarum ex Guiana.

HYACINTHUS, i. M. Puer dilectus Apollini, quem cum Apollo imprudens disco necasset, vertit in florem illius nominis, in quo duae litterae inscriptae cernuntur $\alpha\iota$, quae vox lugubris, hoc est dolentis, interiectio est. Vulgo creditur, primam huius generis speciem esse hyacinthum poetarum, cui tamen ne vestigium quidem istarum litterarum inest. Insunt vero flori Delphinii, quod ideo a Linnaeo dictum est Ajacis. Conf. quae voce Ajacis iam attulimus et Bauh. pin. 141. Hinc intelligitur, cur species hyacinthi dicta sit *Hyacinthus non scriptus*.

HYBANTHUS (*Viola*). Num ex $\upsilon\beta\circ\varsigma$, curvus? quasi flos curvus. Respondeat Jaquin, quem iam adire non licet.

HYBRIDUM (*Trifolium*). Plantae *hybridae*. Generatio *hybrida*, de qua disputatum est in *amoenitat. academicis* 3. p. 28. et 6. p. 292. Antiquum sane vocabulum est, quo genus aliquod mixtum omnino significatur, et fetus ex iis, qui multum inter se differunt, veluti qui patre Graeco et matre barbara olim natus erat. Hinc *voces hybridae*, quae compositae sunt ex diversis linguis, v. g. Graeca et Latina, ut

mono-

monoculus. At Latinis non adiectivum fuit *hybridus*, *a*, *um*, sed dixerunt *hybridam* sexum quemcunque. Sic *canes hybridae*, qui imparibus parentibus nati, hoc est ex venatico et gregario. Sic *sues hybridae* ex fero et domestico sue prognati. Sic dicimus cum Plinio *vinum indigena*. Ceterum penultima corripitur. Horat. *satyr.* 1, 7, 2. *Hybrida quo pacto sit Persius vltus, opinor.*

HYDNUM. Graecis ὕδωρ, tuber terrae, tuber.

HYDRANGEA. Nomen fictum ex ἄγγος, vas, dolium, vrna, et ὕδωρ, aqua.

HYDRASTIS. Herba in prima editione *Specier. plant.* relata erat ad *Hydrophylla*, quibus similis est. Iam cum peculiare genus constituat, retinuit Linnaeus quidem nomen ab ὕδωρ, aqua; at nescio quomodo transformatum. *Hydrastina* quidem Apulejo est cannabis agrestis.

HYDROCHARIS. ὕδροχαρης, aquis gaudens. In Homeri *batrachom.* ὕδροχαρης nomen est ranae. Penultimam corripit, quem ad modum Baccharis.

HYDROCOTYLE. ὕδωρ, aqua. κοτύλη, vas. Corripitur, vt cotula s. cotyle.

HYDROLEA. Τὸ ὕδωρ facile agnoscimus, at quod adsuerit Linnaeus non itein. Τὸ λεῖον est laevor, item pulvis. Videant alii, num congruat. Quod si videbitur, debebimus penult. producere.

HYDROPHYLAX, acis. M. ὑδρέφυλαξ, aquarum custos seu curator. Nominativo pen. corripitur, sed casibus obliquis producitur, sicut Ajacis.

HYDROPHYLLUM. ὕδωρ, aqua, Φύλλον, folium, quasi tu dicas folium aquaticum. Cur autem Morinus hanc plantam sic appellariit, obscurum, cum locis pinguibus quidem delectetur, sed non multum aquasis. Haec Tournefort. p. 82, qui *Hydrophyllum virginianum* cogitavit.

HYDROPIPER, eris. N. (*Polygonum*). Penultima corripitur, Dioscoridi 2, 191. ὑδροπεπερι, ὑδροπεπερεως. "Nomen, ait Ruellius, vt Galenus est auctor, a locis, quibus nascitur, et piperis sapore, quem prae se fert, possidet, quasi piper dixeris aquatile. Nam iuxta stan- tes aquas et profluentes pigro lapsu provenit. Quare a natali solo et pipere, quod gustu imitatur, appellationem contraxit." Agapius in *Geponico* cap. 144. dixit ὑδροπίπερον. Conf. Du Cange *gloss. graec.* p. 1627.

HYMENAEA. Habet duo folia in uno petiolo, sicut *Cynometra*, a qua tamen flore ac fructu differt. Quoniam folia noctu connivent, traxit nomen a deo nuptiali, deinde etiam nomen spurcum *Cynometrae* facile potuit *Hymenem* sc. deum hymeneum et illud, quod anatomicis ita dicitur, in memoria redigere.

HYOBANCHE, cuius nominis novi originem edocere nequeo. Videtur compositum ex *Orobanche*,

banche, ut sit Orobanche porcina. Sic hyophthalinos est porcinus oculus. Certe Pet. et Pluken. ad orobanches genus herbam retulerunt, quae nunc proprii generis est.

HYOSCYAMUS, *ὑσκύαμος*, ex *υσ*, sus, et *κύαμος*, faba, faba porcina, faba suilla. Dioscor. 4, 69. ex eo, quod apri eius pastu resolvantur et convellantur, praesenti mortis periculo, nisi aqua copiosa, statim se foris et intus poluerent, ut Aelianus prodidit. Bauh. *pin.* p. 169. Pen. corripit. Q. Seren. *Si quis hyoscyatum gustarit lacte capellae.*

HYOSERIS, idis, aut is. F. Plinio 27, 10. hyosiris est intubo similis. Rectius hyoseris, *ὑσερίς*. Nam *σέρις* intubum est, non *σερίς*. Nisi forte *υόσις* *ἴησις* quispiam interpretetur, quod vereor, ut probari queat. Haec Harduin. p. 432. Pen. corripiendam opinor.

HYPECOON. i. *ὑπήκοον* Dioscor. 4, 68. Plin. 27, 11.

HYPERICUM. *ὑπέρικον*. Plin. 26, 8. Corripitur. Format genitivum hyperici, ut ex Dioscor. 3, 171, 172. et Plin. 26, 8 discimus, non hypericonis, ut perperam officinae, quibus oleum hypericonis frequenter in ore est. BORRICH.

HYPNUM. *ὑπνός*, ou, somnus. "Apud Aëtium „serm. 12. cap. 44. et serm. 13. cap. 117 et „118. hypni vox occurrit, synonyma Sphagni, „Splanchni et Bryi, quibus muscum arboreum „seu Usneam designavit, ingredientem compo-

H sitiones

, s̄tiones quasdam medicinales, vnde nomen
illud transtuli huc, et musci generi pro-
prium feci, quod hactenus sub musci ramosi
repentis et squamosi nomine incertis finibus
vagatum fuit. Cum vero res odoratae ob-
αναθυμίασιν somnum provocent, non im-
propria censebitur hypni appellatio, si ob-
iucundum, quem multae species spirant,
odorem hypnotica vi praeditae esse existi-
mentur." Ita Dillenius *hist. musc.* p. 261.

HYPCHAERIS. At Plinio hypochoiris per *oi*,
et sic Theophr. ὑποχοίρις, *īdōs*. *Χοῖρος*,
porcus.

HYPOCISTIS, *īdis* (*Asarum*) corripitur. Ex cissi
radicibus prosilit, inde nomen, auctor. Dio-
scor. ac Plinio.

HYPOGAEA (*Arachis*) male. Recte hypogaea,
penultima producta ab ὑπόγεος, subterrestris.
Quod nomen iam ante Linnaeum in usu fuit,
atque in herbam bene convenit. Nam flores
ac legumina in superficie terrae, seu, ut Plinius
loquitur, in corio terrae enascuntur.
Conf. Schöpf *Reise nach Nordamerika*. I.
p. 545.

HYPOGLOSSUM (*Ruscus*), e Graeco Dioscoridis
ὑπόγλωσσον, Plinius autem habet hypoglossa,
ae. Herba habens folia ceu linguas. Conf.
Galen. *de simplic. medic. facultat.* lib. 8. p. 128.

HYPHYLLOCARPODENDRON (*Leucadendron*);
i. e. arbor fructu hypophylli. Merito reiici-
tur

tur ad sesquipedalia verba nocitura sono, guttur laesura loquentis, qualia ut aspernemur, praescribit *philos. botan.* p. 199.

HYPOPHYLLUM (*Ruscus*) sub folio, scilicet habens flores, seu habens folia subtus florifera. Nomen nullo exemplo factum bene convenit in hunc fruticem.

HYPÓPITHYS, ios. F. (*Monotropa*) a Bauhino factum nomen e *πίτυς*, picea, quia sub piceis, abietibus et pinastris provenit. Ideo penultima sine adspiratione scribitur, quem ad modum Bauhinus *prodrom.* p. 31. scripsit: *hypopitys*. Corripitur eadem caussa, qua *chamaepitys*.

HYPÓXIS, eos. F. *ὑπόξις* est leviter acuminata seu subacuta herba, vel subacida. Nullo exemplo confictum nomen a Linnaeo, ut equidem opinor.

HYPÓXYLON (*Clavaria*) i. e. sub ligno proveniens.

HYSSOPUS. *ὕσσωπος*. Temere corripitur, cum penultima graece habeat ω. Producitur etiam a Q. Sereno v. 479. *In vino prius hyssopum, validam quoque rutam.*

HYSTRIX, icis. F. (*Elymus*) traxit nomen a paniculis echinum referentibus; est eni hystrix ex erinaceorum s. echinorum terrestrium genere. Penultimam in obliquis casibus corripit Calpurnius ecl. 6, 13: *Venit et hirsuta spinosior hystrice barba.*

IACEA. (Centaurea). Sunt lexica, quae nomen Plinii auctoritate probare velint, qui eo non usus est. Pluriini ab ἵον, viola, seu potius a plurali ἵος, violae, deducunt. Quae est etiam sententia Bauhini *hist. 3. p. 28.* "Iaceae, inquit, habent flores violacei coloris, ut et nomen forsan illis impositum est. Ia enim Graecis violae sunt; quainquam iaceae nomen vetus non est. Scaliger alicubi Getiam pro Iacea scribit, tanquam a Geo facto nomine, nimirum quod nigra cognominata in hoc genere radices, ut Geum Plinianum; odoratissimas habeat, ut ipse scribit; ego hactenus odorem illum non inveni." Hactenus Bauh. Ruellio p. 592. auctore herba vulgo potularia officinis nominatur *alba iacia*, sed nescio, an idem sit nomen. Plerumque iacea producitur. sed rationem non facile perspicio. Quodsi ex plurali numero vocis graecae ἵον formatum sit, videtur Iacea esse quatuor syllabarum. Equidem non decerno, sed non comprobo, quae leguntur in *Dictionnaire de Trevoux*: "ce mot vient de *jacere*, être couché par terre. On a donné ce nom à cette plante, à cause que plusieurs de ses espèces sont couchées par terre."

IACOBAEA (Senecio). Flos divi Jacobi, quia circa diem Iacobi floret. Nescio, an rectius scribatur *e simplici*, vt alia nomina possessiva: pythagoreus, sophocleus, heracleus, quorum penultiima graece ειος producenda est.

IALAPA (Admirabilis) incertae pronunciationis est, nisi quod tutius videatur penultima producenda, quia mercatores, haud dubie more gentis, vnde ad nos radix deportatur, gialappam duplicato p, exprimere non dubitant. Nam in Latina analogia hic nihil praesidii, *papa* seu *papus* quidem Juvenali producit penultimam, sed eidem et Martiali penult. corripit *alapa*. BORRICH.

IASIONE, es. F. Theophrasto 1, 21. est *ἰασιώνη*, ergo penult. producenda, etsi lexica Gesneri corripere praecipient.

IASMINUM. Vox recentiorum. (Avicenna *Iatfimin*, nonnulli *Iesemin* appellant, nonnulli *gelseminum*) ab *ἰασμῇ*, id est, olei medicati et odoriferi genere, quod ex floribus albis violarum, et oleo sesamino confectionum in conviviis usurpabant Persae odoris gratia, ut ex Dioscoridis Nothis discimus. Vnde consequitur, germen, quod Iasminum hodie nominatur, oleumque eius odoratum, luculenta similitudine ab *ἰασμῇ* deductum penult. corripere secundum naturam adiectivorum in *inus* ab inanimatis derivatorum. Neque obstat μη in *ἰασμῇ*; similiter enim oenanthinum oleum penult. corr. licet ab οἰνάνθῃ descendat, et δάφνιον a δάφνῃ. BORRICH. Nihilo minus plerunque iasminum producitur.

IATROPHÄ. Lin. phil. botan. p. 184. derivat ab *ἰαργόν*, quod medicamentum esse perhibet, et φάγω,edo. Sit fides penes auctorem. Sed

ἰατρὸν est praemium quod datur medico. Arbor Gallis vocatur *le medicinier*, fructus vero *noix de medicine*, *Purgirnus*, *Brechnus*.

IBERIS, idis. F. nomen herbae Plin. Diosc. *ἰβηρίς*, producendum, sed in casibus obliquis corripiendum. Plin. 25. sect. 49: *Servilius inventit iberida.*

ILEX, ilicis. F. corripit casus obliquos,

ILLECEBRUM, Latinis dicitur *illecebra* omne blanditiarum genus, quibus aliquis allicitur, et sic etiam Scribonio 153. herba quaedam dicta est, cuius nomen recentiores fecerunt generis neutrius. Pen. corrip.

ILLICIUM Latinis est incitamentum, sed cur planta sic dicta sit, non dum scio. Seminibus cibos condunt Chinenses.

IMPERATORIA. Nomen novum, a summis viribus, quasi planta imperatore digna. Nostris tibus *Meisterwurz*.

INGA (Mimosa) nomen Americanum a Plum. evulgatum.

INOCARPUS, *ἰνός*, *ἴνος*, fibra, *ιδέπτος*, fructus.

INOPHYLLUM (Calophyllum). Nomen compostum ex *ἰνός*, *ἴνος*, fibra, nervus, *φύλλον*, folium, quasi folium nervosum.

INTSIA (Mimosa) nomen Indicum.

INTYBVS et intybum, pen. correpta. Columella 10: *Intyba*, iam teneris frondens lactucula fibris.

INULA,

INULA, ae. corripitur. Colum. 10, 119: Cap-
paris, et tristes inulae, ferulaeque minaces.

IOLITHUS (Byssus) ex ιον, ιον, viola, et λιθος,
lapis. Penult. corripit, sicut omnia composita
ex lithos. Sic chrysolithus. Marbodus *de*
gemmae versu 190: *Auro chrysolithus micat,*
et scintillat ut ignis. Idein v. 539: *Hexaconta-*
lithos lapis ex re nomen adeptus. Ratio nomi-
nis haec est. Reperiuntur lapides, qui, in
primis humectati, violam vel iridem olent.
Olim credebant, odorem proprium esse lapi-
dibus, qui idcirco violacei vocabantur, *Vio-*
lenssteine. Sed muscus est qui olet, atque is
haud in uno lapidum genere, sed in variis la-
pidibus, immo in ossibus atque lignis adnascit-
ur, quae res omnes, potissimum autumno ac
vere, inde eundem odorem reddunt. Huius
causam esse muscum recte iam cognoverunt
Georg. Agricola, Gesnerus, Bromelliūs alii-
que; nihilо secius inter recentiores Zückert
tenere opinatus est, esse alios lapides, quibus
odor iste sit proprius, et alios, qui eum ha-
beant a musco, i. e. ab illa byssi specie, quae
Linnaeo dicitur *iolithus*. Nuper etiam Modeer
asseruit, odorem violae a natura inesse cuidam
zeolithi speciei. Vid. Grönings Vorlesungen
der Schwedischen Akadem. 2. p. 15. Conf. G.
Agricola *de nat. fossil.* lib. 1. p. 175. Gesne-
rus *de figuris lapidum.* p. 122. B. Bromelli
lithograph. Suecana p. 55. Brückmann *epist.*
itiner. 1, 13. et 2. p. 103. Valentini *muf.*

museor. 2. p. 21. Scheuchzer Naturgesch. des
Schweizerlandes 3. p. 109. Albini Berg-
chronik 2. p. 154 et 156. Lessers lithotheolog.
p. 314. Grundigs Sämlung zur Natur- und
Kunstgeschichte 2. p. 1062. Keislers Reise 1.
p. 136. Schwenkfeld fossil. Siles. p. 382. Hal-
ler histor. stirp. 3. p. 103. n. 2090. Linnaei
iter Oelandic. p. 10. Zuckert vom Oberharze.
p. 295. An account of a stone, which on being
watered produces mushrooms, by John Hill.
London 1758. 8. p. 28. Quod reliquum est,
lapides violacei, qui in nostris Hercyniae mon-
tibus, in ducatu Würtemberg. et alibi frequen-
tes sunt, in Italia rari esse videntur, cuim Battara
tale lapideum e nostra vicinia allatum,
tanquam rarum ac pretiosum praedicaverit.
Conf. Museum Kircherian. editum a Battara
Romae 1773. fol. I. p. 94.

IONQUILLA (*Narcissus*) deminutivum est vocis
Gallicae *junc*, i. e. *iuncus*, quod folia fere
iunci habeat, quapropter haec species olim di-
cebatur *Narc. iuncifolius*.

IONTHLASPI (*Clypeola*) ex *iov*, *viola*, et *thlaspi*
formatum, quod ad utrumque genus affinitate
accedat. Nomen quatuor syllabarum.

IPOMOEA. Finxit hoc nomen Linnaeus ex *ἰψ*,
ἴπος, et *ἴμωος*, similis, quod haec herba convol-
vulo similis videatur, et quoniam *ἰψ*, ex mente
Linnaei, convolvuli nomen sit. Sed temere.
Namque *ἰψ* est vermis, cornua et vites adro-
dens,

dens, de quo conf. Joannino Niclas ad *geopon.* 5, 53. p. 424.

IRESINE. Hoc nomen mihi molestum est. Ni*si* idem sit, quod Graecis *εἰρησιώνη*, Latinis ire-
fione, es, i. e. oleae ramus, lana velatus, in-
signe supplicum, non video, vnde sit deriva-
tum. Penult. plerique producunt, ut *inerine*,
alsine; nescio qua ratione.

IRIA (*Cyperus*), puto esse originis Malabaricae.

IRIO, ironis (*Sisymbrium*), herba Plinii, quam
Graeci *ἐρύσιμον* vocant, Casus obliqui pro-
ducuntur.

IRIS, iris et iridis. Corrip. Colum. 12, 20.

ISATIS, isatidis. *ἰσάτις*. Omnes casus corripiunt
pen. De herba veterum conf. Plin. 20, 7.

ISCHAEUMUM, i. proprie est medicamentum, quod
valet ad sistendum sanguinem, Plin. 26, 12,
et 25, 8. ex *ἰσχώ*, cohibeo, reproto, et
αἷμα, sanguis.

ISOETES, nomen herbae Plinio 25, 13. quod ha-
bet quatuor syllabas. Penult. producendam
puto; sic boletus, moneta.

ISOPYRUM, i. *ἰσόπυρον*, cuius herbae mentio-
nem miniecerunt Dioscor. et Plin. Corripit
penultimam.

ISORA (*Helicteres*), nomen Malabaricum.

ITEA, ae, *ἴτεα*, Dioscoridi salix esse videtur.
Corripitur ob vocalem ante vocalem.

IVA. De quo nomine Ruellius p. 576: "Latinis
 „ajuga sive abiga, chainaepitys dicitur. Inve-
 „nitur et ibiga vocari, quod nomen fere ser-
 „vant hodie Illyrici. Hinc duabus abiectis lit-
 „teris i et g. *iba*, et tandem iya manavit in
 „vulgi nomenclationem."

JUGLANS, andis. E. est a glans, quasi Jovis
 glans, ut Varro, Servius et Isidorus exponunt.

IUIUBA (Rhamnus). De hoc vocabulo Borrichius:
 "Iuiubae dicuntur officinis, quae Actuario ζι-
 ουφα, Myrepso ζιζεφα, Simeoni Sethi
 ζιτζιφα. Gallis *jou joube*, quam nomen-
 claturam a zizyphis corrupta voce detortam
 esse opinatur in Lex. Martinius. Quod si a
jou joube Gallorum nomen invenerint juju-
 bae, ut verisimile est, vnde cunque tandem
jou joube hauserint Galli, necesse est penul-
 timam produci, quod Gallorum *jou longum*
 , u constituat."

IULUS. Ascanius, Aeneae filius, sed est etiam
 appellativum; lanugo, aiunt lexicographi, po-
 morum et arborum. Botanicis idem est, quod
 amentum. Conf. *philos. botan.* p. 52. vbi de
 calyce sermo est, etsi amentum referendum
 sit potius ad inflorescentiam, quam exposuit
 auctor p. 112. Syllaba media producitur,
 nam vox est trium syllabarum. Virg. *aen.* I,
 p. 271: *At puer Ascanius, cui nunc cognomen
 Iulo. Ιουλος.*

JUNIPERUS, penult. corrip. Virg. *ecl.* 10, 76. *Juni-
 peri gravis umbra; nocent et frigibus umbrae.*

IUSTI-

IUSTICIA. Nomen viri est, cuius magna fuit expectatio Linnaeo, qua nescio an dignum se praestiterit. Videsis *The British gardener's director by James Justice.* Edinburgh. 1764. 8. de quo libro conf. Halleri *biblioth. botan.* 2. p. 440, qui editum esse ait anno 1767. *Biblioth. Banks* 3. p. 610.

IXIA, ae. F. genus herbae Plin. 22, 18. $\alpha' \pi\circ \tau\circ \nu \ i\zeta\circ \nu$, i. e. a visco, quod circa radicem eius invenitur.

IXORA. Floribus est coccineis et ruberrimis, ita ut intrantes silvam credant esse incendium, quod accidit Plukenetio. Ideo Indi plantam a deo suo vocant ixoram.

KALI (Salsola) e nomine Arabico, vnde, praefixo articulo *al*, extitit nomen salis alcalini.

KARATAS (Bromelia) nomen Indicum, quod producatur, vti Achates, Aratus.

KLEINIA (Cacalia). Hanc speciem prius descripsit J. Th. Klein, secretar. civitat. Gedanensis (natus 1685. mort. 1759.) in vna plaga separati^m edita Gedani 1730. 4. quam inscripsit: *An Tithymalooides, nec Cacalia, nec Cicalastrum.* Noluit nimis ipse plantae novae imponere nomen, eo consilio, vt alias quispiam plantam posset nominare Kleiniam. Atque ita Linnaeus eam vocavit in *Horto Cliffor.* p. 395. Sed postea cum etiam herbaceae species

species huius generis innotecebant, et Kleinius
Linnaeum prodere et obtrectare pergebat, sim-
iliter mutavit is nomen generis, servavit tamen illud
speciei a Kleinio descriptae.

KNAUTIA. Quoniam Christian. Knautius negavit
semina nuda, a viro Linnaeus herbam nomi-
navit, cuius semina fere nuda sunt.

LABLAB (Dolichos), nomen Aegyptium, de
quo Vesling ad Prosp. Alpini lib. *de plantis
Aegypti* cap. 20. p. m. 183: "observavi fre-
quenter a plebe semina in lusu usurpata, et
projectis ad proximum parietem assulis, e
scrobibus alternatim fuisse promota; quemadmodum in alveo ad tessarae iactum orbiculi
transponuntur. Laab autem apud Arabes lus-
sum innuit, adeoque nominis ex eo derivatio
non improbabilis."

LABRUSCA (Vitis) vel a labris ac extremitatibus
agrorum (nam in marginibus terrae nascebatur
labrusca veterum) sic dicta, vel quod sapore
acerbo labra laedit sic appellata, Servio auctore
ad Virg. *ecl. 5, 7.* Conf. Plin. 23, 1.

LABURNUM (Cytisus). Plin. 16, 18, sic dictum,
quod habeat flores labiles;

LACTUCA, pen. corrip. Mart. 13. ep. 14: *Clau-
dere quae coenas lactuca solebat avorum.*

LADANUM (Galeopsis), penultimam corripit. Sic Rufus apud Galenum: "Αλλο δε που κατὰ γαῖαν ἐξεμβῶν λῆδανον εὔροις."

LAGOECIA. Vocatur Bellonio teste in Lemno Lagochymeni, i. e. leporis cubile, quam metaphoram imitantes diximus lagoeciam a λαγώς, lepus, et οἶκος, domus. — Haec Lin. *horto Cliffort.* p. 73.

LAGOPUS, pen. produc. *Lagopodis*, pen. corripitur. F. Plinio est herba a pedis leporis similitudine dicta. Lib. 26, 8. p. 398: *Lagopus fistit alvum e vino pota*. Idem Dioscor. 4, 17, λαγώποις. Quae plantae olim hoc nomen habuerunt, genere Trifolii hodie comprehenduntur. Reliqua composita a πούς, pes, sunt masculina, vti apus, tripus, polypus.

LAGURUS. Nomen novum ex λαγώς, lepus, οὐρά, cauda.

LAMIUM, vrticae foetidae species Plinio 22, 14.

LANTANA. Ita vulgo Italica dictus frutex, quod vimum instar lenti eius ramuli sint. Haec Gesnerus in *hortis German.* Sed Italica videtur esse *l'antana*, ab *antes* Latinoruin, de quibus Virg. *georg.* 2, 417: *Iam canit extremos effor-
tus vinitor antes.* Pen. corripiendam puto, vt in lapsana.

LAPATHUM (Rumex), corripitur Horatio *sat.* 2, 4, 29. *Et lapathi brevis herba, sed albo non sine Coo.* Q. Seren. versu 369: *Nec non et calami radix, lapathique legumen.*

LAPPA

LAPPA (*Arctium*). Ovid. *Ponto* 2, 1, 14: *Mixta tenax segeti crescere lappa solet.* Inde diminutivum lappula a recentioribus factum.

LAPSANA, ae. F. λαψάνη. Penultima corripitur a Gesnero in Lex. Fabri, qui tamen in Stephaniano eam produxit. Scribitur etiam Lampsana, sed perperam. Vocem a Graecis sumitam esse, opinatus est Martinius in *Lex. philol.* Quia, inquit, alvum emollit, abstergit et vacuat, idonea ratio est, cur παρὰ τὸ λαψάνη sit nominata. λαπάζω, evacuo.

LARIX, icis. F. corripitur. Lucan. 9, 919: *Et larices, sumoque gravem serpentibus urunt.*

LASER, laseris. N. corripitur. Idem quod laserpitium.

LASIANTHUS (*Hypericum*). λασίανθος, hirsutus, hispidus. ἄνθος, flos. Nomen habet a petalis interne saepe hirsutis, Linnaeo teste *horto Cliff.* p. 380.

LATHRAEA, ae, λαθραῖα, αἰωνίος, clandestinus, occultus. Dicta fuit a botanicis antiquioribus *clandestina*. Caulis, inquit Lin. infra terram corymbosus, ut fructificationes solae supra terram emineant.

LATHYRUS, i. M. λαθύρος, de quo Apulej. *de herbis* 1. Pen. corripitur.

LAUGIERIA. Jacquin *Stirp. americ. histor.* p. 36: Nominavi plantam in honorem Roberti Laugier, in Universitate Vindobonensi, chemiae et botanices professoris, qui primus novum horum

tum botanicum ibidem adornavit et lectionibus illustravit.

LAUROCERASUS (*Prunus*), nomen ob similitudinem et foliorum et fructus datum est arbori a Bellonio atque Clusio, qui primi eius notitiam praebuerunt. Vid. Clusii *plantae rarior.* p. 4.

LAVANDULA f. *lavendula*, pen. corrip. A lavando dicta, quod inserviat fomentis et lotionibus, sed sine auctoritate veterum.

LECYTHIS. Quidni lecythus? i. M. cum λήκυθος sit ampulla olei, cuius pen. corripitur. Linnaeo dicitur *Lecythis ollaria*, rectius *Lecythus ollarius*. Nomen et cognomen idem significant. Nimicum pericarpium cum operculo inservit pro olla, quae aquam ferventem potest continere.

LEDUM. De hoc nomine *Amoenit. academ. VIII.* p. 270: "Apud antiquos scriptores mentionem „herbae quidem observo nomine Cistus ledon, „sed a Ledo diversae, quod a Raio deinde „huic plantae impositum eius successores retinuerent, usque dum Ruppius fl. Jen. 1718 „novum ex hac constituit genus, quod primus „vocavit Ledum; utrum rationem denominatio-„nis a laedendo, odore, an a veteri voca-„bulo ledon, suscepit, nobis omnino perinde „esse videtur. Λῆδον, Cisti species, ita ap-„pellata, quod eius folia scabra et pannosa „sunt. Λῆδος est vestis ex panno raro ac de-„trito. Cum vero ledi folia supra sint scabra, „subtus quoque pannosa, ideo huic vocabulo „non

, non immerito suum debet nomen." — Linnaeus quidem haec. Ego vero nomina λίνδον et λίνδος prorsus diversa esse arbitror.

LEMNA, ae. λέμνα, nomen herbae Theophrasto auctore.

LENTAGO (Viburnum) nomen a Caesalpino evulgatum, fortasse ex *lentus* factum.

LEONTICE, es. F. λεοντική, a Dioscor., Plinio aliisque celebrata. Pen. corripit. Λέων, leo.

LEONTODON, pen. corripitur. a λέων, λέοντος, et ὄδοντος, οδόντος, *dens leonis*, quod nomen etiam ante Linnaeum in usu fuit. Vocis ὄδοντος prima syllaba brevis est; sic Homer. Il. V, 291. Πίνα παρ' ὄφθαλμον, λευκρούς δ' ἐπέρησεν οδόντος. *Nasum ad oculum; albos autem traiecit dentes.* Sed rectius esset *leontodos*, i. M. nam Prysiae filius apud Festum dicitur *Monodos*, qui dentium loco os unum habuit. Minus recte ergo zoologi: *monodon*, *chaetodon*, *tetrodon*, cum Graeci dicant τριόδον, *tridens*, αὐτόδον, *edentulus*, αἱμόδον, utrumque dentatus, *μεγαλόδον*, magnos dentes habens. Sed o medium in omnibus istis nominibus corripi debet.

LEONOPETALON (Leontice) pen. corrip. πέταλον, folium. Herba pedi leonis folia similia habens. Plin. XXVII, 11.

LEONOPODIUM (Filago) Plin. XXVI, 8. Pes leonis. πούς, pes.

LEONURUS

LEONURUS pen. producitur. ab οὐρών, *vrina*.

Leonis vrina. Sic *Palinurus* producitur, i. e. rursum meiens. De veteribus, qui hoc nomine usus sit, reperi neminem.

LEPIDUM, de quo conf. Plin. Diosc. Colum.

Tournefortio auctore dicta est ita à λέπις, squama, eo quod squamas ac maculas faciei auferre existimaretur.

LEPTOPHYLLUM (*Caucalis*) i. e. folia habens tenuia. λεπτὸς, tenuis.

LEUCADENDRON, δένδρον, arbor, λευκός, albus.

Nomen recens.

LEUCANTHEMUM (*Chrysanthemum*), i. e. flos albus, herbae nomen Plinio, sicut leucanthemis. Pen. corripiunt.

LEUCOJUM, i. λευκός, albus, ἥον, viola, ideoque viola alba, sed iam apud Graecos nomen fuit commune multis violis, ut sunt albae, luteae, purpureae.

LEUCOXYLON (*Bignonia*), nomen ad exemplum antecedentis factum, quasi album lignum.

LEVISTICUM (*Ligusticum*). Prius nomen fictum est ex posteriori. *Ligusticum* Dioscor. 3, 51. et Galenus *simpl. med.* 7. vocarunt λιβυσικὸν, inde levisticum et German. Liebstöckel, Gallis Livêche.

LIBANOTIS, idis. (*Athamanta* et *Cachrys*). pen. producitur. λιβανωτὶς, sed casus obliqui corrip. quod radix ὄζει λιβάνου, thus redoleat.

LICHEN, enis. M. item lichene, es. F. penult. producitur. Graecis ὁ λειχῆν, τοῦ λειχῆνος. Mart. XI, 98: *Nec triste mentum, sordidique lichenes.* Sic ren, renis, lien, lienis, attagensis, Sirenis, quae oinnia penult. producunt. Galen *de simpl. medic. facult.* lib. 7. p. 129. ita herba, inquit, nominata videtur, quod λειχῆνας curet.

LIGEA (Alstroemeria). num herba cognominata est a Ligea, Nympha, de qua Virg. *georg.* 4, 336? Quod si verum est, derivatur nomen a λιγύς, εῖα, canorus, quod est a λιγγω, strideo. Pen. produc.

LIGUSTICUM, herba Plin. 19, 8. dicta a Ligistica regione, i. e. Liguria.

LILIASTRUM (Anthericum), quasi ad lilium accedens, Tournefortio auctore.

LIMEUM. Plinio 27, 11. herba venenata, a λοιμῷ, pestis.

LIMODORUM. Theophrasto *de caassis plant.* 5, 22. λειμόδωρον. Ergo penultima producenda.

LIMONIA, λειμωνία Plin. 21, 11. Limonium, λειμώνιον, Plin. 22, 22, quod ἐν λειμῶσι, in pratis proveniat.

LIMOSELLA, phil. bot. p. 166. a limo natali dicta perhibetur.

LINARIA, recentiorum vox, a foliorum figura lini foliis simili. Pen. corr. ob vocalem ante vocalem.

LIPPIA. "Augustinus Lippi Parisiis anno 1678
 „natus est, Lucensi parente medico, Lutetiam
 „agente. Tanto ille peregrinandi desiderio
 „flagrabat, ut licentiatus gradu a facultate me-
 „dica Parisiensi adepto Aegyptum Aethiopiam-
 „que perlustrandi occasionem doctoratus digni-
 „tati praetulerit. Delegato a Ludovico magno
 „anno 1703 ad Aethiopiae regem D. du Roule,
 „se legationis medicum vltro obtulit, et postlu-
 „lato Fagonis favore sub eo titulo prosectorius
 „Aegyptum primo petiit, ex qua saepius et
 „plantarum semina et stirpes siccatas accuratas-
 „que descriptiones per epistolam misit. Quomodo
 „autem in Abyssiniam usque cum regio ora-
 „tore tenderet, cum eo a sicariis in itinere
 „interfectus est. Ex variis, quas ad Fago-
 „nium, Bourdelotum, et Dodartium, medi-
 „cos aulicos scripsit epistolis, exstat collectio
 „ducentarum et amplius plantarum hactenus
 „ignotarum descriptiones et nomina com-
 „plete. — Haec Tournefort. *institut. bot.*
 I. pag. XXVII. Fatum istius legationis, ne
 innotesceret, omnem operam dederunt Jesui-
 tae. Sed iam veritas, quae diu in occulto
 latuit, exposita est in *Memoires sur l'Egypte,*
publiés pendant les campagnes du Bonaparte,
 cuius libri notitiam dedimus in *Physikalisch-*
ökonomischer Bibliothek XXI. pag. 303. Con-
 fer. *interpretatio Germanica* p. 271. Inferatur
 Lippi nomen in martyrologium historiae na-
 turalis.

LIQUIDAMBRA, i. e. ambra liquida. Bauh. pin.

p. 502. B.

LIRIODENDRON. Λειριον f. λιριον, lilium. Arbor lilia ferens.

LINOSYRIS (Chrysanthemum). Osyris f. osiris, penultima producta. Osyridis, pen. correpta. Plinio 27, 12. est herba linaria. Duplicata igitur voce dicitur planta Linnaeo lino similis.

LITHOSPERMUM. Diosc. 3, 158. λιθόσπερμον, ab λίθος, lapis, σπέρμα, semen, propter duritatem semenis.

LOCUSTA (Valeriana). Iam Gesner. in *hortis German.* refert, vocari hanc speciem a nonnullis locustain, sed ratio cognominandi mihi nondum innotuit.

LONGITIS, idis. λογχῖτις, ἰδος. Plin. 25, 11. Penult. nominativus producit, quam casus oblique corripiunt. λόγχη, ἡς est lancea. Ergo herba hastata, eo quod folia instar lanceae in acutum desinant.

LOPHANTHUS. (Hyssopus). Haud scio, an ex λόφος, cervix, et ἄνθος, nomen sit coagimentatum. Potest esse, ut floris magni labium superius ad latus directum cognominandi rationem praebuerit.

LORANTHUS, videtur ex λῶρον, quod et lorum, et diadema denotat, confictum.

LUFFA (Momordica). nomen Arabicum, quod ex Aegypto evulgavit Veslingius in annotat. ad Prosp. Alpin. p. 199.

LUNARIA. Recentioribus ita dicta a foliis lunae crescentis modo falcatis. Bauh. pin. 354.

LUPINUS, produc. penult. Sic Horat. epist. 1, 7.

Nec tamen ignorat, quod distent aera lupinis.

Q. Seren. 85: *Aut acido Baccho miscebis farra* (i. e. farinam) *lupini.*

LUPULUS (Humulus); recentiorum vox, pro lupo salictario Plinii, pen. corripit, quia deminutivum est, ut annulus, hortulus.

LUTEOLA (Reseda) a luteo colore, quem inde panni trahunt.

LYCHNIS, idis. corripitur. *λυχνίς* olim planta coronaria.

LYCIUM, succus ex arbore spinosa Lycia excoctus. Penult. rorrip. quia nomen ei inde, quod in Lycia frequentissime id genus arboris nascatur, ut ex Dioscor. I, 132. constat.

LYCOCTONUM, i. *λυκόκτονον*, i. e. aconitum, quod lupos strangulat. Diosc. 4, 76. Corripit penultimam.

LYCOPERDON, nescio qui primus fecerit ex *λύκος*, lupus, et *πέρδω*, pedo. Stercus lupi.

LYCOPERSICUM, *λύκος*, lupus. Luporum persicum; persicum lupulinum. Galenus hoc nomine usus scribitur Anguillarae; equidem locum non inveni.

LYCOPodium, i. *λύκος*, lupus, *πούς*, pes. Dubito, an vetustum nomen sit. *λυκόποδες* quidem dicebantur tyrannorum satellites, de qui-

bus Suidas. Musco nomen datum est, quod rami, praesertim extremitates eorum, pedem lupinum imitari videantur, Dilleniō teste p. 441.

Lycopsis, idis. F. corripit casus obliquos, λύκωψ. A Dioscor. Plinioque inter anchusa-ruin genera refertur.

Lycopus, idem quod lycopodium. Lycopodis pen. corripit. Sic in ceteris, quae derivantur a πόνος; sic tripus, tripodis, tetrapus, tetrapodis, polypus, polypodis, et si dicatur etiam polypi.

Lygeum. Corripitur. Loefling *itinerar.* p. 285. (p. 366): lygeum nominavi synonymo veteri Athenaei, quod derivatum fuit a graeco λύγος, vimen, virga. Hactenus Loefling. In Hispania usum fere *Stipae tenaciss.* habet. Lygus, i. etiam Plinio 24, 9. frutex est.

Lysimachia, penult. reddit communem, et brevem quidem, quia Dioscor. 4, 3. λυσιμάχειον appellat; longam autem, quia Hesychius λυσιμάχειον vocat Βοτάνην. Sed de vrbe et planta Lysimachia prolixius agit Labbeus in *Analectis prosodicis*. Hactenus Borrichius. Herba retinet nomen a Lysimacho, Thraciae rege, Alexandri comite, qui eam invenit, Plinio auctore 25. sect. 35. p. 370, ubi conf. Harduinus.

LYTHRUM. Species huius generis, quae Salicaria cognominatur, olim ad lysimachias a botanicis referebatur, a quibus cum Linnaeus se-iungebat, novo generi imposuit nomen, quod iam Dioscoridis aetate fuit synonymum lysimachiae. Conf. 4, 3. p. 246. At cum Dioscoridi scribitur λύτρον, absit adspiratio, quam temere indidit Linnaeus. Λύτρον vero est crux.

MACROCNEMUM, nomen novum, factum e μακρὸς, longus, prolixus, et κνήμη, tibia, quasi tu dicas longas tibias habens. Ex eodem fonte derivatur *polycnemum*. Vtrumque producitur.

MAHALEB (*Prunus*), nomen Arabicum apud Serapionem, quod quidam macalep scribunt.

MAHERNIA. Cum hoc genus Hermanniae admundum affine sit, et solis fere nectariis distinguitur, imposuit Linnaeus illi nomen quidem *hermanniae*, sed transpositis litteris, quam nominis rationem ab ipso Linnaeo audivi.

MAIORANA (*Origanum*), recentiorum vox, cuius nomen alii a maro Dioscoridis deducunt, alii ex eo, quod maiori cura colatur, quam ceterae plantae. Penultimam producit per analogiam, ut oppidanus, rusticanus, fontanus, urbanus, cet. BORRICH. Iam Myrepsum de *antidotis* cap. 491. habet μιαγγυράνα. Conf. Du Cange.

MALACHRA, ae. Plin. 12, 9. arbor in Bactriana
regione, fructu caprifici.

MALACODENDRON. μαλακὸς, mollis; δένδρον,
arbor.

MALACOIDES (Geranium et Malope), ex μαλα-
κὸς, mollis, et εἶδος, facies, forma, quasi
herba mollis, atque Lobelio *adversar.* p. 297.
illa geranii species dicitur mollicella tota, cau-
liculis et foliis. Sic alia composita: δυσειδῆς,
deformis, μονειδῆς, uniformis. Penultima
producenda propter diphthongum ει.

MALOPE, es. F. Plin. 20, 21. μαλόπη, itaque
corripitur.

MALVA, ae. nomen vetustum, Graecis μαλάχη,
vtrumque a mollitie vocabulum factum. De
etymo conf. Ruellius p. 75.

MALVAVISCUS (Hibiscus), nomen Apuleii. Vi-
detur a malva et ibiscus deductum nomen.
Conf. Ruellius p. 572. Sed potest esse ex
viscum, cum nomen sit plantae glutinosae,
quae vulgo etiam *guimalva*, inde officinis *bi-*
malva et *bismalva*, dicta est.

MAMMEA. Ex voce americana Mammei, qua-
vsus est Plumier, fecit Linnaeus novum hoc
nomen, cum fructus maximi formam habeant
mammillarem, cuiusmodi vocabula *quasi modo*
genita, vel per transformationem sensualem
facta, vocare solebat. Conf. *Phil. bot.* p. 163.
Critica bot. p. 113.

MANCINELLA (Hippomanes) nomen Ameri-
canum.

MANDRAGORA (Atropa) penult. corrip. Colu-
mella X, 20: *Mandragorae pariat flores, moe-*
stamque cicutam. Graecis ὁ μαρδόναγός, ge-
nere masculino. Latini abiecerunt litteram ul-
timam, sicut e Σωσίᾳ fecerunt Sosia; iidem-
que genus mutarunt. Attamen recentiores
quidam, vti Cordus, Matthiolus, scripserunt
mandragoras. Columella vocavit plantam *se-*
mihominem, et iam Pythagoras αὐθεωπομόρ-
φον, quo vetustas fabulae de radice formam
humanam vtcunque referente probatur. Est
mihi dissertatio philologica *de Mandragora*,
praeside J. Thomasio. Lipsiae 1671, sed vix
quidquam inest, quod legere operae pretium
sit. Conf. Salmas. *de homon.* p. 65.

MANGIFERA. Fructus huius arboris edulis, cuius
tanta est varietas, quanta nobis pomorum, di-
citur in India mangas, quem bene delineavit
Meister in Indian. Lustgårtner p. 82. Sed
mangas tangas fructus est alias arboris.

MARISCUS, i. M. (Schoenus), iam Plin. 21, 17.
iunci genus.

MARRUBIUM. Plin. 20, 22: *marrubium, quod*
Graeci prasum vocant.

MARTAGON (Lilium). Matthiol. in Dioscor.
p. 600 et 601. auctor est, herbam ita a che-
mislis esse nominatam; quid autem sibi volue-
rint

rint chemistae cum hac liliorum specie, atque
vnde ipsi nomen deduxerint, ignoro.

MARUM (Teucrium). Plin. passim. Graecis
μαρέγον.

MASTICHE, es. F. corripitur. Lacrima, quam
lentiscus arbor sudat. Inde *masticinus*, a, um,
penult. correpta. Apud Palladium est oleum
masticinum. Sic Lin. *Thymus masticina*,
mastichen redolens. Sed *mastix*, flagellum,
scutica, est M. et habet *mastigis*, pen. pro-
ducta; a verbo *μαστιγώ* s. *μαστίχω*, flagello.
At Q. Serenus formavit *mastix* vel *mastyx*,
mastychis, vt versui conveniret, cuius confe-
rantur interpretes.

MATRICARIA. Ruellius p. 568: ita dictam puta-
verim, quod mulieribus vteri causariis, et
strangulationi vulvae oportunis suo viroso
odore medeatur. Eadem dicitur parthenium.

MAUROCENIA (Cassine). Hort. Cliffort. p. 108:
“dixi arbusculam hanc apud Mauros nascen-
tem semper virentemque a senatore Veneto
„Joh. Franc. Mauroceno, qui hortum splendi-
„dissimum plantis rarissimis instruxit Paduae,
„eumque cum publico communicare voluit
„Antonii Titae laboribus.”

MAX (Phaseolus), nomen Arabicum ex Avi-
cennae libris.

MEDEOLA, nomen a Linnaeo fictum, haud scio,
an diminutivum Medeae.

MEDI-

MEDICAGO. Produc. medicaginis. Nomen herbae, quae medica (proparoxytonon) dicebatur Graecis et Latinis, sed cum suffixa syllaba *go*, quam recentiores addiderunt. Conf. *Phil. botan.* p. 167.

MEDIUM (*Convolvulus et Campanula*), non ex medius, a, um, s. μέσον, sed μήδιον, ex Media, Plin. 27, 12. et *Dioscoridi* substantivum est.

MELAMPODIUM. μέλας, niger. πούς, pes. Plinio est nigrum hellebore genus.

MELAMPYRUM, μέλας, niger, πυρός, triticum. Penult. corripit. Cuius plantae mentio facta est a Plinio ac Theophrasto.

MELANTHIUM, de quo *Theophr.* *Dioscor.* ac Plin. A seminis nigredine dictum.

MELASTOMA. μέλας, niger. σόμα, τος, os. A baccis dicta herba, quae comestae labia nigro colore inficiunt. Corripitur. Quae Graeci composuerunt nomina e σόμα, ea desinunt in *os*, quorum exemplo herba dicenda fuisset melastomos, sed potest esse adiectivum latino more formatum: melastomus, a, um, vt sit melastoma, scilicet planta. Attamen hoc nomen proprius indicat id, quod os nigrum habet, non quod os nigrum reddit. Atqui talia non curant nomenclatores botanici.

MELEAGRIS, idis. F. casus obliqui corripiuntur. Conf. *Fritillaria*.

MELIA. *Dioscoridi* μέλια denotat fraxinum, vel arborem aliam foliis itidem pinnatis, quod nomen

nomen Linnaeus accepit eo consilio, ut effugeret barbarum illud Azedarach, quod huic generi ab antiquioribus datum erat.

MELIANTHUS, nomen descendit a mellis copia, qua abundant flores melianthi maioris, e quibus mel destillat.

MELICA, corripit medium. Apud veteres non occurrit nomen, quod Italis in usu est, quibus hodieque frumentum turcicum dicitur *melica*, *meliga* et *melliga*. Verisimile est, esse ab helmos vel melinos, quae Theophrasto sunt synonyma panici. Conf. Ruellius pag. 322.

MELILOTUS (*Trifolium*). Dioscoridi 3, 48. *μέλιλωτος*. Pen. produc. Ovid. *fast.* 4: *Pars thyma, pars rorem, pars meliloton amat.*

MELISSA, ae. *μέλισσα* est apis. Herba itaque ita vocatur, cuius flores apibus sunt gratissimi. Sine idonea auctoritate.

MELITTIS. In *Horto Cliff.* falso perhibet Linnaeus, nomina melittis ac melissa Plinio esse synonyma. Namque neutro is quidem usus est. Sed apis, *μέλισσα*, dicitur Attice *μέλιττα*. Melittis nusquam occurrit.

MELO, melonis. M. Pallad. 4, 9, 6. penultiam producendam opinor, consentientibus Stephano et Gesnero in Lexico Fabri. Ille quidem in *thes. gr. ling.* 2. p. 1639. melones, ait, quasi *μῆλωνες*, a mali figura. Sed Borrichius pen. corripit, ob omicron, inquit, quod vel *μηλόπεπων*

λοπέπων ostenderit apud Galenum *de alimentis*.
facultat. 2. et apud Dioscoridem.

MELOCHIA. Ex moluchi Arabum, quod nomen prodidit Rauwolf, factum esse existimo. Primus qui melochiam inde fecerit, fuit, ni fallor, Prosp. Alpin. p. 45. conf. ibidem Vessling. p. 188. Apud Avicennam legitur maluchia.

MELONGENA (Solanum), quod nomen vel ex codicibus Arabum innotuit, vel ortum est ex inalensana, quasi mala insana; quo nomine fructus huius herbae vocatur. Conf. Ruellius p. 441. Scribitur etiam malozeno. Apud Myrepsum *de drosatis* cap. 89. legitur μελογένειον. Bauh. *hist. plant.* 3. p. 619. refert, de melongena passim sermonem esse Avicennae et Averrhoi, quorum libros consulant, quibus licet. Salmas. *hyl. iatr.* pag. 65. confirmat, esse ex Arabicō Bedengian. Vulgo penultima producitur, quod saltem iis liceat, qui partem extremam vocis melongenae ab *insana* derivant. Denique *insanae* iam veteribus dictae sunt complures herbae. Sic hyoscyamus dicitur Latinis *Insana*, i. e. ut Plinius 25, 4. loquitur, gignens insaniam. Q. Serenus 367: *Et quae vulgari sermone Insana vocantur. Graecus hyoscyamum propria scit dicere lingua.* Deinde vites triferas ob id *insanas* vocabant, quoniam in iis alia maturescunt, alia turgescunt, alia florent, Plinio ita referente 16, 27.

p. 20. Conf. quae a nobis annotata sunt ad Aristotel. *auscult. mirabil.* p. 346.

MELOPEPO (Cucurbita), melopeponis. $\mu\eta\lambda\omega\pi\acute{e}\pi\omega\gamma$. Omnes casus corripiunt penultimam, ut canonis, iconis, Lacedaemonis, cet. Hesychius habet accusativum singulari $\mu\eta\lambda\omega\pi\acute{e}\pi\omega\gamma\alpha$, et Plin. accusat. plur. melopeponas.

MELOTHRIA. Veteres vero melothron dixerunt. Sic enim Plin. 21, 9. p. 242. Theophr. ac Dioscor. $\mu\eta\lambda\omega\vartheta\epsilon\gamma\omega\gamma$, ideoque media syllaba vocis melothron produci debet. In plerisque Hesychii editionibus male legitur $\mu\epsilon\lambda\omega\vartheta\gamma\omega\gamma$, quod recte repudiat Gorraeus in *definit. medicis* p. 402.

MEMECYLON, i. N. Plin. 15, 24. p. 750. Graecis $\mu\epsilon\mu\acute{\epsilon}\kappa\omega\lambda\omega\gamma$, vel $\mu\epsilon\mu\acute{\epsilon}\kappa\omega\lambda\omega\gamma$ vel $\mu\mu\acute{\epsilon}\kappa\omega\lambda\omega\gamma$, nam variant codices. Ultimum approbat Stephanus. In omnibus vero corripitur pen.

MENAIIS, idis. F. pen. corr. Plinio 24, 17. est herba magica serpentium ictus sanans.

MENISPERMUM. Nomen recens. $\mu\acute{\epsilon}\nu\eta$, luna. $\sigma\pi\acute{\epsilon}\mu\alpha$, semen, cuius a similitudine herba nomen traxit, Tournefortio auctore.

MENTHA, ae, et menta, utrumque, sed hoc in plerisque libris. Herba appellata dicitur, vel a $\mu\acute{\epsilon}\nu\eta$ Graecorum, vel quod suo odore mentem feriat.

MENYANTHES, ae. $\mu\eta\mu\omega\alpha\eta\vartheta\epsilon\gamma\omega\gamma$, eos, mensiflora, ut Gaza vertit apud Theophr. *hist. plant.* 4, 11. ubi tamen et aliter scriptum legitur. $\mu\acute{\epsilon}\nu$, $\mu\eta\eta\omega\gamma$, mensis,

mensis. Bodaeus ad Theophr. p. 456. μινυαρ-
θὲς scribendum esse contendit, auctoritate He-
sychii, Galeni atque in primis Nicandri, apud
quem Theriat. § 22. μινυαρθὲς scribendum ra-
tio carminis dicitat. Ita censet etiam Gor-
raeus, qui ad l. l. annotavit haec p. 91: no-
men non ἀπὸ τοῦ μηνύειν, quod significat
ostendere, quasi flore suo se indicet; neque
enim id fert ratio carminis; errant propterea
qui Latine menyantes scribunt; sed ἀπὸ τοῦ
μηνύειν, hoc est a minyo. Flores enim illi
purpurei sunt. Hactenus Gorraeus. Etiam
apud Plin. 21, 9. legitur menyantes. Bo-
daeus l. l. varias attulit coniecturas, cur ita
dicta sit herba.

MERCURIALIS, pen. produc. Q. Serenus 620:
Mercurialis item capitum communiter herba.
Loca veterum medicorum de hac herba col-
lecta sunt a viris doctis ad Q. Seren. § 20. inter
Burmanni poetas minor. 2. p. 293.

MESEMBRYANTHEMUM. Olim tertia syllaba ha-
bebat i, non y; ex μεσημβρίας, meridies, ἀν-
θεσ, flos. Sed iuvat adscribere, quae Dille-
nius h. Eltham. p. 225. qui de hoc herbarum
genere optime meruit, de huius nominis con-
fectione memoriae prodidit. “A similitudine,
„quae inter ficus Indiae vulgo dictae, et qua-
„rundam huius generis specierum fructus in-
„tercedit, Ficoidis nomen primus imposuit
„P. Hermannus in horti Lugdun. Batav. cata-
„logo, cui non tantum nomen, sed et multa-
„rum

,,rum huius generis specierum notitiam debe-
,,mus. Non longe post Jac. Breynius in *Pro-
,,dromo Alt.* p. 67. *mesembrianthemum* intro-
,,duxit nomen, postquam hoc genus plantas
,,in *Centur. rar. plant.* *Chrysanthema aizoidea*,
,,in *prodromo primo* vero *Chrysanthemo simi-*
,,les vocasset. Notat enim in dicto prodromo,
,,plantas esse heteroclitas, kali florido repenti
,,aizoidi Neapolitanō Col. P. 2. [Linn. *Me-*
,,*sembr. nodiflor.*] cognatas, quae nullam,
,,praeter floris aliquam similitudinem, cum
,,*chrysanthemis* affinitatem habeant. Itaque in
,,*prodromo secundo* audacius fecit, et novo
,,generi, cuius notas dat, novum tribuit no-
,,men, *mesembrianthemi* videlicet, seu floris
,,*meridiani*, quoniam, vt ipse loquitur, ple-
,,rarumque huius generis specierum flores,
,,medio die sole illustrato, sese aperire obser-
,,vantur. — — At Dillenius ipse nisi nomen,
,,tamen significatum mutavit. Evidem, in-
,,quit, in vno *mesembrianthemi* genere ac-
,,quiesco, scribendo id per y, vt alias sensus
,,et derivatio emergat. Flos nempe, cui
,,embryo est in medio; quod licet innumeris
,,aliis plantis contingat, non tamen id eodem
,,modo, ac in hoc genere fit, vt nempe flos
,,non tam inhaereat summo fructui, quam ab
,,ipsius capite seu parte superiore arcte perfo-
,,retur, et tamen tenaciter medio *embryoni*
,,(quod ad eius augmentum ex vasculi circulo
,,vel annuli iuxta calycem vestigio appareat)
,,circumnascatur, vt absque laceratione in ple-
,,risque

„risque speciebus avelli nequeat.” Hactenus Dillenius, cuius ex sententia nomen compostum est ex μέσος, medius, et ἐμβέρον. Linnaeus quidem de hac nominis fabricatione haec: “nomen mesembryanthemi e tribus ver- „bis confectum, et sere sesquipedale retineo, „cum quodammodo excusari queat, cumque „synonyma meliora non prostant. Ignota „fuit prorsus haec familia veteribus Graecis, „Romanis et Arabibus; nec recentiori aeo „prodiit ante Hermanni et Breynii tempora; „iam vero in omni horto tam vulgata, ut vix „horti nomen mereatur, qui non mesembryan- „thema alat.” *Hort. Cliffort.* p. 221.

MESPILUS, i. F. μέσπιλον et μεσπίλη, cuius de cura conf. Pallad. qui lib. 14, 106. pen. corripit: *Messilus admisso germine tuta subit.*

METOPIUM (Rhus) Plinio est olei genus ex amaris amygdalis.

MEZEREUM (Daphne). Ruellius p. 656: “offici- „nae, quae barbarorum vocabulis sunt addictas „mezereon, quasi lethalem malunt nominare, „siquidem folia amara, gustata linguam acriter „mordent, faucesque ac guttur vellicatu la- „cessunt.”

MICROCO. Credendum est Linnaeo *phil. bot.* p. 187. coagmentatum esse nomen ex μικρὸς, parvus, et κόκκος, granum; quod si est, debuit dici micrococcus, quem ad modum dicitur tricoccus, i.

MICROPUS, ex μικρὸς et πόδης, pes, Linnaeo auctore phil. bot. 180. micropodis. Omnes casus corripiuntur, sicut coronopus.

MILLEFOLIUM (Achillaea), nomen antiquum. Plin. 24, 16. μυρεῖόφυλλον. Q. Serenus 101: *Herbaque cum sevo foliis de mille vocata.*

MIMOSA. Nomen iam ante Linnaeum in usu fuit, a mimo, inquit Tournef. cuius motus imitari videtur herba. Producitur.

MIMULUS, i. Plinio 18, 28. p. 136. herba est mimulus dicta, cuius alibi nulla mentio. Linnaeus quidem non dubitavit derivare a mimus.

MIMUSOPS. Phil. bot. p. 178. derivatur a μίμω, oos, simia, et ὄψις, adspectus, facies. Recens nomen.

MIRABILIS. Etsi adiectivum est, tamen non ausus est Linnaeus mutare nomen, propter antiquam auctoritatem, et quia planta re vera mirabilis est, cum nux fiat ex nectario indurato.

MITELLA, a fructus forma, quae mitram exiguum seu pileum episcopalem aemulatur.

TOURNEF.

MITRA (Helvella), ae. vocabulum barbarum, sed antiquum, quo capitis ornamentum aut pileus significatur.

MNIUM. Graecis μύλον, οὐ, muscus s. alga est, quod nomen primus Dillenius botanicae intulit.

MOL.

MOLLUGO. produc. sed molluginis, corripit.

Plin. 20, 10.

MOLUCELLA. Linnaeus molluccae, quod nomen iam diu habuerat herba ex insulis Mollucis allata, deminutivum sua sponte substituit.

MOLY (Allium), molyos. N. Plin. 25, 4. Conf. Vossii *etymol.*

MOMORDICA, nomen medii aevi, ex praeterito verbi *mordeo* factum, a seminibus quasi masticatis, Linnaeo teste *philos. bot.* p. 169. Pen. corripit, sicut rusticus, mordicus.

MONORCHIS, is. F. Orchis quidem Plinio herba est, monorchis autem nulli veterum dicta est. In *Hippiatricis* sunt μονόρχεις ἵππος, equi, qui unicum tantum habent testiculum.

MONOTROPA. Nomen a Linnaeo impositum. μονότροπος, solitarius, caelebs. Pen. corrip.

MORGANA (Zygophyllum), quo de nomine nihil exploratum habeo, nisi quod refert Pluken. esse herbam *morgani* Syrorum.

MORAEA. Nomen traxit a Joh. Moraeo, assessor, medicinae apud Fahlunenses in Suecia doctore, qui, ni fallor, affinitate coniunctus erat cum Linnaeo, qui nomen primus botanicae intulit. Conf. Thunbergii diss. *de Moraea*. Falso itaque perhibuit vener. Böhmer, esse nomen Roberti More, Angli, qui Lusitaniam peragravit plantasque conquisivit, sed edidit nihil.

MORIO (Orchis), morio, onis; pen. producta.

Plinio 21, 31. herba soporifera.

MOSCHATA nux, quae aliis *muscata*, μοσχοκάρην. “Nomen ei ab odore, qui tantillum ad „moschi similitudinem accedit. Primi vocis „natales, quantum constat, ab Aëtio deducti „sunt, cui μοσχατæ placuit in suffimento „odorifero. Quod ad penult. in Graecis parum „praefidii est, cum alia in ατος, η, penult. „corripiant, vt δυνατος, εμβατος, ελατος, „περατος; alia producant, vt θεατος, ορε- „τος, αρατος, cet. tutius ad analogiam La- „tinorum pen. producimus, vt consulatus, se- „natus, auratus, cet.” Haec BORRICH. Inde *Adoxa moschatellina*, cuius pen. corripienda.

MOSCHEUTOS (Hibiscus). Plin. 21, 4. moscheu-
ton, μοσχευτὸν, rosae genus est, a suavitate
odoris nomen habens.

MUCEDO, inis (Mucor). Latinis narium pituita,
aliis muccedo. Nominatiyus producit penult.
quam casus obliqui corripiunt.

MUCOR, oris. M. lanugo, quae situ diutino con-
trahitur. Pen. producit, vt amoris, honoris.

MURINUM (Hordeum). Pen. producendam esse,
vix est, quod moneam.

MUSCARI (Hyacinthus). Appellatur *Muscari*, vel
Muschoromi aut *Muscurimi*, ob insigneum odoris
suavitatem, qui ad eorum pastillorum fragran-
tiam, quos ex benjuin aliisque odoratis parare
solent, quodammodo accedere videtur; ean-
dem

dein ob caussam nonnulli etiam *Muschio grecō* vocant. Haec Clusius *plant. rar.* p. 179.

MUTELLINA (Phellandrium), ita dicitur vulgo in Alpibus, nomine sc. a Nutri, vel Muttern dicto, Gesnero teste in hortis German. Sunt qui mutrinam nominent. Haec Bauhin. *hist. plant.* 3, 2. p. 66. Pen. corripiatur.

MYAGRUM. Plinio 27, 12, myagros, *μύαγρος*, est herba praetervolantes muscas capiens; ex *μῦς*, mus, et *ἄγρεα*, captura.

MYGINDA. Jaquin. *Stirp. americ. histor.* p. 18: "Nominavi hunc fruticem in honorem Francisci a Mygind, consiliarii aulici, rei herbariae peritissimi, et horti botanici Viennensis auctoris egregii."

MYOSOTIS, is, f. myosoton, f. myosota, ae, *μυός ὄτις*, i. e. muris auricula. Plin. 27, 4.

MYOSURUS, pen. produc. i. e. muris cauda, ex *μῦς*, mus, et *οὐρά*, cauda. Vox auctioritate caret.

MYRICA; medianam producit Virg. *ecl.* 4, 2: *Non omnes arbusta iuvant, humilesque myricae.* Q. Serenus 412: *Sive myrica potens, seu ros cum pane marinus.*

MYRISTICA, pen. corr. *μυριστίκης*, odorus. *μυρίστης*, vnguentum.

MYROBALANUS, ex *μύρης*, vnguentum, et *βαλάνος*, glans. Pen. corripit. Martial. 14, 157. *Quod nec Virgilius, nec carmine dixit Homerus, Hoc ex vnguento constat, et ex balano.*

MYRRHA, ae. F. non myrra, non sine adspiratione; est enim ex Aeolico μύρρα pro σμύρνη. Myrrhis, idis. F. penult. corripit.

MYRSINITES, ae. (Euphrasia). M. pen. producit. Iam Plinio 26, 8. tithymali genus.

MYRTUS, i. et us. F. De origine nominis conf. Vossii *etymol.*

MYSTAX (Hugonia) est Graecorum μύσταξ, ακος, barba superioris labri, circa utrumque labrum proveniens, quod nomen autores medii aevi latinum fecerunt. Ut μάσταξ, ακος apud Homerum & corruptum habet, ita etiam mystacis penult. corripere debemus. Conf. *lexic. Martinii.*

MYXA, ae. (Cordia) veteribus erat mucus et prunorum species, quibus ex lentore mucoso nomen inditum videtur. Hodie *Sebesten* dicuntur officinis. Operae pretium est legere, quae Martinius in *lex. de myxa* habet, quae maxima ex parte excerpta sunt ex Gorraei *definit. medic.* p. 413.

NAIAS, naiadis, pen. corr. Graecis Nympha fontium ac fluminum, Linnaeo herba in mari crescens.

NAMA. Graecis est νῆμα, ατος, scaturigo, limpha, sed haud scio, an inde sit nomen herbae.

NAPAEA et napea, ae, fontium ac silvarum Nympha, cuius nomen huic generi Linnaeus indidit, Pen. produc. Virg. georg. 4, 335: *Tende petens pacem et faciles venerare Napeas.*

NAPECA (Rhamnus), nomen ex Oriente traductum. Prosp. Alpino p. 10 et 164. Nabca; Bellonio itiner. I, 44. p. 44. Napeca vel oenoplia. Conf. Bauh. pin. p. 477. Bauh. hist. plant. I, 2. p. 39.

NAPELLUS (Aconitum), sic vocatur a figura napi in radice apparentis, Martinio consentiente in *Lex. phil.* Sine auctoritate veterum.

NARCISSUS. De juvene in hunc florem mutato Ovid. met. 3, fab. 6.

NARDUS, i. F. et Nardum. N. νάρδος. Conf. Martin. lex.

NARTHECIUM (Anthericum), ναρθέκιον, repositiorum medicamentorum.

NASTURTIUM (Sisymbrium) herba a naribus torquendis, Varrone auctore, dicta apud Nonium I, 4. Plin. 19, 8.

NEGUNDO (Acer et Vitex). Nomen Indicum, quod Acosta evulgavit. Conf. Bauh. hist. plant. I. p. 184. Imperati hist. nat. p. 893.

NELUMBO (Nymphaea), nomen Ceylanicum esse opinor.

NEPENTHES, is. N. νηπενθής, a πένθος, luctu, dictum medicamentum Homericum, oblivionem tristitiae afferens, utique mortalibus omnibus

bus propinandum, vt Plinii 25, 2. verbis utamur. De hoc medicamento frequentia est eorum, qui disputatione. Conf. Neues Preussches Magazin 2. p. 271, vbi etiam icon huius plantae. De nomine adscribere iuvat verba Linnaei *hort. Cliff.* p. 431: "Assunsi synonymon Breynii, cuin enim, si haec non Helenae nepenthes, certe Botanicis omnibus erit. Quis Botanicorum longissimo itinere profectus, si mirabilem hanc plantam reperiret, non admiratione reperetur, totus attonitus, praeteritorum malorum oblitus, mirificam creatoris manum dum obstupescens adspiceret?"

NEPETA, ae. penult. corr. Q. Serenus versu 653. p. 317: *Aut molles nepetae, aut rutae, quaecunque bibentur.*

NEPHELIUM, est herbae nomen apud Apulei. *de herbis.* c. 36.

NERIUM, iam Plinio 24, 11. dictum.

NEURADA, deducitur *phil. bot.* p. 183. a νευρα, nervus. Pen. corripiendam puto.

NIGELLA, eadem veteribus, quae melanthium. Nigellus, a, um. Apul. 75: *herba floribus nigellis.* Liceat data occasione ad nomen Germanicum explicandum, quod facere possit, addere. Dicitur nostratis Jungfer s. Braut in Haaren, atque facile cuique intelligitur, nomen esse deductum ab involucro folioso, quo flores eleganter cincti sunt. Sed iam Longobardis

gobardis vocabantur virgines *in capillo* seu *in capillis* filiae innuptae, atque hocce nomen herbae inditum esse videtur, de quo conf. Giannone bürgerliche Geschichtte des Kdnigr. Neapel. I. pag. 393. et p. 489.

NITRARIA, Latinis locus est, vbi nitrum inventur. Est iis autem nitrum, noster sal alcalinus mineralis. Nitrum nostrum recentioris inventionis est.

NOLANA, videtur cognominata a *nola*, i. e. tintinnabulo, quod corolla sit campanulata. Producitur.

NOSTOC (*Tremella*). A Paracelso hoc nomen nostra ex lingua evulgatum, vulgo refertur. Evidem originem nominis conjectura non adsequor. Hodie autem satis constat, non esse Tremellam, neque meteorum, quod vulgo stella cadens dicitur, sed intestina ranarum, quae anseres mandendo comminuerunt et evomuerunt, quod recte iam edocuit Merrett in *pinace rer. natur. Britan.* p. m. 219. atque nuper comprobavit Persoon in *Voiges neuem Magazin für Naturkunde.* I, 2. S 56. Qui veteres de hac re sententias requirit, legat Geoffroy *Fortsekung der Mater. med.* 4. p. 72. et von Hohberg *georgica curiosa* 2, 2. p. 36.

NUGA (*Guilandina*). Huius arboris fructus in India vulgo vocantur nugae silvarum. Inde Linnaeus nomen deduxit, etsi Latinis nomen numero defectivum sit, nec singulare repetriatur.

NYCTANTHES. νύξ, nox. Lin. *hort. Cliff.* p. 5:
“Species huius generis omnes flores suos stel-
lae instar radiantes circa vesperam expan-
sunt, per noctem albi nitent, suaveolentissi-
moque odore superbiunt, mox autem oriente
sole ornamenta haec gratissima deponunt,
deiciunt, eoque terram adspergunt, unde
apud peregrinatores nomine arborum tristium
veniunt. Nos nyctanthen seu noctis florem
diximus.”

NYCTELEA (Ellisia). Nyctelius, a, um, quod
ad Bacchum pertinet, bacchicus, a, um.
Nyctelia, orum, erant Bacchi sacra nocturna,
a νύξ et τελεῖν, quod noctu perficiebantur.
Quid autem herba habeat communem cum
Baccho, nondum mihi exploratum est.

NYMPHAEA. Iam Plinio nomen herbae nascentis
in paludibus et lacubus.

NYSSA. Linnaeo dicta a Nyssa, Nympha, quia
sit herba aquatica. At Nympha, quam cogi-
tavit, non Nyssa, sed *Nysa* scribitur. Videsis
Hygini fab. 182. p. 301.

OBOLARIA. Ita dicta, inquit *H. Cliff.* p. 323.
ob convenientiam foliorum cum figura obolo-
rum, praesertim Ruthenicorum.

OCHNA, ae. ὄχνη Graecis est pyrum silvestre.

OCHRUS, i. ὠχρέος Theophrasto legumen, Latini
ervilia.

Ocy-

OXYMUM. Rectius ocimum, nam graece ὄκιμον.

Pen. corr. Q. Seren. 441: *Ocimum praeterea, bulbive linuntur amari.*

ODONTITES, is. (Euphrasia), herba, quae dentium dolori medetur Plin. 27, 12. ὁδούς, ὁδόντος, dens. Pen. produc.

OENANTHE, es. apud Theophr. et Plinium. οἶνος, vinum, ἀνθος, flos; quod floreat cum vite, vel quod flos odore et colore florem vitis aemuletur. TOURNEF.

OENOPLIA (Rhamnus). Priorem nominis partem quilibet agnoscit, οἶνος, vinum; posteriorem equidem extricare nequeo. Num ortum ex Oenopia, quod radicis nomen fuisse dicitur Calepino? οἰνωπὸς, η, ον, qui vinei coloris est, qui οἴνου ὥπα habet. Oenopia legitur iam apud Bellonium.

OENOTHERA. Plinio oenotheras. οἰνοθήρας, q. d. vini venator. θήρα, venatio.

OLAX. ὠλαξ, αξος, sulcus. Casus obliqui corriuntur, vti mystacis. Caussa nominis mihi nondum cognita.

OLEANDER, i. (Nerium). Nomen hybridum ab Anguillara profectum.

OLIBANUM officinarum, seu thus. Dioscor. λίβανος. Sic dicitur Isidoro 17, 8. a Libano monte, vbi copiose legitur, quamquam de origine vocis alia mens sit Vossio in *etymol.* Quidquid horum fuerit, Ausonius *Idyll.* 5, 98. eo respexit: *Florum spirat odor, Libani seu montis*

montis honor, thus. Penult. autem corripit, non solum ob hunc Ausonii locum, sed ob Graeci quoque poetae auctoritatem apud Athen.

3, 11. BORRICH.

OLUSATRUM (Smyrnium) pen. longa. Ideo dicitur, quod folia habeat subnigra; ideo Columella 10, 123. *pullum olus* appellat. Quidam separatim scribunt *olus atrum*. Sed compositum esse indicat Scribon. 195. *Olusatri radix*, quo Genitivo etiam utitur Plinius. Sed *oleris atris* Columella.

OLYRA, ὄλυρα. Dioscoridi ac Plin. frumenti genus. Media corripitur, Gesnero teste in Lexicis, attamen a Grammaticis ὄλυρα nominatum refertur ad exempla, in quibus u ante ο, contra regulam, producitur. Conf. E. Sidelmanni *prosodia Graecorum* p. 1023, quae adiuncta est Dinneri *epithetorum graecorum farragini*. ed. 1614. 8.

OMPHALEA, ae. Ut evitaret Brownii nomen Omphalandria, hoc fecit Linnaeus, quod Omphales, reginae Lyiae, cui Hercules serviit, herbam denotare videtur. Sed est herba quaedam dicta Dioscoridi ὄμφαλόναρπος, ab ὄμφαλος, quasi fructum umbilicatum ferens. Potest fieri, ut eo etiam respiciat nomen Linnaeanum.

OMPHALODES (Cynoglossum). ὄμφαλόδης est umbilicaris, cuius pen. produc. Nomen iam olim anatomicis consueum, non botanicis, nuper dederunt herbae, cuius capsulae, inquit Tournef., umbilicatae sunt.

ONO-

ONOBRYCHIS, is. (Hedysarum et Astragalus).

ονοβρύχις, pen. corr. ὄνος; asinus, Βρύχη, ruditus, a Βρύχω, mugio. Antiquum herbae nomen.

ONOCLEA, ae. ὀνόκλεια Dioscor. 4, 25. pen. produc. ὄνος, asinus, κλεῖος, gloria.

ONONIS, idis, accus. ononida. ὄνωνις, herba quae et αὐτῶνις dicitur Dioscoridi; quod asinos, ὄνους, sese terentes ad illum scabentesque iuvet; complures quoque sic appellari herbam tradiderunt, quod in ea sese volutantes, spinis eius dorsum libenter affricent et scabant. Haec Ruellius p. 84. ex Phocione. *O* medium producitur, sed casus obliqui corripiunt penultimam.

ONOPORDUM, i. ex ὄνος, asinus, et πέρδω, pedo, quasi crepus asini. Plin. 27, 12: *onopordum si comedent asini, crepus reddere dicuntur.*

ONOSMA, atis. Pen. corrip. ab ὄνου ὄσμῃ dicta, i. e. ab asini odore. Plin. 26, 11.

OPHIOPXYLON. Ex ὄφις, serpens, ξύλον, lignum. Scilicet valet contra ictus serpentium. Nomen novum.

OPHIOGLOSSUM. ὄφιογλωσσον, herba a lingua serpentina appellata, sed recentioribus.

OPHIORRHIZA, novum nomen ex ὄφις, serpens, et ρίζαι, radix. Pen. producitur, sicut glycyrrhiza.

OPHRYS, ydis. F. pen. corrip. Plin. 26, 15.

OPO PANAX (*Pastinaca*), opopanaxis. Vbi que pen. corrip., quia prima panacis corripitur. Lucret. 4: *Exspirant acrem panaces, absinthia tetra.* Ὀποπάναξ ex ὄπος, succus, et πάναξ, ideoque succus panacis. Nomen antiquum.

OPULUS, i. media corrip. De arbore conf. Columella.

OPUNTIA (*Cactus*). Circa Opuntēm Boeotiae opidum herbulam nasci, scribit Theophr. hist. 1, 12. quae ex foliis radicem dimitat. Inde que recentiores Opuntiae nomen huic speciei dederunt. TOURNEF.

ORCHIS, is, orchem, orche, orches, orchium. Itaque minus recte quidam: orchides, orchidum. ὄρχις, ὄρχεως, testiculus. Plin. 26, 10. p. 405: *herba gemina radice, testiculis simili.*

ORELLANA (*Bixa*), produc. sed de huius nominis origine videsis quae a nobis disputata sunt in Waarenkunde 1. p. 213.

ORESELINUM (*Athamanta*), penult. produc. Plin. 19, 8. et 20, 11. ὄρεοσέλινον Dioscor. 3, 69. ὄρος, mons, collis. σέλινον, apium.

ORIGANUM, pen. corrip. ὄρειγανον. Q. Sereno 909. scribitur origanus herba: *Cumque hoc absumi debebit origanus herba.*

ORNITHOGALUM pen. corrip. ὄρνιθος, avis, γάλα, lac, ergo lac avium, propter lacteum colorim, qui in flore nitet, similem ei, qui in alis

alis aut ovis gallinarum observatur. Bauh.
pin. p. 69.

ORNUS, i. F. Virg. georg. 2, 111: *Nascuntur;
steriles saxosis montibus orni.*

OROBANCHE, es. F. ervi angina, herba strangu-
lans et enecans ervum et legumina. Plin. pas-
sim. ὄροβος, ervum, ἄγκω, strangulo.

OROBUS, i. ὄροβος. Corripit penultimam. Dio-
scor. 2, 100.

ORONTIUM. Auctores antiquiores solent nomi-
nare orontium Archigenis, (de quo Haller.
bibl. bot. 1. p. 102), quasi aurantium, quod
aurigineum morbum levet. Est vero aurigo
morbus regius a colore auri dicta, quem bilis
per totum corpus diffusa repreäsentat. Conf.
Bauh. pin. p. 212.

ORVALA (Lamium) ex Gallorum *orvale*, cuius
originem inquirant alii.

ORYZA, ae. ὄρυζα, mediam producit. Horat.
sat. 2, 3, 155: *Tu cessas? age dum, sume
hoc ptisanarium oryzae.*

OSMITES, ae, ὄσμιτης, cuius mentio est apud
Apulej. de herbis c. 90. pen. produc.

OSMUNDA, ae. Sine controversia est antiquissi-
mum nomen Germanicum, quod olim saepius,
quam nostro aevo, nomen fuit virorum, Os-
mundus, compositum ex Mund, i. e. vir for-
tis f. protector, patronus, quod superest in
Sigismund, *Cunimund*, *Faramund*; atque ex
Os, i. e. Haus, domus, domicilium, vnde
Osbrand,

Osbrand, Oswald, Oswin, cet. Conf. Wiarda
über deutsche Vornamen und Geschlechtsnamen.
Berlin 1800. 8. p. 44 et 55. Non filicem
tantum, sed etiam viciam sepium Osmundam
dictam esse, constat; vicia quidem Chabraeo
p. 147. temere dicitur *os mundi*. Denique no-
tatu dignum est, plura nomina propria Ger-
manorum herbis imposita esse, quo modo
chenopodii species dicitur *bonus Henricus*, quae
nostratis est *guter Heinrich*. Nec Houttuyn
audiam, qui herbam ita dictam ait, quod os
purget, quasi dicas *os-munda*.

OSSIFRAGUM (*Anthericum*) corripit penultimam,
sicut *Saxifraga*. Lucret. 5, 1078: *Accipitres*
atque ossifragae, mergique marinis.

OSTEOSPERMUM. Nomen recens ex σπέρμα,
semen, et ὄσεον, ov, ossis.

OSTRUTHIUM (*Imperatoria*). Etiam hocce no-
men vere Germanicum esse existimo, ex Os
et Trud, i. e. dilectus s. fidelis, compositum,
vnde habemus Truda, Drotte, Trotwin, Ger-
drut, cet. Optime itaque convenit id nomen
in herbam, cuius vires veteres tantopere iacta-
runt. Conf. quae annotavimus modo ad v.
Osmunda, et quem ibi laudavimus, Wiarda
p. 51. Antiquiores scripserunt nomen sine
adspiratione.

OSTRYA (*Carpinus*), arbor Plin. 13, 21.
Theophr. ὄσρες.

OSYRIS,

OSYRIS, is. F. herba Plin. 27, 12. s. 88. Diocoridi 4, 143. p. 294. ὄσυρις, ὄσύριδος. Sed Aegyptiorum deus ὄσιρις. Huius quidem nomen producitur a poetis. Tibullus 1, 8, 29: *Primus aratra manu solerti fecit Osiris.* Alioquin pen. corripienda videatur, cum et ο et υ ante ε raro producantur.

OTHONNA, ae. In *phil. bot.* p. 181. deducitur ab ὄθόνη, linteum, atqui in *Crit. bot.* p. 58. refertur ad vocabula, quae herbae cum lapidis communia habent. At utrumque falso. Namque ὄθόννα iam Graecis ac Latinis fuit herbae nomen.

OTITES (Cucubalus et Polypodium), ὠτίτης, auricularis. Auctoritate veterum botanicorum caret.

OXALIS, idis. F. Media corripitur. Nomen iam apud Plinium legitur lib. 20, 21. quod recentiores botanici: Royen, Gronovius, Burmannus, Linnaeus isti plantarum generi tribuerunt, quod veteres: Rarius, Clusius aliquique *Oxys.* yos appellant, quod quidem nomen ab ὄξεις, acidus, etiam Plinio 27, 12, usitatum est.

OXYACANTHA (Crataegus), ὄξυακάνθας. ὄξεις, εῖαι, ύ, acutus. ἀκάνθα, spina. Diosc. I, 122. p. 62.

OXYCEDRUS (Juniperus), cedrus acuta. Plin. 13, 5.

OXYCOCROS (Vaccinium), ὄξεις, acutus. κόκκος, granum. Caret auctoritate veterum.

PADUS, i. πάδος, cuius solus Theophr. p. 284. meminit. Alia arbor est padus Plinii 3, 16. cuius nomen dicitur Gallicum, ubi quidam *pades* legunt.

PAEDERIA. Id nomen Linnaeus deduxit a pae-
dore, quem redolet.

PAEDEROTA. Paederos, παιδερώς. pen. corrip.
Plin. 22, 22. Apulej. c. 104. Paederotis vero,
παιδερώτος, producenda erit, sicut etiam paede-
rota, quod nomen aliqui libri veteres habent.
Hoc substituit Linnaeus nomini *Bonarotae*,
quod obtulerat Micheli. Conf. Böhmer p. 54.
Mutationis caussam, quam desideravit Scopoli
flora Carniol. ed. 2. p. 22. edocuit Lin. iam in
Crit. botan. p. 70 et 72.

PALIURUS (Rhamnus), παλιούρος, Virg. eclog.
5, 39: *Carduus et spinis surgit paliurus acutis.*

PANACES, is. N. (Heraclium). πάνακες, pen.
correpta. Dicitur Dioscoridi aliisque *panax*. F.
panacis, pen. correpta, vel *panacea*. ae, πά-
νακεῖαι, pen. longa, dicta ἐπὸ τοῦ πάντα
ἀκεῖν, quod omnia sanet. Virg. aen. 12, 419:
Ambrosiae succos et odoriferam panaceam.

PANCRATIUM, παγκράτιον, athletici certaminis
genus, a νίκητέω, vinco, et πᾶν, omne,
quod advocatis omnibus corporis viribus,
omniuinque nervorum contentione transfigitur.
Sed est etiam nomen herbae Plin. 20, 8. Apul.
c. 42. Dioscor. 2, 168.

PANICUM, i. medium corripit. Plin. 18, 7: *panicum a paniculis dictum, cacumine languido nutante.*

PAPAVER, medium producit, sed casus obliqui corripiunt penultimam. Virg. georg. 1, 212: *Nec non et lini segetem et cereale papaver.* ibid. 1, 78: *Vrunt Lethaeo perfusa papavera somno.* Q. Serenus 274: *Attico melli iungas agreste papaver.*

PAPAYA (Carica), nomen Indicum.

PAPYRUS, i. F. et papyrus. N. pen. producitur. Recte per y; graece enim est πάπυρος.

PARAGUA (Cassine). Nomen patria dedit, quae vulgo Paraguay.

PARALIAS (Euphorbia), παράλιος iam Diosc. ac Plinio species tithymali. Male hodie scribitur paralias, cum sit paralius vel paralios.

PARDALIANCHES, is, N. (Doronicum). πάρδαλης, pardalis, panthera. ἀγχώ, strangulo, neco, fauces constringo. Plin. 8, 27. p. 454: *Pantheras perfricata carnē aconito (venenum id est) Barbari venantur. Occupat illico fauces earum angor, quare pardalianches id venenum appellavere quidam.* Confer. Schneider ad Nicandri alexiphar. p. 91. et quae ipsi disputavimus de isto veneno ad Aristot. auscult. mirab. p. 24. Liceat occasione hinc sumta annotare, pantheram, animal carnivorum, non edere herbas, quam ob rem veneno aliquid admisceendum erat, quod bestiam decipere possit.

Atque haec videtur cauſſa, quare Aristotele auctore, lanam aconiti ſuceo imbutam pantherae obiecerint veteres, vel carnem perfri-
catam aconito.

PARIETARIA, herba iam Apulejo cap. 81. dicta a parietibūs, in quibus nascitur. Constantinus Traianum herbam parietariam, ob titulos multos aedibus adscriptos appellare solitus erat, Aurel. Vict. auctore, epit. 41, 13. Ammian. Marcell. lib. 27, 3. p. m. 370.

PARIS. Sunt, qui plantam nominent *herbam paris*, vt sit paris casus genitivus, quasi tu di-
cas, plantam, in qua omnes partes binae sint,
aut cuius pars quaelibet patem habeat, sed
sunt etiam, qui *herbam Paridis* dicant, quasi
nomen traxerit a Paride, Priami filio. Quod si
verum est, debemus dicere: *paris*, *paridis*,
in accus. *parim* s. *parin* s. *parida*, in ablat.
paride, ſemper penultima correpta. Atque
tunc nomen est masculinum, neque recte dici-
tur: *Paris quadrifolia*. Vt cunque ſe res habet,
recens est nomen botanicum, ſine auctoritate
veterum.

PARNASSIA, a monte Parnasso, in quo Diosco-
ride 4, 32. teste, graminis species nascitur,
quae gramen Parnassi vocatur. TOURNEF.

PARONYCHIA, ae. (Illecebrum), herba parony-
chias fanans, Diosc. 4, 52. παρωνυχία.
Penultiām producere vult Gesnerus in lexicō
Fabri, quam tamen ipſe corripuit in Thesauro
Stephani.

PARTHENIUM (Matricaria). Nomen a Minerva,
conf. Plin. 22, 17. et Diosc. 3, 141.

PASPALUM. *πασπάλος* est Hippocrati milii genus, quod apud Suidam *πασπάλη* vocatur; sed qui nomen generis neutrius fecerit, inter veteres reperio neminem. Conf. Foes. *oecon. Hippocr.* p. 489. A. Media corrip. cum & ante λ brevis esse solet,

PASSERINA. In *philos. bot.* p. 169. herba sic dicta videtur a figura seminis, quam similitudinem non agnosco. Haud dubie herba ita nominata est a Trago et ei aequalibus, quod passerculi semina depascantur. Conf. Lobelii *advers.* p. 358. Sed recentiores herbam memoriae Valent. Passerini consecrarunt, de quo conf. Böhmer p. 161. Pen. producitur,

PASSIFLORA. Rationem nominis satis pervulgata legas in Lin. *amoen. acad.* 1. p. 248. Pen. produc. sicut in vniiflora, biflora atque ceteris compositis ex flos et flora.

PASTINACA, ae. Pen. produc. vt portulaca. Macer. 28, 1: *Et pastinaceae virtus in semine tanta.* De herba veteribus sic dicta egimus in *Histor. invent.* 5. p. 138.

PATAGONULA, ae. a patria Patagonia dicta. Pen. corrip.

PATIENTIA (Rumex), Gallorum *patience*.

PAVETTA, nomen cum herba ex India venit.

PAVIA (Aesculus), a Boerhavio dicta in memoria Petri Paw, prof. Lugdun. Conf. Böhmer p. 162.

PECTIS, idis. F. herba Apulejo *de h.* cap. 59. Pen. corrip.

PEDALIUM est nomen herbae apud Apulej. cap. 18, quod, cum a pede deductum videtur, indidit Linnaeus herbae, cuius nuces tetragone, angulis quatuor versus basin spinosis, similes sunt illis muricibus ferreis, quos in terram defodiunt milites, ut arceant hostes. Atque in Ceilonia, vbi plerique incedunt pedibus nudis, nuces istas eodem modo agris ac hortis circumsperguntur, ut iis fures arceantur.

PEDICULARIS. Nomen, quo iam Columella usus est, herbae inditum existimat Dodon. *pempt.* p. 556, quoniam pecori ac iumentis, quae ea pascuntur, pedicularum copiam gignat; Lobelius *advers.* p. 228. quod pediculos enecet; Raius vero *hist.* p. 769. quod eius folia rugas habeant pediculis similes. TOURNEF.

PEGANUM, medium corripit. *πήγανον* Graecis est, quae Latinis ruta, de qua planta veterum disputavimus in annotat, ad Antigoni Carystii *histor. mirab.* cap. 41. p. 69. Quae a Linnaeo peganum dicitur, est rutae graveolenti quam simillima.

PELEGINUS (Biserrula). Pelecinum, non pelecinus, olim erat herba inter triticum et vi-

cias

cias nascens. Penultimam produco auctoritate
Gesneri.

PELORIA. Insignem hanc varietatem Linariae pu-
tavit Linnaeus anno 1744, esse speciem ab
aliis prorsus diversam, tunc demum primum
enatam. Conf. *amoenit. acad.* I. p. 280. et
philos. botan. p. 99. Posteaquam vero cogno-
verat, istam herbam non ferre semina, op-
natus est, esse eam plantam hybridam. Conf.
Species plant. ed. secundae p. 859. At nec
hybridam esse, sed varietatem tantum, hodie
inter omnes constat, neque Peloria a natura
linariae longius recedit, quam aquileia necta-
riis corniculatis carens, ab affinitate sui gene-
ris. Conf. Krascheninnikow *florà Ingrica*
p. 99. Fabricii *hortus Helmstadiensis* ed. sec.
1763. *Histoire naturelle des fraisiers par Du*
Chesne. Paris 1766. 8. *Memoires de l'acade-*
mie à Paris; année 1769. p. 31. Neque Lin-
naeus, quo tempore mihi contingebat eius fa-
miliaritate frui, non sciebat sese errasse. Erat
ei iam tunc memoria peloriae adeo molesta,
ut sedulo caverem, ne eius recordatione senem
venerabilem offenderem.

PELTARIA, sic dicta a Jacquin, qui primus hoc
genus finivit, ob formam silicularum membra-
nacearum.

PENTAGONIA. (*Campanula*), i. e. quinque angu-
los habens.

PENTAPETES, ae. *πεντάπετες*, cuius herbae mentio apud Plinium et Apulejum; i. e. quinquesfolium, Pen. corrip.

PENTHORUM. In *philos. bot.* p. 175. refertur nomen ad Graeca obscura, sed Graeci herbam quandam nominarunt *πεντόζοβον*, a *πέντε*, quinque, et *ζόβος*, ervum. Idcirco dicenda esset herba *pentorobum*, pen. correpta, sine inspiratione, quo nomine usus est Plinius.

PENTSTEMON (Chelone). Profiteor, me nondum conjectura perspicere nominis rationem. Num *πεντάσομος*, quinque ora habens?

PEPLIS, idis, et peplus, i. et peplion, nomina herbarium, quae iam leguntur apud Plinium.

PEPO, peponis (Cucurbita) pen. corr. Conf. Melopepo,

PERDICUM. Plin. 21, 27: *herbae*, inquit, *nomen dedit avis, id maxime eruens*.

PERGULARIA. Num a pergula dicta? quae est in vineis topiarium opus. Sic Colum. 3, 2, 28. *pergulana vitis*, quae pergulis adiungitur ac sustinetur.

PERICLYMENUM (Lonicera), *περικλύμενον*. Plin. 27, 12, pen. corripitur auctoritate Nicandri *theriac.* v, 510.

PERIPLOCA. Penultima corripitur. Dicitur, inquit Tournefort. p. 93, a *περὶ*, circa, et *πλοκὴ*, nexus, quasi diceres plantam scandentem et ad plantas vicinas se alliganteim. Περιπλοκάδα legitur iam apud Manuel. Moschopulum

lum in Lexico Philostrati. Conf. Du Cange
gloss. graecit. p. 1154.

PERSEA (Laurus), περσέα, arbor Aegyptiaca,
cuius de discrimine et confusione et persicae
arboris, vid. Salmas. ad Solin, et *homonym.*
cap. 68.

PERSICARIA (Polygonum) a similitudine folio-
rum persicae. Nomen ex medio aevo.

PETALUM, i. πέταλον, folium. Pen. corr.

PETASITES (Tussilago), πετασίτης Diosc. 4,
108. pen, produc.

PETROSELINUM (Apium). Plin. 20, 12. pen.
produc. nam media σελίνου producitur ab Ho-
mero et Nicandro *alexiphar.* v. 603.

PEUCEDANUM, πευκέδανον, pen, corr. Lucan. 9.
v. 919: *Peucedanumque sonat flaminis, Eryci-
naque thapsos.*

PEZIZA. Plinio pezicae, arum, pluraliter, per c,
non per z. Sunt qui malint pezita. Media
producitur, sicut myrica.

PHACA. Graecis Φάκος et Φάκη est lens, sed
male botanici hoc acceperunt. Nam Φάκη est
lens cocta et ipsum etiam ex lente cocta pul-
mentum; Φάκος autem est lens cruda.

PHAELOPaea (Lathraea). Tournefort. corol. 47,
qui nōmēn dedit, scribebat phelypaea, pri-
main syllabam per e simplex. Eodem modo
scribebat Lin. in prioribus libris. Conf. Böh-
mér p. 164.

PHALARIS f. phaleris; pen. corrip. F. Phalaridis etiam corrip. Herbae nomen apud Plinium Graecis Φαλαρίς.

PHALLUS; aut potius ithyphallus; Φάλλος, membrum virile, et Ἰθύφαλλος, membrum virile erectum, nudata glande; nam haec planta hominis pudendum reprezentat. Haec Michel. p. 202.

PHARNACEUM. conf. Böhmer p. 164.

PHARUS. Φάρος, pallium, velum, velamen, sed nescio, a quanam similitudine nomen traxerit herba, quae inter gramina folia habet maxima.

PHASCUM. Hesychio: Φάσκος et σΦάκος, aliis etiam σΦάγνος, et Plinio 12, 23. p. 671. sphagnos. Sunt, inquit Plin., hoc nomine cani arborum villi, quales in quercu maxime videmus. Conf. Bodaeus ad Theophr. p. 155 et 156. et Ruellius p. 140.

PHASEOLUS et Faseolus, vtrumque. Phaselus, i. M. cuius pen, producitur. Virg. georg. 2, 227: *Sēu pingue viciamque seres, vilemque faselum.* Phaseolus, quasi tu minutum faselum dicas; genus leguminis apud Plin. et Colum. Pen. corrip. Graece Φασήολος ac Φασιολος.

PHELLANDRIUM. Plin. 27, 12. Φελλάνδρειον, l. Φελλάνθρυν, Φυλλάνδρειον. Conf. Hermolaus ad Dioscorid.

PHELLOS

PHELOS (Quercus), i. M. Φέλλος, Latinis
suber est, de qua arbore conf. quae disputavi-
mus in *Histor. invent.* 2. pag. 472.

PHILADELPHUS. Perperam hoc nomen putatur
esse regis Aegypti. Nam Athenaeus lib. 15.
pag. 682, solus qui huius fruticis mentionem
fecit, hanc denominandi rationem affert ex
Apollodori libro rerum Parthicarum. “Tradit,
„in Parthis nasci floris genus, philadelphum
„appellatum, ex argumento, quod rami eius
„ex intervallo sponte coeant ceu animantes,
„post digrediantur, concipient et pariant.
„Huius tenuissimis virgis reticulatim composi-
„tis, atque ita consitis, hortorum septa impe-
„netrabili compage fieri.”

PHILLYREA. Dioscoridi 1, 125. Φιλλυρέα.

PHLEGMARIA (Lycopodium). Ratio nominis etsi
mihi nondum explorata est, tamen annotare
liceat, non phlegmariam, sed plegmariam dici
Breynio ac Raio *hist.* pag. 1852. (non 1582),
et in *suppl.* p. 655.

PHLEUM. Plinio 21, 15. phleos, Φλέος.

PHLOMUS, i. M. Φλόμος. Plin. 25, 10. Diose.
4, 104. Galen. *de simplic. medicam. facult.*
lib. 8. p. 128.

PHLOX, ovis, Φλόξ, Plin. 21, 11.

PHOENIX, *phoenicis*, pen. produc. F. per *oe*;
non phaenix per *ae*, vt quidam perperam scri-
bunt. Graece enim est Φοῖνιξ, palma, a
cuius arboris natura fabula de ave phoenice
ortum

ortum habere putatur. Vid. Bochart *hieroz.* 6, 5.

PHRAGMITES, ae. (Arundo), iam veteribus erat genus calami. Plin. 32, 10. Pen. produc.

PHU (Valeriana); Φοῦ, nomen antiquum, quod apud Dioscoridem, Plin., Scribonium Larg. legitur.

PHYLICA, ae. Sed Theophrasto *hist.* 1, 15. Φύλικη, ergo *philyca* scribatur. Evidem medianam producendam existimo, uti myrica.

PHYLLANTHUS. Plin. 21, 16. *phyllanthes*, is. Φυλλάνθης, herba ex aculeatarum genere. Sed recentiores nomen imposuerunt herbae, cuius flores ex serraturis foliorum prodeunt. Φύλλον, folium, ἄνθος, flos. Inde etiam cognomen *epiphyllanthus*, i. e. flores in foliis s. super foliis habens.

PHYLLIS, idis. F. pen. corrip. Duxi, ait Lin. *horto Cliff.* p. 87, *phyllida* a pulcritudine plantae primaria, in foliis consistente. — Cogitavit pulcram puellam rusticam Virgilii *ecl.* 10, 44.

PHYSALIS, idis. per omnes casus corripit penultimam. Φύσαλις, bulla, vesica. Dioscor. 4, 70. p. 271, vocant, inquit, Φύσαλίδαι, ob fructus intra folliculos orbiculatos vesicis similes, coccineos, cetera. Itaque Burmannus *thesauro Zeylanico* nomen, tauquam novum, temere exprobravit Linnaeo.

PHYTEUMA, atis. N. Φύτευμα. Plin. 27, 12.
Dioscor. 4, 130. Casus obliqui penultimam
corripiunt.

PHYTOLACCA. Ex Φύτον, herba, et lacca (quod
nomen Indicum est), quasi dicas plantam, ex
qua color ad laccam accedens extrahitur. De
vusu baccarum ad laccas conficiendas egimus in
Commentat. societatis scient. Gotting. I. 1779.
pag. 74.

PICRIS, idis, pen. corr. Plinius passim. Dio-
scor. 2, 160.

PILOSELLA (Hieracium) a copiosis pilis, quibus
vestitur, nomen sortita est, veteribus ignotum.
Bauh. pin. 262.

PILULARIA nomen traxit a globulis, quibus ra-
dices oblitae sunt, de quibus conf. Linnaei
iter Scanic. p. 308. Medicamentum in globu-
los formatum bene L simplici scribitur, per-
peram *pillula*. Media corripitur,

PIMPINELLA et bipinella a recentioribus, a fólio-
rum binis ordinibus, pennatim sive plumatum
digestis, nominatae, veteribus indictae existi-
mantur; quae etiam bipennulae (Ruellius
p. 450.) et pampinula (Ruell. p. 591.) vocan-
tur. Bauh. pin. p. 159.

PINGUICULA, ae. Pen. corrip. Nomen a Conr.
Gesnero ei speciei, quae hodie *vulgaris* dici-
tur, datum ob pinguedinem foliorum, quae
humida, mollia ac laevia sunt.

PIPER,

PIPER, piperis. N. pen. corrip. *Piperitis*, pen. prod. (Menta); piperitidis, pen. correpta. Plin. 20, 17. et 19, 12. p. 183: *piperis saporem reddit*, ob id *piperitidis nomine accepto*. *Piperita* (Fagara) ita dicta, quoniam Kaempferus eam nominaverat *Piper japonicum*.

PISCIDIA. Globuli ex hac herba confecti propiciuntur piscibus, qui, eis deglutitis, aërem reddere coguntur, quo facto non possunt emergere, atque tunc sine incommodo capiuntur. Inde nomen.

PISTACIA, pen. corr. Pallad. 14: *Quin et amygdaleos subeunt pistacia ramos*.

PISTOLOCHIA (Aristolochia), ita iam veteribus genus aristolochiae dictum est, fortassis, inquit H. Stephanus, quod ad partus eius efficacia probata sit.

PITYUSA (Euphorbia), veteribus iam genus thymali. *πίτυσ*, picea. Plin. 24, 6. p. 331. dicitur frutex similis piceae, id est, mea sententia, foliis piceae.

PLANTAGO, pen. produc. Nam Macer: *Agninae similis foliis plantaginis huius*. Tournef. p. 128: "Plantaginem per excellentiam dictam fuisse existimant, quasi plantam praestantissimam; alii nomen illud ducunt a peduncula, *planta*, qua vulgo teritur, vel quam representant."

PLATA-

PLATANUS, i. Media corrip. Virg. georg. 4, 146: *Jamque ministrantem platanum potantibus umbram.*

PLUMBAGO, pen. produc., plumbaginis corrip. Plin. 25. sect 97. p. 384: *molybdaena*, i. e. plumbago. *Haec commanducata si oculus subinde elongatur, plumbum (quod est genus vitii) ex oculo tollitur.* At Lin. philos. bot. p. 167. ita dici vult ob maculam colore plumbi, quam digitis radix compressa efficit. Ita enim, iussu Linnæi, olim in meo exemplari istius libri mutavi verba, quae ibi leguntur; nescio vero, quaenam species ita digitos inficiat.

PNEUMONANTHE (*Gentiana*) a recentioribus sic dicta ob praeclaras vires, quas herbae in sanandis pulmonum affectionibus ac hepatis tribuunt. Bauh. hist. plant. 3, 2. p. 525.

POA, ae. Graecis generatiū herba, gramen.

PODOPHYLLUM. Olim genus appellabatur anapodophyllum, quasi, ait Tournef. p. 239, planta, cuius folia ad pedem anatis accedunt. — Quodsi hoc cogitaverit nominis auctor, fixit vocem hybridam, namque anas graece dicitur ῥῆστα vel ῥῆττα. Malim putare compositum esse ex αἴνα et πούσι et Φύλλῳ. Sed vt cunque se habent ista, Linnaeus incidit sua sponte nomen. Ita enī in *horto Cliffort.* pag. 202: *Anapodophyllum* est nomen sesquipedale, detruncavi itaque tres litteras, tamen sufficiunt reliquae cum omnino eadem significatione.

POLEMONIUM, antiquum nomen, πολεμώνιον, a πόλεμος, bellum. Plin. 25, 6. p. 368: *polemoniam, alii philetaeriam, a certamine regum inventionis appellant;* i. e. certarunt inter se duo reges Polemon et Philetaerus, ille Ponti, iste Cappadociae, ut prior plantam invenerit. Conf. Hardouin. ad l. l.

POLIUM (Teuctrium) a πολιός, canus, nam Dicor. 3, 124. auctor est, corymbos habere cæsariei canae similes.

POLLEN, inis. N. *Pollis, inis,* M. Proprie est pulvis tenuissimus a poliendo, i. comminuendo, levigando. In genitivo media corripitur. Male dicitur *hic pollen;* debeinus dicere: *hoc pollēn, hic pollis, hunc pollinem.*

POLYADELPHIA, nomen quidem novum, ab auctore systematis sexualis, quod dicitur, botanicae illatum; attamen Φιλαδέλφια olim fuit nomen civitatis in Mysia, regione Asiae. Proprie notat amorem fraternum. Pen. corripitur, quo modo corripiuntur academia, philosophia.

POLYANDRIA. Nomen systemati sexuali, quod dicitur, proprium. Sed polyandron dicebatur in Graecis civitatibus commune hospitium sepulcrum, ita dictum a multitudine sepultrorum. πολυάνδριον enim significat populosum. Conf. Elmeh. ad Arnob. 6. p. 175.

POLYANTHES. Iam Graecis ac Latinis dicta fuit herba quaedam polyanthemum, i. e. habens multos

multos flores. Quod quidem nomen respuit Linnaeus, neque herbae, quae a radice tuberosa hortulanis *Tuberosa* vocatur, nomen Polyanthes imposuit a πολὺς, multus, numerosus, sed a πόλις, vrbs, quod, ob odorem omnium gratissimum, frequentior in vrbibus apud divites, quam ruri esse soleat. Sic mihi ipse rationem nominis exposuit, quocirca id per i, non per y, scribendum est, et ita recte scribitur in *Philos. bot.* et *Critica botan.*

POLYCARPON. Apulejo *de herbis* cap. 18. polycarpos, i. e. multos fructus habens, fructuosus.

POLYCNEUM. Dioscorid. 3, 108. πολύκνημος, multos saltus s. colles habens. κνήμος, saltus. Hinc derivant nomen lexicographi, sed multo probabilius est sententia Harduini ad Plin. 26, 14 p. 413, deducentis a κνήμη, tibia, quasi habeat nomen a crebris geniculis, quasi tu dicas multitibiam, multicuriam. Consentit Lin. *phil. bot.* p. 179. Certe pen. producitur. Conf. *Macrocnemum*.

POLYGALA, ae. πολὺς, multus, γάλα, lac, herba quae potata lactis vbertatem inducit. Plin. 27, 12. Diosc. 4, 142. scribitur quoque polygalon. Vtrumque corripit pen.

POLYGONATUM (*Convallaria*). Diosc. 4, 6. πολυγόνατος, a πολὺς, multus, et γόνυ, γόνετος, genu. Pen. corrip. Homeri auctoritate, apud quem frequens est γόνυ κάρπτειν, genu flectere.

POLYGONUM. Diosc. 4, 4. πολύγονον, a γένου, genu, γόνατος. Pen. corrip.

POLYMNIA, vna ex mūsis, nescio qua ratione ad herbas relata.

POLYPODIUM, cuius radix Plinio 26, 8. dicitur *acetabulis cavernosa* cēu *polyporum cirri*.

POLYPREMUM, quo nomine vñi sunt quidam iam ante Linnaeum, sed haud dubie dicenda est herba polypremnus, πολύπρεμνος, multos habens stipites s. truncos, vel planta quae diffunditur pluribus stirpibus. πρέμνος, stipes, caudex. Geopon. 10, 84. p. 775. Etiam apud Ruellium p. 149. legitur *polypremnos*.

POLYTRICHUM, pen. corr. Plin. 22, 21. a multitidine capillorum seu filorum, nam τεχης, capilli.

POPULUS, i. pen. corr. Virg. ecl. 7: *Populus Alcidae gratissima, vitis Faccho*.

PORELLA. Huic nomini ex ore Linnaei adscripsi haec: Capsula multis poris pertusa est, inde nomen. At cum solus Dillenius viderit unicum exemplum, nondum satis constat, sitne ab insectis confecta capsula.

POROPHYLLUM (Cacalia) a foliis perforatis nomen indidit Vaill. *memoires de l' acad. 1719.* p. 407.

PORRUM, i. N. et poirrus. M. Sic Martial. ep. 13, 19: *mittit praecipuos nemoralis Ari-cia porros.*

PORTU-

PORTULACA, ae, pen. producitur, vt pastinaca.
Nomen vetus, quia, inquit Gesner in Lex.
Fabri, foliis portulas imitatur et portulas ha-
bere videtur. *Portula* (Peplis), deminutivum,
corripitur.

POTAMOGETON, onis f. *potamogiton* Plin. πο-
ταμογετών, Diosc. 4, 101. Omnes casus
producunt penult. πόταμος, fluvius, γείτων,
vicinus. Amat nasei solo aquoso videlicet et
palustri, inde nomen retulit.

POTENTILLA, ita dicta medio aëvo a viribus,
quibus eximiis pollet ad frangendum calculum,
interiora vulnera et ulcera; Lobelio auctore.

POTHOS, i. πόθος, herba Plin. 21, 11, de qua
disputat Bodaeus ad Theophr. p. 717-719.

PRASIUM Graecis ac Latinis erat martubii species.

PRENANTHES. Num ex πρενάνθης, pronus, et
ἄνθος?

PRIMULA, medium corripit, cum sit deminuti-
vum. Adiectivum primulus, a, um, legitur
apud Plautum. Plurimae species ineunte aetate
florefere solent.

PRINOS, i. πρίνος, ov, ilex.

PROSERPINACA, ae, pen. produc. Plin. 17.
sect. 104. p. 437. Cum Proserpina (pen-
correpta) derivatur plerumque a verbo *pro-*
serpo, qua de origine conf. Vossii *etymol.* v.
Serpo, et Martinii *lex.* v. *Proserpina*.

PROTEA. Hoc nomen, inquit Thunberg in *Dissertat.* II. p. 25, prae ceteris omnibus synonymis nobis arrisit, idque eo magis, quod genus hocce Proteo fere sit inconstantius, — — ita ut in calyce, receptaculo, corolla certe nulla nota characteristicquaerenda sit. Primus hoc nomen plantae indidit Royenus, quod Linnaeus comprobavit.

PRUNELLA, aliis Brunella, a voce Germanica Bräune, quae est angina, quia huic morbo medetur. Conf. Martinii *lex. philol.*

PSIDIUM. Antiquum nomen psidium, aliis psidion, fidion et psidia, quod a plurimis veteribus punicae (generi affini) impositum fuit. Haec Linnaeus *hort. Cliffort.* p. 184. penes quem sit fides horum synonymorum. Σίδιον Dioscoridi 1, 153. p. 77. est in malacorium, hoc est, asperum mali punici putamen.

PSORALEA, nomen recens. Ψωραλέος, scabiosus. Ψώρα, lepra, etiam Latinis psora.

PSYCHOTRIA, ex Brownii Psychotropho contractum nomen. Ψυχοτρόφος, frigore recreans.

PSYLLIUM (Plantago), Ψύλλα, pulex, quod pulices fugare, vel potius quod semen eius pulici simile existimetur. Conf. si forte non molestum est, quae annotavimus in Waarenfunde 2. p. 231.

PTARMICA (Achillaea). Dioscoridi 2, 192. πταγμική, a πταιγεω, sternuto. Pen. corr. vt logica,

gica, dominica. Galen. *de simplic. medic. facultat.* lib. 8. p. 120.

PTELEA, ac. πτελέα, secundum lexica eadē arbor, quae ulmus esse putatur. Pen. corr.

PTERIS, idis. penult. corrip. Plin. 27, 9. filicis species.

PTEROCARPUS, novum nomen ex πτέρων, ala, et κάρπος, fructus.

PTEROCEPHALUS (Scabiosa), πτέρων, ala, κεφαλή, caput.

PTERONIA, etiam hoc nomen haud dubie e πτέρων factum est.

PTEROTA (Fagara), πτερώτα, i. e. alata, ansata. Habebat Nero duos calyces, quos appellabat pterotos, Plin. 36, 26. Pen. producenda.

PULEGIUM, pen. corr. Q. Serenus v. 18: *Pulegiumue potens una super aure locabis.*

PULICARIA (Inula). Octav. Hor. I, 10. herba psyllium.

PULMONARIA. Latinis pulmonarius est, qui laborat pulmonis morbo. Herba e sententia veterum pulmonum morbo medetur.

PULSATILLA (Anemone). Ita nominatur, Bauhino auctore, quod seminum tremuli pappi, levissimo flatu, huc atque illuc agitentur. Conf. apud Du Cange voces: *pulsare campanam* et *pulsabulum*, quod, monachorum more loquendi, est campana. Ab ista vulgari no-

mencionatione latina non abhorret ea, qua vtuntur nostrates, quibus flos dicitur Kūchenschelle, id est, campanula, qua ad prandium convocatur familia. Mihi quidem verisimile est, auctorem nominis non tam semina caudata pilosaque, quam flores campanulis similes, qui vento continue agitantur, respexisse.

PUMILEA (Turnera), id est, pumilis s. pumila s. pumilia, qua voce vsus est Suetonius.

PUNICA, pen. corrip. Mala punica, quae e Phoenicia allata.

PYRETHRUM (Anthemis), olim herba linguam adurens et mordicans. πύρεθρον a πῦρ, ignis. Pen. corrip., quae in metro etiam produci potest ob sequentem mutam cum liquida R. Sic Q. Serenus v. 99: *Purgatur cerebrum manus radice pyrethri.*

PYRACANTHA (Mespilus), πῦρ, ignis, ἄκανθα, spina, q. d. ignea spina, valde urens ac pungens.

PYROLA nomen ante aliquot saecula factum e folio, quod piri folium refert. Pen. corrip.

PYRUS, i. F. arbor. pyrum. N. fructus. Vtrumque rectius per I, pirus, pirum. Habetur enim pro vocabulo mere Latino; nec aliter in codicibus emendate editis occurrit.

QUAMOCЛИT (*Ipomoea*), nōmen Americanum corruptum.

QUISQUALIS, nōmen Indicum a Rumphio di-
vulgatum.

RADICANS (*Rhus*, *Solanum*). Penultimam pro-
ducunt verba radico, eradico.

RADIOLA (*Linum*). Originem vocis dispicere non possum. Columellae dicitur *radiolus* parva
oliva, quae vero huc non pertinet.

RAPHANUS. Dioscor. ἡαΦανίς. pen. corr. Q. Se-
renus v. 298: *Semine vel raphani permisto dul-
cia mella.*

RANUNCULUS Plin. 25, 13. quod ranarum more
humidis līmitibus et opacis marginibus laetetur,
aut quod ranae inter eius frutices frequenter
degant. Bauh. pin. p. 178. *Raphanistrum* for-
matum est a recentioribus ex raphanus, quem
ad modum veteres ex rapa fecerunt rapistrum,
quod legitur apud Columellam 9, 4.

RAPUNCULUS (*Campanula*) deminutivum sine
auctoritate veterum, quasi parvum rapum;
namque dicitur bene et rapa et rapum.

RESEDA. Plin. 27, 12. p. 438: *discutit collectio-
nes inflammationesque omnes; qui curant ea, ad-
dunt haec verba: reseda morbos reseda, scisne,
scisne quis hic pullos egerit? radices nec caput
nec pedes habeant. Haec ter dicunt, totiesque*
M 4 despiciunt.

despuunt. Hactenus Plin. Ergo a resedando nomen traxisse videtur herba. Verbum vero resedare rarissime occurrit.

RESINA. Non supervacaneum est monere, medium huius vocis esse producendam, ut sagina, rapina. Q Serenus 746: *Simplice resina miscemimus hordea tusa.* Idem 717: *Resinam misces et saxis orden fracta.*

RESTIO, onis. M. Si latinum nomen est, idem est quod restiarius; et si aliter Fronto, restarius, inquit, qui facit, restio qui vendit restes.

RHABARBARUM. Dioscoridi 3, 2. dicitur ῥάβα et ῥῆνος, vnde Rheum. Vnum genus dicebatur Rhabarbarum, sc. crescens in solo bárbarico; alterum Rha ponticum, quod circa Pontum colligitur; tertium Indicum. Conf. Isidor. Pen. corrip.

RHACOMA, pen. produc., sed casus obliqui corripiunt pen. rhacomatis; Plin. 27, 12, graece ῥάκωμα.

RHAGADIOCUS (Lapsana). Primus obtulit nomen Caesalpinus, qui e patrio sermone sine dubitatione multa nomina botanicae obtrusit, quorum originem hodie vix conjectura adsequi licet. Haec quidem lapsanae species in Hertruria, vbi edulis est, tunc temporis dicebatur ragaggiolo, vnde factum est ragadiolus, quod nomen rectius scribitur sine adspiratione.

RHEUM, ῥῆνος, vid. Rhabarbarum.

RHEXIA,

RHEXIA, ῥήξις, ruptura, fractura. *Phil. bot.*
p. 185.

RHINANTHUS, ῥίνη, ῥίνος, nasus, ῥύθος, flos.
Nomen recens.

RHIZOPHORA, pen. corrip. ῥιζα, radix. Φέρω,
fero. Ratio nominis ex iis quae Oviedo de
Mangle retulit, satis intelligitur, quae adscri-
bamus. “Crescit arbor viginosis locis, littore
„maris, salsuginosisque fluminum et torren-
„tium in mare delabentium ripis. Plurimae
„arbores simul crescunt, multive rami deor-
„sum vergere et in radices converti videntur;
„nam praeter multos, quos erectos, foliisque
„onus los atque ab invicem seiunctos, reliqua-
„rum arborum instar, habet, frequentibus
„etiam aliis crassioribus et tenuioribus αὐλ-
„λαιis sepe ad aquam deinittentibus, aut sub
„terra aut arena radices figentibus, praedita
„est; qui ubi apprehenderint, alios ramos sur-
„sum vergentes proferunt. Etenim non minus
„firmiter haerent, quam primarius arboris
„truncus, sic ut ex multis caudicibus simul
„connexis videatur arbor.” *Conf. Bauh. hist.*
plant. I, 2. p. 415. *Adanson Reise nach Se-*
negal pag. 49 et passim.

RHOEAS, adis, pen. corr. et Rhoea, ae, papa-
veris genus iam veteribus.

RHODODENDRON. Plinio 24, i. rhododendros, quasi arbor flore roseo, vel rosa arborescens.

RHODORA, ae. media produc. Plin. 24, 19: herba, quam Galli rhodoram vocant.

RHUS, rhois, rhoëm. F. et M. Plin. 24, II. sect. 54. Conf. lex. Martinii.

RIBÈS, is, de huius vocis origine dubitanter dispiuto; neque quidquam adferre queo, praeter coniecturam eorum, qui putent, ita Mauritanis dici grossulam s. transmarinam, quae est Linnaei *Ribes rubrum*. Conf. Ruellius p. 213. Certe frutex ante pauca saecula innuit Europaeis, hodie pervulgatus, quod vel inde intelligitur, quoniam *transmarina* i. e. exotica dicta est grossularia.

RICINUS, i. Nomen, quod grana ferat ricino animalculo similia. Pen. corripit, vt ricinus animal. Q. Seren. v. 699: *Sanguine seu ricini, quem bos gestaverit ante.*

RITRO (Echinops). Haec species in Lobelii *icon.* 2. p. 8. inscribitur: Ritro seu Rutro Theophrasti. Atqui in Theophr. *hist.* 6. cap. 3. p. 588. Cardui species vocatur γύργος, de qua disputat Bodaeus ib. p. 611.

ROCCELLA (Lichen). Nomen Lusitanicum. Conf. nostra *histor. invent.* I, p. 334.

ROSMARINUS. m. et *rosmarinum*. n. gen. Penultima producitur. In casu secundo apud Plinimum: *rorismarini*. Sed Columella 12, 36: *rosmarini sesquilibra*; sic etiam Scribon. 268: *rosma-*

rosmarini folia. Seren. *Ex pipere et calida florē de rōre marīno Ebībe.* Horat. 3. od. 23, 13: *marīno rōrē.*

RUBIA, de qua conf. *Histor. invent.* 4. p. 41.

RUMEX, icis. M. pen. corrip.

RUSCUS, i. M. de qua herba conf. Crenii
animadvers. philol. 10. p. 19.

RUTA, ae, herba dicta, quod propter multipli-
ces, quos de se praebet usus, maxime eruitur.
Fabro Gesneri auctore.

SABDARIFFA (*Hibiscus*), origo nominis me fu-
git, quam neque Clusius *hist.* 2. cognitam
habuit.

SABINA (*Juniperus*) a Sabinis populis dicta cre-
ditur, apud quos frequentissima fuit. Pen.
produc. Propert. *Et crepat ad veteres herba
sabina focos.*

SACCHARUM per duplex cc bene; sacharum per
vnum c, perperam. Graece σάκχαρον. Me-
dia corripitur. Saccharum *candum*, nostrati-
bus Kandelszucker, neque a candore, neque a
canna dictum est; sed κάντιον Graeci recen-
tiores vocarunt, quod angulosum sit, et cum
frangitur, in partes semper dissiliat angulatas.
Conf. Salmas. ad Solinum p. 718. et Du Cange
glossar. graec. p. 577. Sacchari antiquissimam
historiam dedimus in *Commentat. phys. societ.
scient. Gottingensis.* V. p. 56.

SAGAPENUM, pen. produc. quia Dioscoridi 3,
95. σαγαπένον.

SAGINA est cibus, quo animal pingue efficitur,
sed qui ita herbam vocaverit, inter veteres in-
venio neminem. Pen. produc. Juven. sat. 4,
67: *Iste dies, propera stomachum laxare sa-
ginis.*

SAGITTARIA. Plinio 21, 17. herba dicitur sagitta,
inde recentioribus sagittaria.

SALACIA, ae. Num dea maris, Amphitrite?

SALICARIA (Lythrum) dicta a salicis foliorum
similitudine, sine veterum auctoritate, sed
exemplo nostratium, qui ob eandem caussam
vocant herbat Weiderich. Conf. Conr. Gesner
de hortis German. p. 278.

SALICORNIA, a sale alcalino dicta, qui e cineri-
bus eluitur. Nomen novum.

SALIX, icis. F. pen. corr. quod repente exiliat,
hoc est, pullulet.

SALSOLA a Caesalpino dicta eadem ratione, qua
salicornia dicta est.

SALVIA, ae, herba salutaris, a salute enim, hoc
est, sanitate, quam conferre creditur, dicta
est. Pen. corripitur ob vocalem ante vocalem,
cum sit latinae originis.

SAMBUCUS, i. pen. produc. Poetis etiam fabucus.
Sic saepe numero Q. Serenus.

SAMOLUS, i, Plin. 24, II. Pen. corr.

SAMPSUCHUS (Thymus), pen. produc. Colu-
mella 10, *Nataquz iam veniant hilari sampsucha*
Canopo. Σάμπυχος Nicandro in *Theriacis.*

SAMYDA. Ad obscura nomina Graeca refertur in
philos. botan. p. 175, sed mihi quidem nomen
nondum obvium fuit in Graecia, in qua autem
non habito, sed subinde diversari soleo, et id
quidem libentissime.

SANAMUNDA (Daphne et Passerina). Ita herbam
vocari a Granatensisibus Mauritanis, auctor est
Clusiūs *hist.* i. p. 89. Sed vereor, ne erra-
verit vir praecellens. Mihi videtur eius ori-
ginis esse, quam habet *Osmunda*; scilicet ex
vetustissimo nomine Germanico factum illud
censeo. Nostrates iam ante aliquot saecula
Geum urbanum vulgo appellarunt *Sanamund*,
vel *Sanamundkraut*. Atque etiam Nicotiana
vocabatur olim *Sana sancta Indorum.*

SANGUINARIA. Nomen antiquum, quo vñi sunt
Columel. et Plin. Sunt qui deducant a colore
fructus sanguineo.

SANGUISORBA, nomen a recentioribus factum ad
exemplum antiqui vocabuli sanguisugae. Herba
sanguisorba sanguinem suppressit et quasi ab-
sorbet, sententia veterum.

SANICULA. Officinarum nomen a sanandis vul-
neribus. Pen. corrip. ob speciem deminutivi,
vt *apicula*.

SANTALUM antiquis ignotum. Avicennae *sanda!*
Pen. corr. vti σάνδαλον, sandalium. Conf.
quæ

quae exposuimus in *Waarenfunde* 2. p. 112,
et Martinii *lex. phil.*

SANTOLINA, nomen ex iis, quae Anguillara ob-
tulit, quorum explicatio magna ex parte diffi-
cilius est. Sunt, qui putent, rectius herbam
dici sanctolinam. Martinius dubitat, num ab
odore santalo, tanquam santalina, an a San-
tonibus dicta sit. Ex mea opinione idem no-
men est, quod Santonicum absinthium Plin.
et Santonica herba Columellae. Haec a Gal-
liae civitate appellantur, Plinio auctore. Certe
utrumque et santolina, et santonicum penulti-
mam corripit. Juvenal 8: *Tempora Santonico
velas adoperta cucullo.*

SANTONICUM (*Artemisia*), herba, qua Santonum
(med. correpta) regio, Gallia Alpibus finitima,
abundabat. Eadem quae Seriphium. Plin. 27,
7. et Colum. 6, 25.

SAPINDUS, quasi Sapo Indus, propter fructus
corticem, qui saponis usum praebet. Tour-
nef. p. 659. Inde cognomen *Saponaria*.

SAPONARIA, quod saponis vicem praebeat ad
pannos purgandos, de quo usu conf. *histor.
invent.* 4. p. 22.

SARCOCOLLA (*Penaea*), σαρκοκόλλα Dioscor. 3,
90. σάρξ, caro, κόλλα, glutinum, q. d.
herba saucias exulceratasve carnis partes ad-
glutinans.

SAR-

SARCOMPHALUS (*Rhamnus*), pen. corr. Sed quid hoc? ex σάρξ, caro, et ὄμφαλος, umbilicus, a Brownio compositum?

SAROTHRA, a σάρωθρον, scopae, dixit herbam. Linnaeus, quia folia subulata similitudinem quandam cum scopis habere videbantur. Conf. *amoen. acad.* 3. p. 11. Pen. producenda.

SASSAFRAS (*Laurus*), nomen ex India occidentali cum ligno venit. Solemus penultimam corripere ob mutam cum liquida.

SASSAPARILLA s. sarsaparilla (*Laurus*), i. e. parva vitis, s. viticula aculeata. Conf. quae a nobis annotata sunt ad v. *Granadilla*.

SATUREIA, quatuor syllabis, dicta vel a Satyris, quod salaces faciat, ut sunt Satyri, vel a saturitate. Colum. 10, 233: *Et satureia thymi referens, thymbraeque saporem.*

SATYRIUM, σατύριον Diosc. 3, 143.. cuius miram vim in Venere concitanda confirmat Plin. 26, 10.

SAURURUS, a σαῦρος l. σαῦρα, lacerta, nomen impositum dicitur in *philos. bot.* p. 179.

SAXIFRAGA, ae. ab effectu dicta, cum eius fillatitia, vt et decoctum, lapides renales et frangere et pellere dicatur. Bauh. *pin.* p. 309. Pen. corr. Q. Serenus 602: *Saxifragam, seu fontigenam succurrere credunt.* Conf. quae ad h. l. annotarunt viri docti in edit. Burmanni 2. p. 307.

SCABIOSA, nomen officinarum ab scabro herbae
habitu, ut ait Ruellius p. 459 et 585. Pen.
produc.

SCABRITA. Puto novum genus dictum esse a
scabra vel scabritia s. scabrities.

SCAMMONIA (Convolvulus), Theophr. 9, 10.
σκαμμωνία. pen. corrip.

SCANDIX, icis. F. pen. corr. Veteribus olus
agreste.

SCARIOLA (Lactuca), vox Arabum interpretibus
vsurpata, pro endivia vulgari. Pen. corr. ob
speciem deminutivi; sic areola, filiola. BOR-
RICH.

SCHEUCHZERIA, dicta a nobili fratrum pari, quo-
rum alter gramina, alter herbas alpinas sedulo
investigavit, quibus planta haec optime con-
venit, cum sit et alpina et graminea. Haec
ex Linnaeo audivi.

SCHINUS; i. F. *σχίνος* Dioscor. I, 77. Latinis
Lentiscus.

SCHOENANTHUS (Andropogon), nomen recens
factum ex *σχοῖνος*, iuncus.

SCHOENOPRASUM (Allium), huic, inquit Bauh.
pin. p. 72, pro foliis iunci inanes sunt, hinc
nomine ex iunco et porro composito schoeno-
prasum vocant. Pen. corripitur.

SCHOENUS, *σχοῖνος*, quod et iuncum et funem
denotat apud Graecos, quem ad modum et
iuncus a iungendo descendit.

SCILLA et squilla, per i bene scribitur; in Graeco est enim σκίλλη. Scilla est scopulus iste in Italiae et Siciliae confinio.

SCLAREA (Salvia), ab Italib inditum nomen, Ruellio auctore.

SCLERANTHUS. Duxi, inquit Lin. h. *Cliffort.* p. 167, plantam scleranthum, seu florem cinereum vel incanum a colore florum singulari, et paucis plantis communi. — At fefellit memoria virum optimum. Nam σκληρός, α, ον, neque cinereus, neque incanus est, sed exucus, succo carens, aridus, amissso humore naturali, ideoque durus ac fragilis. Atqui haec epitheta in flores huius generis omnino conveniunt.

SCOLOPENDRIUM (Asplenium). Theophr. 9, 19. σκολοπένδριον, idem quod ασπλήνιον.

SCOLYMUS, pen. corr. De herba, quae veteribus ita dicta est, disputavimus in *Historia inventionum* 2. p. 206.

SCOPARIA ab usu oeconomico ad scopas dicta est a Linnaeo. *Philos. bot.* p. 168. Latinis scoparius est, qui pavimenta sordentia scopis munda reddit.

SCORDIUM (Teucrium). σκόρδιον. Penultimam producendam esse probat Borrichius auctoritate Andromachi apud Galenum. Herba ita dicta est ἀπὸ τοῦ σκορόδου, hoc est, ab allio, cuius odorem et acrimoniam etiam haec teucii species refert.

SCORDOTIS, is, scordotin (Nepeta), pen. produc. Plin. 25, 6. p. 368. est herba gustus amari, ad similitudinem scordii accedens. Nepetae species Linnaeana allii odorem, ut scordium, refert, et in tota fere Creta seplasifarii pro scordio promiscue hac herba vtuntur, ideoque Honor. Bellus non dubitat, quin sit scordotis Plinii. Conf. Clusii *histor.* 2. p. 312.

SCORODONIA (Teucrium) ex σκόροδον, allium, deductum adiectivum, sc. herba. Pen. corr. Macer 1, 5, 1: *Scorodon Argive sunt alia dicta Latine.*

SCORODOPRASUM (Allium), σκοροδόπρασον Dio- scor. 2, 142. herba foliis porraceis, odore allii. Pen. corrip.

SCORPIURUS. Plin. 22, 21. οὐρα, cauda, quod fructus quodam modo scorpis caudam refert. Sed fructus speciei, quae *vermiculata* dicitur, larvam pilosam papilionis omnino refert.

SCORZONERA. Nomen Hispanicum, de quo egimus in *Histor. inventionum* 5. p. 140. Pen. produc. exemplo Latinorum in —era. Ita panthera, Abdera.

SCROPHULARIA, dicta a radice nodosa et scrofulis sanandis accommodata, Borrichio auctore. At male scribitur per ph., cum sit a scrofula, quem morbum, quod sues plerisque patiuntur, sic dicunt. Ab eodem animali etiam Graeci scrofulas χοιράδες appellant. Scribi- tur

tur vero scrofa, i. e. porca, non scropha.
Scrofulariae herbae mentio apud veteres nulla.

SCURRULA (*Loranthus*), deminutivum est nominis scurrae, nescio qua ratione huic herbae impositum. Pen. corrip.

SCUTELLARIA, Linnaeo auctore *philos. bot.* p. 168.
a figura calycis ita dicta, Bauhino consentiente,
prodrom. p. 110.

SEBESTENA (*Cordia*). Arabicum nomen esse aiunt Ruellius p. 199. et Bauh. p. 446. Sed Ruellius p. 238. et 262. mavult deducere a σεβαστος, η, ον, venerandus, quo nomine Graeci imperatores salutare solebant, quos eadem ratione Latini *augustos* compellabant. Herba olim sebaste et sebeste dicebatur, σεβαση, vnde, adiecta terminatione latina, *sebestena*. Quod si verum est, non male penult. producere solemus.

SECURIDACA, pen. corrip. Plin. 18, 17. Ita nominata, quod fructus bipennis effigiem emuletur.

SEDUM, nomen auctoritate veterum probatum.

SELAGO, pen. prod. *selaginis*, pen. corr. Plin. 24, 11.

SELINUM, pen. prod. σελινον.

SEMPERVIVUM a sempiterno virore, sed nomen adiectivum aegre accepit Lin. conf. *phil. bot.* p. 161.

SENECIO, onis, pen. produc. dicta, inquit Plin. 2. p. 386, quia vere canescit, quem ad modum a Graecis ἡγεμέων. Cum Plin. statim addat: *caput eius numerosa dividitur lanugine*, videntur veteres nomen deduxisse a corona seminum papposa. Nam quaecunque demum sit senecio veterum, pappum eam habuisse satis cognoscimus.

SENNA (Cassia), nomen Arabicum, quod apud Serapionem *Sene* scribitur, cuius ex Graecis solus Actuarius meminit.

SEPTAS, adis. pen. corrip. A septem ita dicta est herba, quae numero septenario, alioquin rara in plantis, abundat. Habet enim septem stamina, totidem pistilla, germina, petala, pedunculos, (raro octo), et calyx etiam septem partitus est. Nomen septas pro ἑπτασ Latinis in usu fuisse, auctor est Macrob. in *somn. Scip.* 1, 6.

SERIOLA, ae. Latinis quidem diminutivum est nominis *seria*, hoc est, vas oblongum, situlae simile, vino oleoque condendo. Conf. Gesneri index in auct. R. R. et Pallad. *Mart.* 10, 9.

SERIPHUM et *Seriphum*, media producta, σεριφίον. Plin. 27, 7.

SEROTINA (Festuca), pen. corripitur. Nam quae ab adverbii descendunt, corripiunt penultimam, ut *craustinus* a *cras*, *pristinus* a *prius*, *diutinus* a *diu*, atque sic etiam *serotinus* a *fero*.

SER-

SERPÝLLUM (Thymus) herba ita Latinis dicta,
quod, quaecunque eius pars terram attingat,
in ea radices demittat. Virg. *ecl.* 2, 10.

SERRATULA, a foliis minutim serratis nomen accepit. Plin. 25, 8.

SESAMUM, pen. corr. σήσαμον. Dicitur Latinis
quoque Sesama. Plin. 15, 7. et 18, 10.

SESBAÑ (Aeschynomene), nomen ex Aegypto?
Conf. P. Alpin. *de plantis Aegypti* p. m. 42.

SESELI. N. et Seseleis, is. F. media correpta.
Dioscor. 3, 55, 56. Cicero *de nat. Deor.*
2, 49.

SICYOS. media corrip. σίκυς. Latinis Sicys, vos.
M. est cucumis, unde herbam hanc cucurbitaceam Tournef. vocavit Sicyoidein, quod nomen Linnaeus contraxit, seu decurtavit.
Conf. Foel. *oeconom.* Hippocr. p. 565.

SIDA, ae, nomen, quod Linnaeus a Theophrasto accepit.

SIDERITIS, pen. produc. sideritidis, pen. corrip. σιδηρῖτις. Plin. 25, 17. herba, ut Siderion Plin. 25, 4. inde dicta, quod omnia vulnera ferro illata sanat. σιδῆρος, ferrum.

SIDEROXYLON, nomen recens e σιδῆρος, ferrum, et ξύλον, lignum; quod primum occurrit in Par. Bat. prodr. p. 375, 376. Anglis: the iron-wood, Belgis yzerboom.

SILENE. Etsi Lin. perhibet, sese nomen hocce accepisse a Theophrasto, atque Aldrovandus

ac Lobelius muscipulam Linnaei nominarunt
Silenem Theophrasti, tamen mihi nondum
configit invenire nomen in scriptis Theophrasti.
Conf. Bauh. pin. p. 205. et Penne adversar.
Si nomen deducitur a σιληνος, debet media
producere.

SILER. N. (Laserpitium), sileris, med. correpta.

Latinis est virgulti genus.

SILIQUA (Ceratonia), media corrip. Q. Serenus
315: *Decotis potantur aquis, siliquaeque ma-*
dentes. Graecis νερότιον. Etiam Siliquastri no-
men occurrit apud Plinium.

SILPHIUM, i. pretiosissimus succus Cyrenaicus,
veteribus maximie celebratus, qui Assa foetida
esse videtur. Foes. oeconom. Hippocr. p. 566.

SINAPIS, sis. E. et *Sinapi*, genere neutro et inde-
clinabile, producitur. Columella 10, 122:
Seque lacescenti fletum factura sinapis. Vindicia-
num 37. perperam penult. corripuisse, monet
Borrichius. Grammatici praecipiunt in accu-
fat. dicere sinapim.

SIPHONANTHUS, nomen novum ex σιφων, siphon,
tubus, ergo slos tubulosus.

SIPYLEUM (Origanum). Herba sic dicta a monte
Phrygiae Sipylo (media correpta), unde Latini
adjectivum Sipyleius vel Sipylaeus. Igitur
Sipylaeum per ae scribendum est. Stat. syl-
var. 5, 1, 33.

SISARUM (Sium), media corr. idein olim fuit,
quod siser, siferis, N. etiam media correpta,

de

de quo conf., si forte non molestum est, quae disputavimus in Borrath kleiner Anmerkungen über gelehrte Gegenstände. 1795. 8. pag 21.

SISON, ονις; med. corr. cuius de semine quae-
dam referuntur a Plinio, Dioscor. et Apuleio.

SISYMBRIUM, cuius frequens mentio apud veteres, sed quænam sit herba, nondum argu-
mentis botanicis probatum est.

SISYRINCHIUM. Plin. 19, 5 et 6. bulbi est genus.

SIUM, σίον. Plin. 22, 22.

SMILAX, acis. pen. corr. Ovid. Metam. 4, 283:
Et Crocon in parvos versum cum similace flores.

SMYRNUM, σμύρνιον, olim eadem herba, quæ olusatrum.

SODOMEUM (Solanum). Est adiectivum gentile e Sodoma, quod rectius scribitur, nisi quid me fallit, Sodomaeum. Sic enim e Coreyra fit Corcyraeus.

SOJA (Dolichos), nomen Indicum. Conf. Wan-
kenfunde 1. pag. 104.

SOLANUM, Plin. 27, 13. Penult. producitur, sive a solamine derivetur, quod herba sit sopori-
fera, sive a sole, vnde et subsolanus.

SOLDANELLA; habet folia rotunda, quae for-
mam referunt nummorum, vnde a Soldo
(solidus), moneta Italica, iam dudum nomen
accepit.

SOLIDAGO, olim etiam quibusdam Soldago.
Pen. produc. nomen ex medio aevo a foli-

dando vulnera, inquit Linnaeus. Quod eo comprobatur, quod antiquiores solidaginem fecerint symphyti speciem.

SONCHUS, i. σόγχος. Plin. 22, 22. et 26, 15.

SOPHERA (Cassia) et Sofera. Nomen Arabicae originis. Primam herbae descriptionem dedit H. Bellus in *epist. 4. ad Clus.* in Clusii *hist. plant.* 2. p. 307.

SOPHIA (Sisymbrium). Nimirum sophia chirurgorum, quippe qui olim hac herba frequenter usi sunt. Pen. bene corripitur, ut in philosophia, sed usus loquendi dissentit.

SOPHORA et sophera est verbum antiquum plantae, "huic (quae nunc hoc nomen habet) proximae impositum, quo vtor ad designandum hocce genus, quod sophorum, sive sapientiam ac admonitionem fert, staminum filamenta in papilionaceis, si seperata inter se sint, vix classe naturali coniungendas esse plantas, si unquam limites classis reperiendi sint." Haec Lin. h. Cliff. p. 156, non satis perspicue. Sed facile intelligitur esse idem nomen, quod habet Cassiae species. De quantitate penultimae in nomine barbaro nihil statuo; vulgo vero corripitur, ut amphora, helleborus, corroborata.

SORBUS, i. F. cuius arboris frequens mentio est apud veteres.

SORGUM (Holcus), nomen barbarum. Conf. *historia invention.* 2. p. 546.

SPARGANIUM, σπάργανον et σπαργάνιον, fascia, fasciola; quod foliis eius latis et vitilium modo lentis, pro fasciis nutrices utantur. Conf. Diosc. 4, 21.

SPARTIUM s. Spartum, de qua herba veterum, videsis *histor. invention.* 3. p. 124.

SPATHELIA. Brownio arbor vocabatur Spathe, es, quod nomen apud Plin. 12, 28. denotat arborem quandam. Inde finxit Lin. Spathália. Latinis spathalium, i. N. diminutivum est, palmae ramulus cum dactylis dependentibus, de quo Martial. 13, 27.

SPELTA (Triticum) e vetusto nomine Germanico Spelt, s. Spely, de quo conf. Frisch. teutsches Wörterb. Primus tamen inter Latinos hoc nomine usus est iam Priscianus *de ponderibus* v. 12. inter poetas minores a Wernsdorfio editos V, 1. p. 496. Auctor vixisse creditur saec. sexto.

SPERGULA. Etiam hoc nomen opinor esse Germanicae originis.

SPERMACOCE. Nominis auctor Dillenius in *horto Elthamensi* p. 369, "a seminis aculeati forma, plantam Spermacocenово, — — cui flores monopetali tubulosi, in quatuor aequales lacinas divisi, seminibus insidentes gemellis, mucronatis et aculeatis pro characteristica nota sufficiunt." — Ergo nomen derivatum est ab ἀκωκῇ, mucro, acumen.

SPHAERANTHUS, nomen novum e σφαῖρᾳ, globus.

SPHAGNUM Plinio passim pro canis arborum
villis.

SPHONDYLIUM (Heracleum) legitur apud Scri-
bon. 2, 5.

SPICANT (Osmunda). Nomen in Germania cor-
ruptum e *spica nardi* seu *spica Indica*. Videntur
maiores osmundae hocce nomen indidisse,
quod eius radices ad similitudinem spicae In-
dicae accedunt. Quae est sententia Gesneri in
hort. German. p. 265. B.

SPINACIA, nomen veteribus ignotum, quod
saec. 14. innotuit, deductum a semine spinoso
atque aculeato. *Videsis hist. invent.* 5. p. 116.

SPIRAEA. Theophrasto 1, 23. *σπεῖραια*. No-
men accepisse contendunt ἀπὸ τῆς *σπεῖρας*,
quod frutex sit latus et vitilis, ita ut in spiram
torqueri possit. Plinio 21, 9. *spiraeon*.

SPLACHNUM. Num e Graeco *σπλάγχνον*, quod
est viscus. *σπλάγχνα*, viscera. *Philos. bot.*
p. 181.

SPONDIAS. Arboris nomen, quod ita scribitur in
antiquis edit. Athenaei lib. I. Stephano teste.
Sed in edit. Commelina 1597. fol. p. 50. legi-
tur *σπόδιας*, et sic etiam in Theophr. *hist.*
plant. 3, 7. p. 138: *σπόδιας*, αὐτη δὲ οὐ
ωσπερ αἰγαία κοκκυμηλέα, i. e. *spodias*, quae
velut *silvestris prunus* habetur Ceterum hoc
nomen satis bene convenit in speciem, quam
luteam vocamus, quam arborem antiquiores
vocarunt *prunum Americanum*.

SQUAMARIA (Lathraea) a radice squamata dicta,
sine auctoritate veterum.

STACHYS, yos. Plin. 24, 15. pen. corr.

STAPHISAGRIA (Delphinium) ex σταφίδης ἀγριεῖ,
staphys silvestris. Staphidis pen. corr. Sic
quoque astaphis, astaphidis, vtrunque penult.
corripit. Hoc quidein est uva passa Plin. 23, 1.

STAPHYLEA. Sic Dalechampii aliorumque fla-
phylodendron contraxit Linnaeus, deducens
nomen ex σταφύλη, quam plantam Apulej. *de
herbis* vocat agriam staphylen. Ergo pen.
producatur et scribatur pérūe simplex, non
per ae, quod factum est in *Philos. bot.*

STATICE, es. Pen. corr. Plin. 26, 8.

STELIS, is. F. (Loranthus). Stelis Plin. 16. et
Theophr. *de cauſis* 3, 16. σελίς est genus
visci, sed nescio, an inde loranthi spe-
cies dicta sit.

STELLARIA, a floris forma, sed sine auctoritate
veterum.

STELLERA. Hoc nomen Gmelinus huic generi
indidit, cui refragari noluit Linnaeus; alio-
quin hoc genus retulisset ad Thelium, a quo
tantum numero staminum differre videtur.
Qui omnia, quae ad Stelleri, viri de historia
naturali optime meriti, fata pertinent, anqui-
rere vult, ne praetermittat ea, quae a Pallas
mecum communicata retuli in *Physikal. öf-
nomisch. Bibliothek* VI. p. 191. et VIII.
p. 453. Autographum Stelleri bibliothecae
acade-

academicae Gottingensis intuli, posteritati conservandum.

STEMODIA, nomen a Linnaeo contractum ex Stemodiaca, quod Browne dederat. Sed is nomina negligentius elegit et constituit, quam ut omnia queant explicari. Num a σημα? de cuius vocis variis notionibus conf. *thesaur.* Stephani.

STERCULIA. Herba pessimi odoris, quo circa nomen a stercore traxit, Linnaeo auctore.

STILBE. Num Graecorum σιλβη, nitor, splendor?

STIPA, stypa, stupa et stuppa, i. e. crassius lini purgamentum, cortici proximum. Sed Ruelius p. 585. auctor est, Dioscoridem commemorasse, stoeben Graecorum a Latinis stypam dici. Nescio, ubi id dixerit; equidem locum nondum inveni.

STOEBE, es. σοιβη. Plin. 21, 15. et 22, 11.

STOECHAS, adis, F. (*Lavandula*), σοιχας, planta in Stoichadibus insulis nascens. Ideo pen. corrip. Nam Lucanus 3, 516: *Stoechados arva tenens, nec non et Graia iuventus.*

STRAMONIUM (*Datura*), sunt qui putarint, ex Strychno factum esse strychmonium, atque hoc deinde corruptum esse stramonium. Fuchs. auctor est, nomen Italis esse in usu.

STRATIOTES, ae, vel stratiotis, idis, pen. nominativi producitur, cum graece sit στρατιώτης. Plin. 24, 18. dicitur folium militare, et στρατιώτης est miles, quo nomine nostrates in ser.

sermone vulgari etiam nunc vtuntur, quando iuvenem male moratum ac rusticum velint notare, **Stratiot.**

STROBUS, i. (Pinus). Plin. 12, 17. arbor odorifera apud Germanos.

STRUTHIUM (Gypsophila), vid. *histor. invent.* 4. p. 19. vbi periculum fecimus, struthium veterum declarandi.

STRUTHIOPTERIS (Osmunda) ex struthium et pteris, filix.

STRYCHNOS et strychnum, σρύχνος. Plin. 28, 11. et 27, 8 et 13.

STYLUS, i. M. rectius *stilus* per I. Vocabulum enim pure Latinum est, saltim latinitate donatum. Στύλος apud Graecos est columna, sed ita dici coepit de rebus parvis columnae similitudinem qualemcumque habentibus.

STYRAX, acis. F. et M. pen. corrip. Virg. in Ciri 168: *Non styrace Idaeo fragrantes tintæ capillos.*

SUBER, eris. (Quercus), pen. corrip. Q. Serenus 378: *Vritur interdum raptus de subere cortex.* De arbore conf. *Histor. inventionum* 2. p. 477.

SUBULARIA, a figura foliorum dicta est in *philos. bot.* p. 168. Subula, inquit Gesnerus, instrumentum suendi ferreum, quo vtuntur opifices ad perforandas pelles ac coria, cum consuere volunt. Inde etiam folia *subulata* botanicis vocantur.

SUCCISA (Scabiosa), pen. produc. quod radix humano generi salutaris vulgo existimetur ab invido daemone succisa esse, vnde morsus Diaboli nomen quoque invenit. BORRICH.

SWIETENIA. Jacquin *pl. Americ.* p. 64: "Genus hoc in honorem Gerardi L. B. a Swieten dixi; huius enim plurius ut praeteream nec peritura unquam in scientias merita, id unum iuvat commemorasse, quanto illi etiam ipsa Flora devincta sit beneficio, qui apud Austriae dominam consilio suo effecit, ut botanico horto aucta sit universitas Vindobonensis."

Hactenus Jacquin. Noluit Linnaeus refragari, et si Swieten botanices doctrina imbutus non fuerit. Atqui genus huic viro consecratum admodum affine est Cedrelae, ob fructus, corollae ac foliorum similitudinem. et si staminum numerus idem non sit. Confidit Linnaeus, fore, ut posteri genus Swieteniae reducant ad Cedrelam, cui iam Catisbaeus arborem a se primum descriptam non temere annumeravit. Quo facto aliquando evanescet nomen Swieteniae, e voluntate Linnaei.

SYCOMORUS (Ficus), συκόμορος, a σύκη, ficus, et μόρος, morum. Arbor veteribus valde celebrata.

SYMPHORICARPOS (Lonicera), nomen recens ex σύμφορος, congestus, κάρπος, fructus. Hoc nomen, ait Dillenius in *horto Eltham.* p. 371. huic generi adscivi, quoniam flores et fructus e foliorum alis dense congesti nascuntur.

SYMPHYTUM, i. σύμφυτον. Plin. 27, 6. pen.
corrip.

SYMPLOCOS, recens nomen deductum a συμ-
πλοκῇ, symbole, i. e. connexio, complica-
tio. Pen. corr.

SYNGENESIA. Nomen a Linnaeo confictum, cuius
penultima corripienda est. Genesia, orum,
τὰ γενέσια, dicebantur festa, quibus amici
natalem celebrabant defuncti, cuius memoriam
servare studebant. At nullum reperitur apud
veteres compositum e συν et γένεσις.

SYRINGA. Licet Africum vocabulum videatur,
aliquibus tamen a virgarum rectarum longitu-
dine et inferioris medullae fungosa copia dici-
tur; vel potius quod ramuli exempta medulla
fistulosi sint. Bauh. pin. p. 398.

T AEDA s. teda (Pinus). Latinis non fuit arbor
ipsa nec species, sed lignum arborum earum,
quae resinam ferunt, et obesitate laborant, ita
ut lignum resina redundet. *Laricis morbus est*,
inquit Plin. 16. sect. 19. p. 9. *vt teda fiat*.
Idem lib. 16, 24. p. 83: *nimia pinguedine in*
tedam mutantur. Attamen teda appellabatur
principue haec species, quae saepius isto morbo
infestatur.

TAGERA (Cassia) nomen Indicum.

TAGETES. A Jovis nepote nomen habere hoc
herbarum genus, auctor est Lin. phil. bot.

p. 175. At Jovis nepos, aruspicinae inventor, vocabatur Tages, is, vel Tages, etis, penult. producta. Mihi quidem non verisimilis ista sententia. Fortassis nomen cum flore venit ex Africa vel ex Lusitania. Primus hoc usus est, nisi me fallo, Fuchsius, qui *histor. plant.* p. 45. Tagetis, ait, nomine Apuleius usus est, et Tanacetum appellat. Mihi quidem neutrum nomen in Apuleii libello occurrat.

TAMARINDUS. Salmatio teste ad Solin. p. 930. B. Arabibus *Tamar* est palma. Inde Tamarindi dactyli indici, quos tamen arbor fert, nulla cognatione aut similitudine palmam attingens. Iste tamarindi veteribus ignoti. Myrepso dicuntur *ταμαρίτι*, aliis *ταμαρέντι* et *ταμαρόντι*. Conf. Du Cange *glossar. graecit.*

TAMARIX, pen. corr. tamaricis, pen. produc. F. Lucanus 9, 917: *Et tamarix non laeta comas, Eoaque costos.*

TAMUS, aliis tamnus, aliis tamarum, apud Plin. 21, 15. p. 247.

TANACETUM pen. produc. sed nomen incertae originis. Sunt qui deducant ab eo nomine, quo etiam parthenium quosdam vocasse, refert Plin. 21, 30. p. 261, verum hoc nomen vario modo legitur. In antiquissimis editionibus *tamnum*, apud Hardouin. *annacum*. Sed cum olim tanacetum a quibusdam etiam *Athanasia* dicta est, parum abest, quin credam, ex hac voce, abiecta syllaba prima, in officinis tandem factum esse tanacetum.

TARA-

TARAXACUM (Leontodon) ex Arabico nomine formatum. Antiquioribus scribitur etiam Al-taraxacon; ex. gr. in Fuchsii *histor. stirp.* Lugduni 1551. 8. p. 644.

TARCHONANTHUS. Tarchon s. tarcon creditur nomen esse Arabicum, quod variis herbis datum est, ex. gr. Artemisiae dracunc. Primus inter Graecos eo usus est Simeon Sethi *de ali-mentis* p. m. 124. τάρχον. Ex hoc nomine atque ex Graeco αὐθός, facta est vox hybrida tarchonanthus.

TATULA (Datura), scribitur et tatulo, tatoula, datula, crediturque esse vel ex Perside, vel ex Turcia. Conf. Guiland. *de papyro.*

TAXUS, i. venenata arbor adeo credebatur, ut venena inde toxica appellata sint, de quibus conf. annotat. ad Aristot. *mirabil. auscult.* p. 179. et ad Antigon. Caryllii *hist. mirab.* p. 237.

TAZETTA (Narcissus), deminutivum nominis Italici tazza, tazzetta, cupula, ob formam floris. Ex eadem voce Italica nostratisbus est Tasse, Theetasse.

TELEPHIUM, dictum volunt, quod ulceribus malignis ac deploratis, quibus Telephus, Myciae rex, ab Achille vulneratus consenuit, auxiliatur. Plin. 27, 13.

TEREBINTHUS (Pistacia), olim τέρεψινθος, nam τερέβινθος recentius nomen est. Conf. annotat. ad Aristotelis *mirabil. auscult.* p. 184.

TETRACERA, dicta ob quatuor capsulas fructu cornuum instar reflexas. *Hort. Cliffort.* p. 214. τέτρα in compositione idem quod τέτταρες, quatuor, κέρας, cornu. Penult. corrip. ut monoceros.

TETRAGONIA, ex τέτρας, quatuor, γωνία, angulus; frutex fructu tetragonō. Boerhavii aliorumque nomen tetragonocarpus reiecit Lin. tanquam sesquipedale. *Hort. Cliffort.* p. 188.

TETRAGONOTHECA, Σήκη, theca, loculus, capsula. Pen. produc. Hodie species Polymniae. Pen. producitur; sic apotheca.

TETRAHIT (*Galeopsis*), Ruellio p. 594. et Stephano in *praedio rustico*, qui plurima a Ruellio, viro doctissimo, mutuatus est, p. 364. et 447. tetrahil vocatur, quod nomen barbarum neuter explicavit.

TETRALIX (*Erica*). media corr. Nomen herbae apud Theophr. hist. 6, 3. in fine. Tetralicis, tetralice Plinio. Pen. produc. vt bilicis, trilicis. Virg. Aen. 4, 467: *Loricam consertam hamis, auroque trilicem.*

TEUCRIUM, τεύκριον, herba, quam a Teucro repartam Plinius scribit 25, 5.

THALIA. Noli putare, esse nomen Musae, cuius pen. producenda. Traxit nomen a Joh. Thalio, medico Northusano; ergo pen. corrip.

THALICTRUM, vetustum nomen, quod a Θάλεω, floreo, vireo, deducitur.

THAPSIA,

THAPSIA, Θαψία, nomine invento a Thapsio insula. Conf. Plin. Thapsus s. Tapsus, herba, cuius mentionem Lucanus 9, 919. iniecit, quae creditur esse verbascum. Atqui *Digitalis thapsi* habet folia verbasci. Inde cognomen *Dig. Thapsi*, et *Verbascum thapsus*.

THELYGONUM, Θηλύγονον. Plin. 27, 8. et 28, 10 et 15. ex Θῆλυς, femineus, et γόνος, genu. Pen. corrip.

THELYPTERIS, eridis. (*Acrostichum*). Θηλυπτερίς, pen. corripiunt omnes casus. q. d. filix femina. Plin. 27, 9.

THEOBROMA, i. e. cibus deorum, Βρώμα, ατος, et Βρώμη, Βρώμης, cibus. Pen. produc. *Hort. Cliffort.* p. 379.

THESIUM, herba Plinio 27, 17. et 22, 22.

THLASPI. N. Θλάσπι. Plin. 27, 13. Diosc. 2, 145. a Θλάω, frango; a fructus forma, ait Bauhinus, qui veluti confractus et contusus est.

THORA (*Ranunculus*). vid. v. *Antithora*.

THRYALLIS, idis. pen. corr. Plin. 21, 17. et 25, 10. Θρυαλλίς.

THUIA, ae. Θύα et Θυΐα. Plin. 13, 16. Theophrast. 5, 5.

THYMBRA, ae. Plin. 19, 8.

THYMELAEA, Θυμελαία, quasi tithymalaea, ex tithymalo et olea mixta facie. Bauh. pin. 462. Plin. 13, 21.

THYMUS, i. M. et thymum. N. herba odorata,
cuius frequens mentio est apud veteres.

TIARELLA. novum nomen deminutivum. Tiara,
æ, pen. producta, pileus altus.

TIGLIUM (Croton). Fructus huius arboris di-
cuntur in officinis *grana tiglia*, gallice *grains*
de Tilli ou des Moluques, quod nomen, opini-
nor, inditum est ab insula quadam Moluc-
censi, quae hanc arborem fert.

TINUS, species lauri Plin. 15, 30. et Ovid.
metam. 10, 98.

TITHYMALUS (Euphorbia), s. tithymallus, pen.
producta. Q. Serenus 841: *Aut tithymallus*
atrox vulnus contrita perungit. Conf. v. 1106.

TOLUIFERA. Balsamum Tolutanum, s. de Tolu
dicitur in officinis, quod adfertur ex Americae
provincia Honduras, quam Americani Tolu
vocant. Dicitur igitur arbor illud balsamum
ferens toluifera.

TOMEX, icis. Pen. corr. F. Latinis restis est ex
cannabi impolito leviter torta. Quod nomen
arbor Malabarica accepit, cuius rami, pedun-
culi petiolique omnes crasso tomento mirum
in modum vestiti sunt.

TORDYLIUM. Plin. 20, 22. et 24, 19.

TORMENTILLA, quod radicis pulvis cum alu-
mine cavis dentium inditus, dentium tormentum
sive cruciatum sedet, Bauhino auctore
p. 326. Nomen ante aliquot saecula innotuit.

Toxi-

TOXICODENDRON (*Rhus*), q. d. arbor venenata et pestifera.

TRACHELIUM ex *τραχήλος*, collum, quod in colli affectibus commendatur. BAUH. Nomen auctoritate veterum caret.

TRAGACANTHA (*Astragalus*), *τραγάνθα*, q. d. hircina spina. *τράγος*, hircus, *ἄκανθα*, spina. Conf. Dioscor. et Theophr.

TRAGODES (*Fagara*). Videtur ex *τράγος* factum nomen, sicut *τραγωδῶς*, i. e. tragicus; media itaque producenda videtur.

TRAGOPOGON, onis. M. pen. produc. *τραγόπωγον*, *πώγον*, barba; q. d. barbula hirci. Etiam nostrates vocant Bocksbart. A prolixa lanugine, quae post florem erumpit, s. a pappo, nomen traxit. Conf. Dioscor. ac Plinius.

TRAGUS (*Salsola*), nomen herbae antiquum. *τράγος*, hircus.

TRAPA, nomen Gallicae, vel potius Germanicae originis, a Trape, Trappe, Ruellio p. 134. consentiente. Trapas, inquit, aliqui nominarunt, quo nomine murices intelliguntur, et Graecis tribuli, ad quorum similitudinem fructus accedunt.

TREMELLA. Appellatio deducta est a tremulo motu, quem plures huius generis species ob substantiae teneritatem contrectatae subeunt. Ita Dillenius *Histor. muscor.* p. 42.

TRIANTHEMA, ex ἄνθεμος, flos, et τρις, quae syllaba in compositione est tres vel ter. Pen. corripitur.

TRIBULUS. Media corrip. Notio et ratio nominis ut in Trapa, sed tribulus iam Latinis sicut nomen herbae.

TRICHOMANES, is. N. pen. corrip. Dicitur a vi sua, quod rara cute fluentem capillum expleat, et subnasci faciat. μαύρος, rarus, θρίξ, τριχός, capillus. Bauh. pin. p. 355.

TRICHOSANTHES, quasi flos pilosus dicitur, cum nota essentialis generica in pilis consistat. Lin. h. Cliff. p. 450.

TRICHOSTEMA, ex θρίξ, τριχός, capillus, seta, et σημα, ατος, stamen, a Linnaeo fictum nomen, ob filamenta capillaria, longissima.

TRIDAX, male. Nam est θρίδαξ, ακος, lactuca; ergo scribatur thridax, acis; pen. correpta. Q. Serenus 448: *Quod supereft thridaci junges ramenta carinae.* — ad quem locum conf. annotat. in edit. Burmanni.

TRIENTALIS, a foliorum specie nomen traxit. Iam Plinio 27, 5, folia *trientalia* dicuntur, quae amplitudine quatuor pollices aequant. Pen. produc.

TRIGLOCHIN. γλωχίν, ίνος, cuspis teli, τρις, tres; a capsula dehiscente in tres cuspides. Pen. produc.

TRIGO-

TRIGONELLA; a corolla trigona nomen traxit,
Linnaeo auctore, *philos. botan.* p. 166.

TRILLIUM, dictum ita a Linnaeo, quoniam
omnes species habent folia terna.

TRIONUM (*Hibiscus*). Illud quidem nomen
apud Theophrastum non legitur, sed Theodo-
rorus Gaza interpres ubique ἐρύσιμον Theo-
phrasti reddidit *trionum*. Opinatus est enim,
ἐρύσιμον esse *polygonum fagopyrum*, quod ob
semina triquetra vocavit *trionum*, quasi tri-
gonum. Itaque penult. producenda est.

TRIOPTERIS. Est nomen Plukenetii, a triplici
ala, ut in semine plantae, dictum. Haec Lin.
in *horto Cliffort.* p. 169. πτέρων, ala. Pen.
corrip.

TRIOSTEUM. Hoc modo praecedit Linnaeus *trio-*
steospermum Dillenii. οσθον, os, offis. Sunt
enim semina fere offea.

TRIPLARIS. Nomen aevi senioris, quo solus
vhus est Macrobius 1, 6. p. 27. et 1, 19. p. 97.
et 2, 1. pag. 119. Ferme eadem notione, qua
triplex. Media producitur, quem ad modum
alia vocabula desinentia in — *aris* et — *are*,
vti molaris, popularis, linearis.

TRIPOLIUM (*Mesembryanthemum*) Plin. 26, 7.
sect. 22. τριπόλιον Dioscor. 4, 130.

TRIPSACUM. Solus Theodorus Priscianus *de*
diaeta cap. 9. nominavit herbam *tripsacum*,
non *tripscum*. Pen. corrip.

TRIPTERIS (Valeriana). Nihil quidquam ad vocis explicationem adferre queo, neque scio quae fuerit caussa, quam ob rem ita appellata sit. τριπτης, ηγος est tritor a τριβω, sed haud scio, an inde nomen sit deductum. Nec illud mihi occurrit alibi. Quodsi ortum est ex τριπτης, media est producenda.

TRIQUETRUM folium. Media corripitur ob mutam cum liquida, quem ad modum lugubris, podagra, pharetra; etsi poetis liceat talem syllabam producere.

TRIXAGO (Rhinanthus) Plin. 24, 15. et Celsus 8, 31. Sed Apuleio *Trifago*, media producta, sed trixaginis, media correpta.

TROLLIUS. Primus inter Botanicos hoc nomine usus est Con. Gesnerus in *descriptione montis fracti seu Pilati*, quae repetita est in Scheuchzeri *histor. nat. Helvet.* I. pag. 243: Trollius, inquit, flos, ut nostrum vulgus appellat, et in hortos etiam transfert, coronarius est, nec aliis ex ea usus.

TROPAEOLUM. "Ita dixi, ait Linnaeus, herbam, cum hortulani communiter solent pyramidulum reticulatum extruere, per quem scandat planta, dum lepide veterum repraesentat tropaeos seu statuas victoriales, ubi folia clypeos, et flores galeas auratas sanguine tinctas, hastaque pertusas repraesentant." Hort. Cliffort. p. 143.

TROPHIS.

TROPHIS. Num a τρόφισ, ios? id est, bene nutritus, pinguis, atque etiam cibus.

TUBER (Lycoperdon). N. tuberis, media correpta. De tuberibus veterum conf. Waarenfunde 2. pag. 73.

TUBERARIA (Cistus). Castellani, ait Bauhinus, eam *yerva turmera* vocant, i. e. herbam tuberariam, quoniam vbi illa crescit, tubera frequentissime reperiantur. *Histor. plant.* 2. p. 12.

TULIPA. Non libet repetere, quae de historia ac nomine huius herbae exposuimus in *Histor. inventionum* 1. pag. 223. et 2. pag. 548.

TUNA (Cactus) nomen Americanum.

TURBITH (Seseli) nomen Arabicum; idem quod turpetum, nisi fallunt scriptores. Legitur iam apud Avicennam.

TURPETUM (Convolvulus). Conf. Martinii *lex. philol.* Ruellius p. 637. Dodonaei *purgant. hist.* cap. 22. p. 175. Graecis recentioribus τούρπετ, τούρπιτη. Conf. Du Cange *glossar. Graecit.* pag. 1591.

TURRITA (Arabis). Nomen obtinet ab extremorum cauli forma, qui in metae aut pyramidis effigiem desinunt; Clusio auctore *histor.* 2. p. 126.

TURRITIS, eandem herbam olim alii turritam, alii turritem vocarunt, quae vero nomina hodie diversis herbis imposita sunt. Vtrum-

que medium producit. Ex sententia Linnaei *philos. bot.* p. 169. turrita dicitur herba alta et angusta.

TUSSILAGO. pen. produc. tussilaginis, pen. corrip. Ante aliquot saecula factitia nomina botanica desinebant in — *lago*, ut nostra memoria nova mineralogorum vocabula in — *ites*. Habent sua fata et nomina.

TYPHA. τύφης Dioscor. 3, 133. meminit, "cui florum effigies turbinata, quasi typhonis se se gyrantis turbinem, aut gigantis staturam innacem signaret, nomen dedit videtur; vel potius τύφη a τύφος, quod locum lacustrem notat." Bauh. pin. p. 20. Haec quidem sententia mihi probabilius videtur. Nascitur enim herba typha in paludibus ac stagnis, et videntur τύφη et τύφη eadem nounina esse. Sic Aeoles dicunt Ψόθεν pro ψόθεν.

ULEX, icis. Pen. corrip. Lexica Gesneri nomen femininum faciunt, sed Plin. 33, 4. sect. 21. p. 618: *ulex siccatus viritur, et cinis eius lavatur.* Ergo non male dicitur *Ulex europaeus*.

ULMARIA (*Spiraea*) a foliorum forma C. Gesnero sic dicta. Plinio *ulmarium* est locus ulmis confitus.

ULMUS, i. F. Graecis πτελέα.

ULVA;

ULVA, ae. herba palustris Virg. et Ovidio.

UNEDO, onis. F. in nominativo correpte; est enim ab *vnuſ* et *edo*, eo quod, vna eius bacca comesta, altera vel tertia propter austerrum saporem haud expetatur, Plinio auctore. In genitivo penultima producenda.

UNIOLA, ab unione gluinarum ita dicta. *Philos. botan.* p. 166.

URENA. Huius quidem nominis piscis est apud Plin. 32, 11, quod medium corripit, Gesnero auctore in Lex. Fabri. Herbae autem nomen Dillenius in *horto Elthamensi* p. 431. finxit e nomine Uren, quod in *Horto Malabarico* P. 10. p. 3. tab. 2. plantam huius generis designat.

URINARIA (Phyllanthus). Sic C. Gesnerus nominavit *Leont. taraxacum*, quam herbam Galli vocant *piss en lit*, quod vrinam infantibus ciere vulgo credunt. Sed haud scio, cur a Linnaeo Phyllanthus ita dicatur.

URTICA, cae, ab vrendo dicta. Pen. produc.

USNEA (Lichen) officinis ita dicitur ex *Axneek* et *Usnee Serapionis*. Dillen. *musc.* p. 56.

UTRICULARIA. "Singulares admodum in hocce genere sunt vesiculae pellucidae vnico foramine perviae, radiculae adpensae, vnde non men utriculariae huic generi aptissime datur." Lin. *flora Lappon.* p. 13.

UVEDA-

UVEDALIA. factitium nomen ex *Wedalia* Pet. mus. p. 799.

UVULARIA, ae. a Trago ita dicta, quod uvulae praecedentiam tollere credant.

VALERIANA. Barbarum nomen, a multis quibus valet facultatibus, quare et *theriaca* olim dicebatur. Bauh. pin. p. 164.

VELLA. Hoc nomen a Galeno se accepisse dicit Linnaeus h. Cliffort. p. 329. Sed non reperitur, nisi in libro *de simplicibus medicaminibus*, qui Galeno falso adscribitur, et cuius Latina tantum interpretatio habetur. Vid. Galeni opera edit. Gesneri, ad calcem pag. 92.

VERATRUM, nomen antiquum. Producitur. Nomina enim in — *atrum* desinentia hac quantitate omnino gaudent. Conf. Poet. Gieß. p. 57. Atque Lucretius 4, 641: *Praeterea nobis veratum est acre venenum.*

VERBASCUM, i. cuius Plin. passim meminit. Apulejus *de herbis* cap. 71.

VERBENA, ae. pen. produc. De ratione, cur nostratis dicatur Eisenkraut, conf. dissert. Sigism. Schmieders in Hamburg. Magazin 5. p. 252.

VERBESINA. Nomen videtur ortum ex *verbena supina*; nam ita herba olim dicta est. Attamen

men C. Gesnerus *de hortis German.* p. 259. B. et p. 296. B. auctor est, dici eam Bononiae Forbesinam, quo alia vocis origo indicari videtur. Conf. Bauh. *hist. plant.* vol. 2. p. 1073. in appendice.

VERNIX, icis, F. (Rhus) media corripitur. Vocabulum veteribus ignotum, ex *Begvixn*, *Begvixis*, *Begovixn*, quibus graecobarbari pro succino usi sunt. Conf. Salmas. ad Solinum, et quae inde attulit Vossius lib. 2. *de vitiis sermonis.* Conf. Du Cange *glossar. graecit.* v. *Begvixn* et Martinii *lexic. philol.* Du Cange in *gloss. lat.* habet etiam *vernicium*, ex vita B. Lidwinae: *sed quasi vel vernicio limita, tanto splendore radiabat.*

VERONICA, videtur dici posse quasi veronica a viribus, quas habet contra pestilentes febres aliosve morbos. Martin. *lex. philol.*

VESICARIA (Alyssum), dicitur a fructus forma.
TOURNEF.

VIBURNUM. Virg. *ecl. I, 26:* *Quantum lenta solent inter viburna cupressi.*

VICTORIALIS (Allium) e Germanorum Siegwürz, quod est victoriae radix. Sic superstitionis maiorum herbam nominavit. Conf. Gesner *de hortis* p. 245. B.

VINCA a vinciendo dicta est. Plin. 21, 11, et 21, 27, ubi quoque *vincapervinca* legitur.

VIOLA,

VIOLA, ae. pen. corr. Graecis ιών, a quo violae nomen per diuinutionem factum videtur.

VIORNA (Clematis) ex Gallorum *viorne*, quod ex viburno ortum creditur. Ruell. p. 659.

VIRECTA. Recentissimum nomen, nescio vnde. Latinis est virectum s. viretum locus herbis virentibus amoenus.

VISCARIA (Lychnis) a visco. Sic nostratibus Vichnelke. Viscarius Latinis est auceps.

VISNAGA (Daucus), scribitur etiam Bisnaga; videtur esse nomen Hispanicum. Conf. Waarenfunde I. p. 588.

VITALBA (Clematis) e vitis alba contractum nomen.

VITEX, icis. F. pen. correpta Plin. 24, 9.

VITICELLA (Clematis), diminutivum nomen, quo primus Caesalpinus videtur usus, pro quo Latinis est *viticula*.

VULVARIA (Chenopodium). Quis primus foetoris similitudinem agnoscere sibi visus sit, non constat. De botanicis vero primus eo cognomine usus est, ni fallor, Castor Durantes.

WEINMANNIA. Hanc plantam Brown ab amico suo nominavit Windmanniam, sed cum nullus in botanica clarus Windmannus, paululum mutavit Linnaeus nomen in memoria Weinmanni, de quo conf. Böhmer p. 212.

XANTHUM, herba, qua rufantur capilli. Plin. 24, 19. Dioscor. 4, 133. ξανθὸς, flavus.

XERANTHEMUM, pen. corrip. ex ξηρός, aridus, siccus, ἄγριος, flos. Nomen bene convenit in florem exaridum.

XIPHIUM (Iris), herba, quae Romanis gladiolus. Conf. Plin. passim. ξίφιος, gladiolus.

XYLOPIA. Num ξυλόποιος, ligneum habens pedem? Fecit Linnaeus nomen, ut evitaret *Xylopricum* Pluken.

XYLOSTEUM (Lonicera), nomen novum, quasi lignosseum, propter ligni duritiem. Martinii Lex. phil.

XYRIS, idis. pen. corr. Plin. 21, 20. sect. 83. ξυρίς vel ξειρίς, gladiolus s. iris.

ZACINTHA (Lepisana). Ex Zacyntho, Graeciae insula fortasse allata. Primum legitur, nime fallit memoria, apud Matthiol. ad Dicor. 2, 125. p. 389. Latinis Zacynthus est insula, nomen vero gentile zacynthius vel zacynthinus. Ergo rectius dicatur *zacynthia* sc. herba.

ZAMIA. Originem nominis an conjectura adsequutus sim, dubito; dicam tamen quid de ea sentiam. Plinio 16, 26. zamiae sunt strobili in pinu, nucesque pineae. Fortassis inde traxit nomen herba, quae hodie refertur ad filices, et si quae sit nominis ratio non constet.

ZANTHOXYLUM. Nullus dubito, quin sit legendum *xanthoxylum*, id est, lignum flavum. ξανθὸς, flavus. Namque fuerunt olim, qui *Mori tintoriae* varietatem, quae etiam praebet lignum illud, quo tinguntur panni, xanthoxylum dixerint. Atque Pluker. Morum xanthoxylum retulit ad genus xanthoxylum Linnaei. Male igitur scribitur per z. Conf. Waarenkunde 1. p. 125. et Millers Gärtners Lexicon 3. p. 220, 226. et 4. pag 905, ubi recte scriptum est per x.

ZAPOTA (Achras), aliis Sapota, nomen Indicum, quod etiam Sappa et Anglis *Sappatillatree* scribitur. Conf. Sloane et ex eius libro, quae relata sunt a Raio *histor. plant.* 3, 2. *dendrol.*

dendrol. p. 78. et Millers Gartner: Lexicon
4. pag. 79.

ZEOCRITON (Hordeum). Si descendit a ζέα et οὐράνιον, hordeum, rectius scribitur per th; sed nescio an sit a οὐρανός, η, ου, selectus, optimus, quasi zea optima. Nomen veterum auctoritate carens penult. corripit.

ZERUMBET (Amomum), appellatur Arabibus,
Persis ac Turcis zeruba. Conf. Garcias ab
Horto.

ZEUGITES (Apluda). Plinio II, 12. et 16, 36.
zeugitae sunt arundines. Pen. produc.

ZINGIBER (Amomum), zingiberis et zingiberi.
Pen. semper correpta. Conf. Waarenfunde I:
p. 224, 233, 234.

ZIZANIA. Ζιζάνια legitur apud solos evangelistas
in novo testamento et apud theologos, non
nisi in plur. numero.

ZIZYPHUS (Rhamnus), media correpta. Est ar-
bor apud Pallad. I, 31. Zizypha vero sunt
fructus eius arboris.

ZOSTERA. A ζωσής, ηγεος, cingulum, baltheus,
deducitur in Philos. bot. Erit itaque media pro-
ducenda. Nomen herbae marinae bene con-
venit, cum fasciae similis sit. Ruellio rectius
p. 625. dicitur zoster.

ZUZYGIUM (Myrtus), nomen a Brown falso scriptum. Sizygia, ae, σιζυγία, est coniugatio, connexio. Ceterum zygia Latinis est arbor, ex qua fiunt iuga iumentis.

ZYGIS, idis, (Thymus), penit correta. Apulej. *de herbis* 99. et Dioscor. 3, 41. est herba, quam serpyllum agrestem vocant.

ZYGOHYLLUM. Ita dictum Linnaeo, quod folia coniugata habent omnes species, ut boves sub iugo. Hort. Cliffort. p. 160.

COLOR.

COLOR.

Composita ex colore cum nominibus et cum numeral. et praepos. corripiunt penultimam. Sic bicolor, tricolor, discolor, concolor, cet. Ovid. fast. 1, 80: *Et populus festo concolor ipse suo est.*

FERO.

Composita e Fero cum nominibus, quorum Latinis ingens numerus est, quem botanici auxerunt, penultimam corripiunt. Sic enim baccifer, corymbifer, pestifer, corripiunt penultimam; eodem modo debenius corripere factitia nomina: gummifera, prolifera, balsamifera, eleminifera, somnifera, vinifera, bulbifera, stolonifera.

FINDO.

Composita cum numeral. et praepos. corripiunt pen. bifidus, trifidus, quadrifidus, multifidus. Ovid. metam. 2, 325: *Naises Hesperiae trifida fumantia flamma.*

Flos.

Nomina adiectiva, quae botanici sine auctoritate finixerunt e Flore, debent produci, cum prima in floris, florens, semper producitur. Tibull. 1, 2, 14: *Supplice, cum posti florea serta darem.* Itaque producenda haecce adiectiva olim ignota: grandiflora, biflora, curviflora, nudiflora, longiflora.

GLUMA.

Quae botanici inde finixerunt adiectiva, ea penultimam producere debent, sic *Iuncus biglumis, triglumis.* Est enim gluma, folliculus seu theca grani in frumento, a glubendo, cuius syllaba prima producitur, Catullo auctore 59, 5, in versu phalaecio hendecasyllabico: *Glubit magnanimos Remi nepotes.* Eodem obscenitatis sensu deglubere legitur apud Auson. epigr. 71, 7: *Deglubit, fellat, molitur per utramque cavernam.*

Fuyn, mulier, femina, vxor.

Prima syllaba corripitur, quam ob causam etiam *digynus* (*Rumex*) medium corripit.

JUGUM.

IUGUM.

Cum prima huius vocis pars corripitur, corripi debet quoque penultima in *biiuga* (*Melicocca*), vel Silii Italici auctoritate 2, 82: *Pars comitum biugo curru, pars cetera dorso.* De foliis biugis, trijugis, quadrijugis cet. conf. *Amoen. acad. 6.* p. 229.

LOBUS.

Λοβὸς, infima pars aurium, item iecoris fibra, item binae partes, in quas abeunt semina quaedam, atque etiam foliorum partes. Graecum est, non Latinum. Inde folia biloba, triloba, quadriloba. Lotus tetragonolobus, id est, legumen quatuor angulos habens et in quolibet angulo lobum, quae omnia penultimam corripiunt.

OLERE atque olens.

Primam syllabam corripiunt. Itaque penultimam corripere fas est in *graveolens* (*Anethum*), *suaveolens* (*Ballota*), cet. Sic Virg. aen. 6, 201: *Inde, ubi venere ad fauces graveolentis Averni.* Catullus 61, 7. in carmine generis

Glyconii, vbi tamen in prima sede est trochaeus: *Suaveolentis amaraci.*

TOMUS.

Graecis *tόμος*, ergo corripienda quae inde derivantur adiectiva. *Dichotomus* (*Scirpus*), *dichotoma* (*Minuartia*). *Colum.* 10, 369:
Sed iam protomas tempus decidere caules.

I 4 6 2.

Vt

Vt Plato testatus est, veteres cum plurimas rerum
ignorarent, alias omnino non nominarunt,
alias non recte. Non est igitur, quod nomina
nobis imponant, sed inspicienda nobis est
ipsa rerum substantia.

GALENUS de symptomat. differentiis.
cap. 3. p. 24. edit. C. Gesneri.

C O R R I G E N D A.

Pag. 28. lin. II. lege *Asarum*, non *Artum*.

Pag. 40. lin. ultima lege: *Quapropter*.

Pag. 95. lin. 3. lege *Plinii*.

